

ჩვენი თაობა

საქართველოს საბჭოთა შრომების
კავშირის ყოფილი თეორიული ორგანო

12 786

10



სახელმწიფო გამომცემლობა
ტფილისი
1939 წელი. სექტემბერი

შინაარსი

მხატვრული ლიტერატურა

	გვ.
გაბრიელ ჯაბუშანიური — საზღვარზე	3
შალვა ამისულაშვილი — ბაკურციხე	5
კონსტანტინე გამსახურდია — სიკვდილს უღიმი- სო (ორი თავი ტრილოგიიდან „ბელადი“).	8
კალე ბოზოხიძე — განახლებული ოსიაური	25
იოსებ მჭედლიშვილი — პირველი ყეენობა	27
ილია ხოშტარია — ისევ შენთან ვარ	35
ლადო ბალიაური — შური	36

კრიტიკა

აკაკი გაწერელია — დოსტოევსკი	53
გ. ჟღენტი — ვახტანგ ორბელიანის წერილები რძალთან	63

პასუხისმგებელი რედაქტორის მოვალეობის აღმსრულებელი დიმიტრი ბენაშვილი
პასუხისმგებელი მდივანი ნიკოლოზ აბიაშვილი

წარმოებას გადაეცა 29/X — 39 წ. ხელმოწერილია დასაბეჭდათ 27/XI — 39 წ. ქალაქის
ზომა 72 X 105, ეურნ. ზომა 11 X 7½, ფორმათა რაოდ. 4. შეკვეთის № 2483 მთავლიტის
რწმუნებული № 2080. ტირაჟი 3500.

მხატვრული ენობაშუკა

გაბრიელ ჯაბუშანური

საზღვარზე

დილის უამს სიასამური
ტოლს ეძახოდა ფრთხილად,
მზეს მოეკრძალა ღამურა,
ფულტურო მოიჩრდილა;
ძილს ნატრულობდა მდინარე
და ნამსა სვამდა დილა.

მნათობს მოვეყვებით მერცხლად
მე და მესაზღვრე ფრთხილი,
მან ამხანაგი შესცვალა,
მე ლექსს ვუკითხე პირი.
წყალს წისლი წამოეძალა.
ვით მუხანათის ჩრდილი.

ხმელეთს, ორად ყოფს მდინარე, —
აქ მას საზღვარი ჰქვიაან;
მარადეჟამს დაუძინარი
არბევს ნაპირებს ქვიანს;
გალმა სხვა სუსხი მძვინვარებს,
აქ სხვა სიონი ჰქვიაან.

წყალსიქით მოსჩანს სოფელი —
ძველი ქოხების წყება,
მოლს გვირილებით მოფენილს,
ციდა რომ გადასწვდება —
ბილიკი მოსდევს ობოლი
და წყლის ნაპირთან წყდება.

ცოტახნის შემდეგ ამ ბილიკს
კაცი დაადგა ერთი,
ჩონჩხს ვავედა იგი, ნამდვილად,
ძირს ჩავარდნილი მკერდით,
დაჯდა, ატირდა ამდილით,
ხშირი ცრემლების ღვენთით.

საბჭოეთს შემომხეროდა,
გულში იცემდა მჯილით,
თითქოს ამბობდა შორიდან:
— „მთელ ჩემ სიცოცხლედ მიღირს
მანდ ყოფნა. აქ კი შშორია
ბორკილისა და ციხის!“

გავკვირდი... — მხოლოდ მესაზღვრე —
იღვა დაბინდულ სახით,
შუბლს ჩრდილი აწვა, მეტადრე
თვალს სიბრალულის დაღი,
ფიქრს მაინც გულში კეტავდა,
არას იტყოდა ბაგით.

ისევ სტიროდა გაღმელი,
თვალ ცრემლში ჩაეწვინა,
ამდროს მოგარდა რაზმელი,
ხიშტით გაიგდო წინა,
თან წაიყოლა წამსვლელმა
ღარღი და ცრემლის წვიმა.

*
* *

ხანი გავიდა, იმ არეს
მოედო ბრძოლის ალი,
ჩვენი გმირები მძვინვარე
მოდგნენ ლომური ძალით
და ის საზღვარი-მდინარე
კვამლივით წაიშალა.

ხარობდა ხალხი დამხდური,
გმირებს ამკობდა ქებით,
ერთმანეთს შეხვდნენ გაღმელი
და გამოღმელი ძმები..
გარშემო ჰქუხდა ნაღმივით
გამარჯვებულთა ხმები.

შალვა ამისულაშვილი

ბ ა კ უ რ ს ი ხ ე

— ვინ იყო იგი?... ვინ შეარქვა მისი სახელი?... —
არ მშორდებოდა მეოცნებეს ასეთი კითხვა:
— რად გინდა, ბიჭო,
ჯერ ბავშვი ხარ, — შემომძახებდნენ.. —
და ჩუმი სევდა რაინდივით დამქონდა დიდხანს...
სალამოს ბინდში,
მშვიდ ღამეში, რიჟრაჟის ნამში
ვხეტილობდი, ღღენიადაგ მეხვია ჯავრი;
ტულში ვამბობდი:
— ასე გვიან რისათვის გავჩნდი,
იქნებ მენახა მისი სახე, კახეთში ჩავლილს.
ერთხელ მარანში,
ქეიფის დროს, შევესწარე გლეხებს,
ლალისფერ ღვინოს ქაშანურის ჯამებით სვამდნენ,
მოთავდებოდა...
ახალ გუთნურს მღეროდა მეხრე... —
და მოხუცები წარსულ დროზე ჰყვებოდნენ ამბებს.
ქვევრების გასწვრივ
გაშლილიყო საწნახლის ჩრდილი
და ბრტყელ სარკველზე ლაპლაპებდა სველი ჩაფური;
არალუღებში
ალმასივით სხლტებოდა სხივი.. —
კრთოდა მაგიდა ოქროს ხელში გამოჩარხული...
ჰყვებოდნენ ამბებს...
ბაკურციხეც ახსენეს ბევრჯერ,
თუ რა ბრძოლები გადიტანა წვიმაში, ქარში;
მეგონა:
ცივი ახალოხი მეხურა მხრებზე.. —
ვგრძნობდი ჟრუანტელს ყოველ წუთში და ვთრთოდი ბავშვი.
ახლა ნანატრი...
როგორც იყო მოვკარი ყური,
რასაც ველოდი მღელვარებით და გატაცებით!..
უბრალო კაცმა

ჩემს გონებას მოსტაცა ბური,
უბრალო კაცმა მისახსოვრა დიდი განცდები!..
— აქ, ამ ადგილზე,
ასეული წლების გადაღმა
ცხოვრობდა ვინმე ეგარსლანი მეფურ ცხოვრებით;
მან ქართველობა
არ იკადრა, განზე გადადგა, —
ჩინგისყაენებს მიემატა ერთი მპყრობელიც...
მას ალვანელი მეომარი
ჰყავდა რაინდად,
ბაკური ერქვა... ნადირობა იცოდა კარგი;
მალე მათ შორის
მეგობრობა გაწყდა, დაირღვა,
მალე მათ გულებს უწამლავი მოედო ჟანგი...
შეწუხდა ხალხი...
მძიმე იყო მონღოლთა რისხვა,
ბაკურმა ხალხის ჭირვარამი გაიზიარა;
ადგა, ქართველებს
ძველებური მხნეობა მისცა.. —
და მტრის ურდოებს აწივლებულ ისრით მიადგა!..
კახეთის ბედი
აწუხებდა კახთა წინამძღვარს,
კახეთის ბედი აწუხებდათ მედგარ კახელებს!..
მთელი ლაშქარი
გადაიქცა ამტყდარ ნიაღვრად,
თვითეულ მათგანს ცეცხლი ენთო ფერმკრთალ სახეზე!..
მტერიან ბექორებზე
იმსხვრეოდნენ ქეიბურები
და დაუქედავ ბედაურებს გრგვინვა გაჰქონდათ,
ძვლის ნამტვრევებით
ივსებოდნენ მთების უბენი, —
და ენდროსფერი ედებოდა მიწას ნაფლოქვარს!..
კახთა წინამძღვარს
ეგარსლანი შეხვდა ხმალდახმალ,
უნდოდა ქვიშა ეჭმევენა ვაჟკაცისათვის;
ალარ დასცალდა,
მზექაბუკმა ხმალი გადაჰკრა,
ეგარსლანისთვის სამუდამოდ ჩაჰჭრა ცისკარი!..
დამარცხდა მტერი...
გადაიღო დიდმა ავდარმა,
დამშვიდდა ჯარი, ყველა თავის სახლკარს მიადგა;
მოლალატეთა სახეები
ბინდმა დამალა,
მოლალატეთა თორაბჯარი დარჩა ტიალად!..

ბაკურმაც თავის
ციხეკოშკი მოძებნა ისევ
და საომარი საქურველი დაჰკიდა მალა;
დროგამოშვებით,
ძველებურად სინჯავდა ხმლის წვერს.
დროგამოშვებით შეარხევდა კედელზე აბჯარს!..
ცხოვრობდა ტკბილად...
ნადირობდა, ლესავდა ისარს,
მთაში თუ ბარში ყველა მისი მლოცველი გახდა;
და, როცა იგი
მიიბარა სამშობლოს მიწამ,
ამ ადგილს მაშინ ბაკურციხე უწოდა ხალხმა!.. —
...დაეტოვე სუფრა...
ფრინველივით გავიქერ გარეთ,
რიჟრაჟი იყო, იღვიძებდა დინჯი კახეთი;
ლიმილი ეკრა
ტრიაშელ ცას ოთხივე მხარეს, —
და კავკასიონს შესცინოდნენ ბალვენახებიც!..
აველ მალლობზე...
უცაბედად შეეხვდი ნაციხარს,
ხავსი და შამბი მოსდებოდა დარღვეულ კედლებს;
კედლების შიგნით
მდუმარება ეგდო ნაცრისფრად...
და მუხარადის ნაღწები ეყარა ქვებზე...

კონსტანტინე გამსახურდია.

სიკვდილს უღიმისო... *)

მთვარე ჯერაც არ იყო ამოსული, როცა ამილახვრიანთ ჭიშკართან ფარაჯიანი კაცი ჩამოხტა ცხენიდან და ურდულს წაეპოტინა. მაგრად იყო დაგმანული კარი.

„სესია.“

დაიძახა ლანდმა.

მგზავრი კოკმანობდა: შესულიყო, თუ მოეცაღნა მცირე ხანს? ძაღლების ჩქამი არ ისმოდა.

„სესია, ჰაუ, სესია“

დაიძახა ხელახლა მან.

მთვარე გამოვიდა ღრუბლის თეჟიდან და გაანათა მშვიდად მთვლემარე ეზო. შარის გაყოლებით დარგული თუთები თეთრი ქოლგებივით ჩამწკრივებულნიყვნენ, ელავდა ჭირხლი დათოვლილ ტოტებზე. უზარმაზარი ნაბადივით ეფინა ღამე ორასწლიან ცაცხვის ქვეშ, ბანჯგვლიან თათებივით მოხატულიყო შტოების ლანდი თოვლითმოგებულ მიწაზე.

ხეები ისე გარინდებული იდგნენ, თეთრი ფიჭისაგან ჩამოუქნიაო ისინი ვილაცას.

ფარაჯიანმა დახველება გაიგონა, ცაცხვის ჩრდილიდან თავჩაქინდრული კაცი გამოვიდა, ახველებდა ნელა, ახველებდა და მოდიოდა ვილაც.

ჭიშკართან მორიალე ლანდს რა მიეახლა, თავი აიღო, რომელი ხარო შესაბანა.

„ვამეხი ვარ, ბეჩავო, ველარ მიცანი, სესიავ?“

სესიამ ჭიშკარი გააღო, ცხენიანად შემოიყვანა ეზოში სტუმარი.

„მისდინხოდი ლა სადმე, სესიავ“

„მოურავი მაგზავნის ვაგზალში“.

„ძაღლები დაბმულია?“

„ძაღლები დაბმულია, მაგრამ შენ ესა თქვი, უფლისაი რად არ მოვიდა, უფლისაი იხმო კნიაზმა და შენ რაღად გამოგზავნეს?“

„სულერთი არ არის განა?“

„სულერთი რად არის? აკი უფლისაია სარქალი?“

*) ორი თავი ტრილოგიიდან „ბ ე ლ ა დ ი“.

„უფლისაი აღარაა სარქალი, სარქალი მენა ვარ“.

„რადაო ვითომ?“

„დაგვიბერდა მამაო, მუხლებს იტკივებს“.

„ბატონი ვერაა გუნებაზე, მოურავმა გაახელა“.

სესია წასვლას დაადგა, მაგრამ ვამეხმა ხელი წაავლო მაჯაში, ახლო მოს-
წია და ზედ ყურის ბიბილოსთან ჩასძახა:

„მამუკაი თუ მოვიდა, სესიავ?“

„მამუკაი აქაა, მაგრამ შიშობს ძრიელა“.

„სამუშაო თუ აქუ რაიმე ბეჩავსა?“

„მენახშირედ ჩააყენა ბესომან“.

გაგაისათვის ხომ არ გითქვამსო რაიმე?

„გაგაიმ არაფერი იცის, გულდამაყრელი ხიზანიაო, ასე დააჯერეს გაგაი.“

„ლდე ჩათვლით მუშაობს ლა“.

„არა, ყოველდღე, ხანაც ღამღამობით, ამასწინათ შამხვდა მამუკაი, ცხვორ-
ჩი მინდაო; ცხვორი მომენატრაო, შემომჩივლა.“

სესია შესდგა, შიიხედმოიხედა და თითქოს ჩურჩულით ამბობს:

„კაცმა რომა თქვას; კაი უქნია უფლისაის, თავათ რომ არ ჩამოვიდა, პო-
ლიცია დაეძებსო ასე მამიკრამს ყური!. მოურავისთვის უკითხავს ვეზნაჩანიკსა,
სადა დგასო ამილახვრიანთ ცხვარი“.

„მამას ჩემს რაღა ერჩიან, მამუკაი ჩემი შვილია, თუ მოწიფული შვილისა-
თვის მამაი უნდა დაისაჯოს, მე უნდა მამკიდოს კანონმა ხელი.“

„ეჰ, რა ჭკუასა ჰკითხამ მაგათ სამართალს, ალბათ უფლისაი უჩვენებია
დამსმენელს, როგორც, სარქალი, ახლა ასე ამბობენ ცხვარჩი იმალებათ მამუ-
კაი“.

სესია დადუმდა, მცირე ხნის შემდეგ ვარსკვლავებს ახედა და ვამეხს ეუბ-
ნება:

„ახლა მე მეჩქარება, ვამეხ ჩემო, შენ წადი, ეცადე, მალე გაეცალო აქაო-
ღასა.“

ესა სთქვა სესიამ და კიშკარი გაიხურა.

ვამეხი წინ გაუძღვა ცხენს.

მოურავს ბატონი გაუხელებიაო?

ცხვორს პეპელი გაუჩნდა, ჩვენი რა ბრალია?

შესაძლოა წაგვართვან კიდევაც ცხვორი?

ფიქრობს ვამეხი და მიყვება შარას.

ძნელია მთელი სიცოცხლე ცხვარში დაალამო, მიწა არ გაგაჩნდეს და მამუ-
ლი, სად უნდა წავიდეს მერმე, ცხვარში მოხუცებული კაცი?

ცამეტი ჭედილა, ას ორმოცი შაქი, ოცი ნაშაქალი, ხუთი ყოჩი და ამდენი-
ვე თოხლი პეპელმა გაუწყვიტა არაბულებს. სენმა წაიღო ათი წლის ნაამაგარი,
სამი ვაეკაცის ნაჭირნახულევი საჭონი.

ახლა უფლისაი თუ დაიჭირეს, ცხვარს ჩამოართმევენ არაბულებს, ოთხი
ოჯახი დაიმშვეა.

უფლისაი ძველი სარქალია, სახელგანთქმული მცნობი უმისოდ ერთდლე-
საც არ დაიჭირს ამილახვრი ჩიტესასა და ვამეხს.

ამ ფიქრებში გართულს ცაცხვის ძირამდის მიედწია.

დასადავებული ცხენი წარამარა ოჩნობდა, მოზიდავდა ვამეხი სადავეს, ცხენი თავს ასწევდა უეცრად, შეატოკებდა ვამეხს, მერმე ცოტახანს ისევ ნებას დაჰყვებოდა და ისევ გაოჩნდებოდა.

კაკლის ძირში მიაღწიეს ამყოფით ცხენმა და მხედარმა, ძაღლებიც აჩქამდნენ, ცხენი უარესად გაოჩნდა.

„აჩუ, შე სამგლე!“

შეეხმაურა ვამეხი ცხენს. გამობრუნდა თუ არა, მყისვე შენიშნა რალაც ბანჯგვლიანი ლანდი მობობლავდა.

ვამეხმა დათვი იცნო. ალბათ შინაურია. და არას დამიშავებსო, გაიფიქრა. სწორედ ამ დროს კვლავ გაოჩნდა ცხენი.

ვამეხი ისევ ცხენს მიუბრუნდა, ორივე ხელით დაითრია სადავე და გამობრუნებულს უკვე ფარაჯის კალთაზე მოვბლარძუნა დათვი.

ვამეხმა წიხლის კვრა მოასწრო, ცხენი დაუფრთხა, მხედარმა წონასწორობა დაჰკარგა, განზე გამხტარ ცხენის სადავეს გადაჰყვა და წაიქცა.

დათვი მუხლის თავზე ეცა.

ვაიმე დედაო,

შეჰყვირა ვამეხმა, ზეწამოიჭრა, სატეგარი გაიძრო და სიბრტყით შემოჰკრა ნადირს.

ამ ხმაურობაზე გამოსცივიდნენ სამხარეულოდან ბიჭები. დათვი გაიქცა, ვამეხმა იგრძნო ტფილი სისხლი ღვარივით ჩასდიოდა პაჭიჭებში.

ორი ბიჭი შეუდგა მხრებში ვამეხს, შუაცეცხლის წინ დააწვინეს მუხლგამოღარული სტუმარი.

მოურავი წარბებშეყრილი შემოვიდა, ბიჭები დატუქსა, რად არ დაგიბამთო დათვი? ვერ გაიგეთ, ბელი რომ აღარაა, უკვე დათვიაო, რვათვიანი ბელი.

მერმე ვამეხს მიუბრუნდა. რად ჩამოსულხარო ასე გვიან? დოლის ამბავი აინტერესებდაო ბატონს, გუშამ ტფილის წაბრძანდაო ცოლშვილიანად. მეც ამაღამ უნდა წავიდეო.

თუ ჩამოსვლა იყო, უფლისაი რად არ ჩამოეთრაო?...

ვამეხმა უფლისაის ავადმყოფობა მოიმიზეზა, ავადმყოფობა და უსაშველო ნამქერები, ახლაც ძლივს გამოვალწიეო სამუხლე თოვლში, ორგზის წამექცაო ცხენი.

მეორე დღეს გაგამ და სოსომ გაიგეს ვამეხის ხიფათის ამბავი. ბეჭრი ეცადნენ, მაგრამ საავადმყოფოში არ შეუშვეს ყმაწვილები. მხოლოდ კვეირაობით იღებენო მნახველებს.

სასოწარკვეთილი გაგა ცრემლებს ველარ იკავებდა.

სოსომ დატუქსა ერთორჯერ: სად ნახულაო ვაჟკაცის ცრემლი?

განმარტოვდებოდა, მოძებნიდა ბნელ კუთხეს, იჯდა და ბალღივით ტიროდა გაგა არაბული.

მიხა და ცოქალა ამაოდ ანუგეშებდნენ: მსუბუქად დაკბენილიაო ვამეხი, ყმაწვილი მაინც იკვნიულობდა, რაკი ავადმყოფი აღარ მაჩვენეს, ალბათ სულ-ლთმობრძავეი უნდა იყოსო.

გაგას მამისადმი საყვარული არც განეცადა ოდესმე, ეს გრძნობა ვამეხზე ჰქონდა გადატანილი.

თავათ უტყვი, გულჩახვეული ვამეხი სტუმარივით იყო არაბულების ოჯახში.

ბოლოს პაპა უფლისასადმი სიყვარული ყველას ჩრდილავდა, მან პაპის გრძნობაც მისიაკუთრა ოჯახში, პაპისაც და პაპის მამისაც, (ისე როგორც მრავალწევრიან ოჯახებში ხდება ხოლმე მთაში).

გაგა გრძნობდა, ვამეხი დაჩრდილული რომ იყო ოჯახში, იმიტომაც უფრო წაეკიდა მისდამი სიბრალული ყმაწვილის გულს, ნანობდა კიდევაც გაგა იდუმალ: ვამეხს, რომ არასოდეს მოფერებია იმ ტკბილი და ტფილის სიყვარულით, რომელსაც ყმაწვილი იჩენს ხოლმე პაპის მიმართ, ხოლო მამისადმი განკუთნილ გრძნობას ფარავს ხოლმე შეძლებისამებრ.

შესაძლოა აქ ვამეხის ასაკსაც მიუძღოდა ბრალი. იგი ადრე გაზდა პაპა, მაგრამ პაპის ადგილი უკვე უფლისას დაეკავებინა ოჯახში.

სამ დღეში ხატის ცვილივით ჩამოდნა გაგა. მიხა ქილიფთარის ოჯახი უარესად დაამწუხრა ქაბუჯი ხევსურის ასეთმა გლოვამ.

ცოქალას მთელი ღამეები არ ეძინა. ესმოდა. თუ როგორ ქვითინებდა ფარდის უკან, ტახტზემწოლარე გაგა. ესმოდა, მაგრამ ბუნებით მორიდებულ და სათნო ქალს ვერ მოეკრიფა გამბედაობა — თავზე წამოდგომოდა მტირალს და როგორმე ნუგეში ეცა.

ერთ საღამოს ცოქალა შინ ბრუნდებოდა ეკლესიიდან, ქიშკართან გაგა შემოეფეთა.

მას ხევსურული ჩოხა გადაეცვა, თავზე ფაფახი ეხურა, ხმალი წელზე დაეკიდა, განზე სატეფარი, ფარი ცალ ხელში ეჭირა და მხედრული ნაბიჯით მიიჩქაროდა სადღაც.

„გაგა, პაუ, გაგა.“

შეეხმიანა ცოქალა.

გაგა თითქოს დაყრუვდოა, მიდის და არც კი მიხედა ცოქალას.

„გაგა, შვილო გაგა“. მიიძახა ხმააწეულად, მაგრამ გაგა უკვე მიეფარათვალს.

ამილახვრიანთ სასახლეში ყველაფერი არია ბატონებისა და მოურავის ტფილისს გამგზავრებამ. რუსიკო ჩვეულებრივად შინ დასტოვეს. ქალბატონის ბრძანებისამებრ მოხუცებული ვარდისახარ დააწვინეს რუსიკოს ოთახში, რადგან რუსიკო მთვარეული იყო და მარტო ველარ წვებოდა ღამე. თავგების ეშინოდა, თავგებისა და მარტის კატების კნავილს ველარ იტანდა რუსიკო.

გოგო-ბიჭებმა თავზე წამოიცივეს სასახლე.

ვარდისახარ ბრმა იყო, კეთილი რუსიკო ყველას უყვარდა, ამიტომაც არავინ ეპუებოდა მათ.

დამშეული ცხენები თავლაში ჭიხვინებდნენ, მოწყურებული ფურები და ხარები ბოსელში ბლაოდნენ, ვარდისახარს ეს ყოველივე ესმოდა შორიდან, დღენიადაც ფანჯარასთან იჯდა, ჯოხს ურტყამდა ფანჯრის რაფაზე.

ეძახოდა: ხან სურათას, ხან გიორგას, ხან ლექსოს, ხან ცაბოს, ხან ვანოს.

გიორგა სურათას აეტორღიალა. ბელელში, მარანში, საქათმეში, სადაც წაისწრებდა, ყველგან ჩქმეტდა და კოცნიდა.

თავათ სურათა მურაბებს იპარავდა, თაფლსა და ერბოს უტრიალებდა; ანებივრებდა გულის მურახს.

ლექსომ იხვებზე ნადირობა დაიწყო, ცაბო და ვანო საბძელში კოტრია-
ლობდნენ დღელამ.

ცხენებში ჭიხვიანებდნენ, კამეჩები ყოყინებდნენ, მტრედები გრუტუნებდნენ,
ღამღამობითაც ზმუოდნენ ძროხები.

დღელი არწივი მოკვდა. ძუ ძელა გალიიდან გაექცა კვების დროს ვანოს,
დამშეული მტრედები უთენია ალიონზე მოსჯარდებოდნენ, აბუზული შველი
უილაჯოდ იცოხნებოდა.

მტრედებს მაინც გადავარჩენო, ფიქრობდა რუსიკო, მთელი ღამეები არ
ეძინა შიშისაგან, მაინც აღრე დგებოდა, მტრედებს დააპურებდა, შველს ცო-
ტაოდენ ცომს აჭმევდა და განაგრძობდა სენკევიჩის რომანების კითხვას.

სესია შეშას სჩხავდა, ან არადა მხარეთიძოზე წამოწვებოდა, იწვა შუაცეც-
ხლთან და არხენად აბოლებდა ყალიონს.

უსინათლო ვარდისახარი წიოკობდა, დღენიადაგ ეძახდა ყველასათითა-
ოდ, მაგრამ ყველა იმის ცდაში იყო — „ქენინას“ ჩამოსვლამდის მოეთავებინა
ჭამა, ძილი, არშიყოლა და ჩქმეტა.

მხოლოდ ვარდისახარს ეწვოდა ოჯახისათვის გული, რადგან ამილახვარის
სასახლეში ჩაბერებული ნაყმევის ქალი იყო ვარდისახარი, განმკითხავი არავინ
გააჩნდა ქვეყანაზე, ბატონის გარდა.

მთელი დღე ფანჯარასთან იჯდა და შეძრწუნებული ფიქრობდა: რა ეშვე-
ლება ამილახვარის სასახლეს, ბატონები რომ დიდხანს დაყოფდნენო ქალაქში?

ვამეხის დაკბენის შემდეგ საგანგებოდ დასჯილი ბელი უარესად გაავდა.
მოურავს არაფრად ეპიტნავებოდა მაინცდამაინც იგი. მუდამ ამას ამტკიცებდა
მოურავი: იგი უკვე დათვია, დავკლათ, გავატყავოთ, ხორცი ბიჭებს ჩავაცეცხ-
ლოთ, ტყავი სახლის დერეფანში დავფინოთო ძუ დათვის გვერდით, მაგრამ ბა-
ტონები უარზე იდგნენ: თამაზს უყვარსო ბელი.

მართლაც დიდი აბეზარი ვინმე იყო იგი.

აუშვებდნენ, გოჭებსა და ბატკნებს იპარავდა, ქათმისა და ინდაურის სინსი-
ლა გააწყო, შინაურებს ებლოაძუნებოდა, მიმსვლელებს ერჩოდა, დაბამდნენ,
აღრიალდებოდა, გაუშვებდნენ — ისევ აბობლდებოდა.

ტფილისის წასვლის წინა დღეს ჩუმად უბრძანა მოურავმა სესიას, დააბიო,
საკამეჩე ჯაჭვით დააბიო დათვი, ჩემს ჩამოსვლამდის ნურას აჭმევო, გულში ასე
ფიქრობდა: სული ამოხდებო, ალბათ.

მარნის სვეტზე მიბმული დათვი მთელი დღე დაბობლავდა სვეტის გარშე-
შო, ხან ჩაფიქრებული, თავჩალუნული დადიოდა დარდიანი, დაზაფრული კაცი-
ვით, დადიოდა, დადიოდა, დაათრევდა საკამეჩე ჯაჭვს, როგორც გერის წმ. გი-
ორგის მლოცვევლი საყდრის გარშემო ჩოქვითმხოხავი, თანაც ზეწამოდებოდა,
დაბაჯბაჯებდა, უკანა თათებით საასპარეზოდ გამოსულ მოკრივესავით ასავსა-
ვებდა ჰაერში თათებს.

ნასადილევს ფანჯარასთან მიმჯდარიყო რუსიკო, თოვლის დანახვაც სძაგ-
და მას, დასცქეროდა თეთრადშესუღრულ ხილნარს. ყორნები შემომსხდარიყვ-
ნენ კაკლის ხეზე. ისხდნენ, უცნაურად, ყრანტალებდნენ.

დაბმული ძაღლები ყმუოდნენ და ყეფდნენ, საქონელი საწყალობლად ზმუ-
ოდა ბოსელში, დათვის ბელი მარნის წინ დაწრიალებდა.

ტრიალებდა, ტრიალებდა, ხან ჯაჭვს ღრნიდა, ხან სვეტს სჯიჯვნიდა, ხანაც კედელს მიაღებოდა, ღინგს მიაღებდა და გაღახული ბაღლივით ბლაოდა საწყალობლად.

რუსიკო გრძობდა: მისტიროდა დათვი თავის გამწარებულ სვეს, თეთრდ-მოსილ ფიჭვნარებსა და დაკარგულ თავისუფლებას ნატრობდა.

რუსიკომ ველარ აიტანა ნადირის წუხილი, ადგა, უკან აივანზე გამოვიდა, დიდხანს უძახა ბიჭებს, მაგრამ ყველანი გაკრეფილიყენენ სადღაც.

გამოიტანა შაქარი, მივიდა დათვთან, შეაძლია. დათვი დამშვიდდა; შაქარი რა დანახა, ერთ წამში შესანსლა, მერმე გამოჰყო იისფერი ენა, ხელისგული დაულოკა ქალს. თანაც ნელა, სულ ნელა წკმუტუნებდა; რაღაც უცნაურის საწყალობელის ხმით ევედრებოდა რუსიკოს.

„მოდი, გაუშვებ, ალბათ აქვე დარჩება ეზოში, გაივლ-გამოივლის, მერმე ისევ დაბაბს სესია“.

ეს გაიფიქრა რუსიკომ და ახსნა საყელურიდან ჯაჭვი.

ნანატრი თავისუფლება რა შეიცნო დათვმა, ჯერ უკანა თათებით გაიარა კაცივით. მერმე წინა თათები დაჰკრა მიწას და ცაცხვის ძირისკენ გაეჭანა; აქ ცოტა ხანს იკოტრიალა თოვლში, მერმე წამოდგა, გაიბღერტა, გაიბღერტა ბეწვი, თავი აიღო და ჭიშკარისკენ მოუსვა.

„სესია, სესია,“ ასტეხა რუსიკომ ყვირილი.

სესია აღარსად სჩანდა. ახლა გიორგას უძახა რუსიკომ, გიორგას ნაცვლად სურათამ გამოჰყო ბელლიდან თავი.

გიორგა წისქვილში წავიდაო, ესა სთქვა და ისევ გაიხურა კარი. რუსიკომ თვალი მოჰკრა — თუ როგორ ისკუბა დათვმა და გადაევილო აგურის გაღავანს.

უკან გამოდგომა უნდოდნ, მაგრამ მოისაზრა — პალტო და შარფი გამოიტანა სახლიდან:

გარბოდა რუსიკო თოვლში, ელვის უსწრაფესად ჭიშკართან გაჩნდა. კარი გაიგდო და მიჰყვა დათვის ნაკვალევს.

კალთააკრეფილი მირბოდა რუსიკო სამუხლე თოვლში. ქარი სცემდა სახეში. თვალები სისველით ევსებოდა. თავადაც ველარ გაეგო ცრემლი იყო ეს, თუ სიცივისა და ქარისაგან მოსდიოდა?

მირბოდა თავდავიწყებით. დასჩერებოდა დათვის ნაკვალევს. გზაჯვარედინზე ურმებსა და სახედრებს გადაეფარცხათ ნატკეპნი გზა.

სასოწარკვეთილი შესდგა.

„ვინ დაუხვდება თამაზს ამის შემდეგ? კიდევ კარგი, რომ არავინ ხედავდა, თუ როგორ აუშვა რუსიკომ ბელი?“

შესქამს თამაზი, ფრჩხილებით დაახრჩობს რუსიკოს.

ფიქრობს და გარბის, ტირის და გარბის. ახლა კი დანამდვილებით იცის, რომ თვალებისა და ლოყების სილამაზე არც ქარის ბრალია და არც სიცივისა.

შეჩერდა, დაფიქრდა: კიდევაც რომ ეპოვა ბელი, ან როგორ წამოიყვანდა შინ ასე უხომოდგახლებულ პირუტყვს? მუხლი მოეჭრა ამგვარი აზრის გულში გამვლებელს. შარფის ფოჩით თვალი მოიწმინდა, დახედა გზას, კვალი დაეკარგა ისევ.

დააკვირდა, კიდევ და კიდევ დააკვირდა.

შენიშნა: განზე წავიდა დათვის ნატერფალი, ამილახვრიანთ დიდ ვენახში ამოჰყო რუსიკომ თავი.

ვენახის ცალი მხრით ეკლიანი მავთულით იყო შემორაგული, მხოლოდ ცალ კიდეს აგურის გალავანი მიჯნავდა მას მუხრანიდან. სწორედ ამ კუთხეში, სადაც აგურის კედელი და ეკლიანი ღობე იყრებოდნენ, ძველი საბძელი იდგა.

ამ საბძელამდის მიიყვანა დათვის კვალმა რუსიკო. შემოუარა მხარმარჯვნიდან საბძელს, დაინახა ვიღაც ხევსურულად მორთული ყმაწვილი ებრძოდა დათვის. ცალხელში ფარი ეჭორა ხევსურს, ცალითაც ხმალს იქნევდა.

აქოჩრილი, ყალხზეშემდგარი დათვი ბრღღვინავდა გახვევებულნი, ხან შეუტევდა ხმლიანს, ხან დაიყმუელებდა, უკუ იქცეოდა, კედელს მიეკვროდა და ღრიალებდა.

შემოჰკრავდა ხევსური ხმალს, აიქოჩრებოდა, თავს აარიდებდა დათვი. სჩანდა: ან ხმალი არ სჭრიდა, ან ხევსური ზოგავდა ნადირს.

რუსიკომ იკივლა და თვალთ დაუბნელდა, როცა ისევ გონს მოვიდა: ზედ კეფაზე დაჰკრა ხევსურმა დათვის ხმალი.

გაბოროტებული ტყიური მივარდა ვაჟს, ახლა ყმაწვილმა შეუტია მამაცურად, ისევ კედლისაკენ მიაგდო დათვი. მერმე ბევრი აღარ აცადა, გატეხილი ხმალი შერჩა ცალ ხელში ხევსურს, მაგრამ ფარი იფარა ჯერ, მერმე პირდაპირ ჩასჩარა დაღრენილ ნადირს ხახაში და წამოაქცია დათვი.

კარგა ხანს კოტრიალობდნენ ორივენი თოვლში, რუსიკომ რამდენიმე ნაბიჯი წინ გადადგა, თოვლშიამოგანგლულები ხევსური ზეწამოადგა, სისხლით-ძოსვრილი სატევარი ელავდა მის ხელში.

რუსიკომ ღონე მოიკრიფა, კუთხემდის მიიბრინა, ყმაწვილმა მხოლოდ ახლა შენიშნა ქალი.

წელში გასწორდა ზმაცად. თოვლი გაიბერტყა და არა უთხრა რა რუსიკოს. ზედავდა, თუ რა ნელა უბრუნდებოდა მის ლოყებს სიწითლე.

ჩოხა შემოფხრეწოდა ხევსურს ბრძოლაში.

ირგვლივ დაჯგევილ-გასისხლიანებულ თოვლზე პირაღმა ეგდო დათვი, მხოლოდ უკანა ფეხები უტოკავდა, ფრჩხილებით ფხაჭნიდა მიწას.

„რა ქენით ეს?“

შეჰყვირა შეძრწუნებულმა ქალმა. ეუცნაურა მისი დიდრონი, დარდინი, ცისფერი თვალები.

ყმაწვილმა თვალები დააფახულა, ქუთუთოები ძირს დაეშენენ, მიწას დააჩერდა და სთქვა:

„მა რალაი მექნ, პაპის ჩემის სისხლი ავიღ.“

მერმე ისევ ახელდა შეშფოთებულ ქალწულს; მის გათქვირებულ შკერდს და ატმისფერ ლოყებს დაადგა თვალი.

„სად ნახეთ ეს ბელი თქვენ?“

შეეკითხა რუსიკო.

„ორი დღე ას, რაიც კარჩი ვუზივარ!“

ორივენი დადუმდნენ.

ხევსური მივიდა მკედარ დათვთან, ცალი თათი მოსჭრა, ჯიბეში ჩაიდო და ჩოხის კალთით გასწმინდა სატევარი.

რუსიკოს მოაგონდა ვამეხ არაბულის დაკბენის ამბავი, ყმაწვილის ნათქვამი ენიშნა და დაბრუნდა.

ისევე მიხედა დათეს.

მკერდგანგმირული ნადირი სისხლის გუბეში ეგდო. ოდნავ, ოდნავ გაპო-
ბილი ლაშუბიდან თეთრი და წამახული კბილები უჩანდა.

ასე მოეჩვენა რუსიკოს: სიკვდილს უღიმისო დათესი.

19. შერცხლის ქამარი

ალარ ღრილებდა დათვი. ვართანა მოურავი ღამის მატარებელს ჩამოჰყვა, ალარც ცხენები ჭიხვინებდნენ, არც კამეჩები ყოყინობდნენ, არც ფარშევან-
გები კრიახობდნენ, მოურავის ჩამოსვლა და სასახლეში მყუდროების დამკვიდ-
რება ერთი იყო. მაინც მოუხსენებდა ეძინა რუსიკოს.

ბელის მოკვლის ამბავი რომ გაიგო, გაიხარა ვართანამ ფრიად, მაგრამ მრისხანე სახე მიიღო ანაგებად, საშინლად დასტუქსა სესია და გიორგი.

იმუქრებოდა: თამაზი ღღეს ხვალ ჩამოვა, შავ ღღეს დააყენებსო დათვის-
მკვლელს. უეცრად დამყარებულ მყუდროებაში აჩქამდა რუსიკოს გულში და-
ვანებული ძრწოლა.

გათენებისას წაეძინა, ის უცნაური ხევსური ესიზრმა: კლარტის პერანგი
ეცვა წითელი, შუბლიდან სისხლი მოთქრიალებდა.

ზმანებამ უარესად შეაშფოთა, ახლა ნანობს, რად არ გამოგკითხეო ყმა-
წვილს გორში მცხოვრებია, თუ ცხვრიდან ჩამოჰყოლია პაპას?

კაცმა რომ თქვას, მოფიჭრების დროც ალარ იყო. ისე ანახლად შეტრიალდა
დათვისმკვლელი და მოულოდნელად გავიდა ვენახიდან, თავათაც არ შეუნიშ-
ნავს მოკლული ბელის გვერდით დავარდნილი ვერცხლის ქამარი დათვისი. რუ-
სიკოს შეებრაღა ყმაწვლი, შეუნახავო, იფიქრა, ქამარს.

ერთხანს ასე ეგონა რუსიკოს, ქამრის მოსაკითხავად გამოივლისო. ღღეები
გადიოდა, ქამრის პატრონი აღარსად სჩანდა.

შესაძლებელია. არცკი ახსოვდეს, თუ სად დარჩა ქამარი?

რუსიკომ ხელში აიღო იგი. უნდა გადაემაღა სადმე თამაზის მოსვლამდის.
ადამიანის ოფლის სუნი უდიოდა მას.

ქამრის ენასა. საქონეებსა და სამკაულებზე ვაზის ფოთლები, ლერწები და
პწკლები იყო შესანიშნავის ხელოვნებით ამოძერწილი. გასაოცარი გულმო-
დგინებით მოებატა ძველ ოსტატს სახმლე კაუჭი. სადენტე, საფულე და ორიც
სამკაული, წეროს ნისკარტივით გრძელი და წაწვეტებული.

ქამრის ენაზე დედაბრული ხელით ეწერა:

„ვამეხ არაბულისა ვარ“

ჯერ კიდევ ტფილისს წასვლამდის ასე ამბობდა ვართანა. ვამეხი მსუბუ-
ქად ყოფილაო დაკოდილი, სამ-ოთხ ღღეში ლაზარეთიდან გამოეწერება და
ცხვარში წავაო. შესაძლოა წავიდა კიდევაც და შვილიშვილიც თან წაიყვანა.

ალარ იცოდა რუსიკომ, როგორ გაეგზავნა პატრონისთვის ქამარი?

გამოეჩინა იგი? დათვისმკვლელის ეინაობას გამოამყლავნებდა.

მართლაც, რა კარგი ვაჟკაცი იყო. როგორ მამაცურად შეება გაავებულ
ნადირს! ჯულაანთ სოსო მოაგონდა და მისი საოცარი ღუელი ბელთან.

ამ ხევსურის ამბავი ხომ მთლად უცნაურია, რომანტიზაც არ ამოუკითხავს
რუსიკოს ესოდენ რომანტიული ამბავი.

ყმაწვილს რომ პაპის სისხლი დათვზე აეღოს?

ეს უეჭველად ლამაზი ამბავია, ნეტავი დასწერდეს ასეთ რამეს ვინმე! წარ-
მოსადგენია, როგორი შურისმგებელი იქნება ეს ხევსური.

„დღეები თითებზე დაითვალა, უკვე შვიდი დღე იყო მას შემდეგ გავლილი-
გული ეტკინა რუსიკოს, როგორცკი შეიცნო, ვერასოდეს ვნახამო ამ ცის-
ფერთვალება ხევსურს.“

კარი გაიღო, სურათა შემოვიდა დაფიქრებული.

„უამე, უამე! — მოსთქვამდა სურათა, ვინ გადაურჩება თამაზს. მეხიმც და-
ვაყარე გიორგას, ასე უთქომ მოურავითვინა, რუსიკოს უნახამსო დათვისმკვლე-
ლი თუ ვიღაც დოზანა, მოურავს ასე უთქვომს, უნდა გამოტყდესო ვინ მოჰკ-
ლაო თამაზის ბელი“.

რუსიკოს ყვრიმალეები გაუწითლდა.

„რას ამბობ, სურათა. ბედშავო, არავინაც არ მინახავს მე. ვინ ხევსური,
ვინ დათვისმკვლელი?“

„მეხიც დავაყარე გიორგასა; მუხნარში შემას სჭირდა თურმე იმ საღამოს,
დაუნახავს, უამე, უამე ჩემო კეთილო ქალბატონო, შენ რა გეშველება, ჩემო.
კეთილო ქალბატონო? ამაღამ კნიაში და მისი ვაჟი ჩამოვლენ, დედამიწას და-
აქცევს თამაზი“.

რუსიკო დადუმდა, მოკუმულ ტუჩზე დაიდო ხელისგული. თვალი გაუშ-
ტერდა სივრცეში.

რა გაეწყობა. ყველაფერი განგების საქმეა. ეს კი ურყევად სჯერა რუსი-
კოს, სიკვდილის პირზედაც რომ მიაყენოს თამაზმა, მაინც არ გასთქვამს, თუ
ვინ მოჰკლა ბელი?

ისიც უთქვამს თურმე ვართანას, მუხნარ-ბატონის ვაჟს ზურაბს მარცხენა
მკლავში დაუჭრიაო ქეიფის დროს თამაზი.

ცხადია, თამაზი არ დაუწვება მსუბუქ კრილობას, ჩამოვა თუ არა გორში,
ისევე დაიწყებს ქვიფს, ცხენის ჭენებას ქალაქში, შესაძლოა სადმე წააწყდეს სა-
ცოდავ ხევსურის ბიჭს გორში.

„სურათა, შენ არა ჰკითხე გიორგას, ბედშავო: თავათ თუ იცნობს იმ
ხევსურს?“

„მე კი არა, თვითონ მოურავი დაჰკითხავდა გიორგას. არ მინახავსო ასე-
თი ხევსური გორში“.

ამ ამბავმა ოდნავ დაამშვიდა რუსიკო.

გავიდა თუ არა სურათა, კარი ჩაიკეტა. შალი წამოიხსნა ოდნავშემციფნე-
ბულმა, ისევე ჩაწვა ლოგინში და კითხვა განაგრძო.

უმთავრესი ეს იყო, თამაზის ჩამოსვლამდის არ გადაჰყროდა მოურავს. შე-
საძლოა გიორგის ნათქვამს არ დამყარებოდა მოურავი და არც ეთქვა რაიმე თა-
მაზისთვის ხევსურის გამო.

გული ველარ დაუდო სენკევიჩს, ნერვიულად დაუწყო ფურცვლა, განზე გა-
დასდო რომანი, წამოღება, ფეხშიშველა მივიდა ეტაჟერამდის. ყდაგაცვეთილი
წიგნი დაითრია ერთი. ერთი დაინერწყვა თითი, ავტორის სახელსა და გვარს და-
უწყო ძებნა, მაგრამ ვერ იპოვნა.

ეს იყო ფრანგული რაინდული რომანი ჯვაროსნული ომების დროიდან.
კიდებზე ქართული მინაწერები უკეთებია ვილაცას. რუსიკომ სათითაოდ გადა-
იკითხა ესენი, შემდეგ ამისა დაიწყო კითხვა.

მცირე ხანს ცეკვავდნენ ასოები, ჩაღისფრად გახუნებულ ფონზე, მერმე წიგნი ხელიდან გაუვარდა რუსიკოს. დაეცა იატაკზე და ილლუსტრაცია გამოჩნდა ერთი.

თორიან მამაკაცს თმებით მიეზიდა ქალი. უყურა რუსიკომ, უყურა სურათს, შეჰქანდა სურათი, თითქოს განსხეულდაო ფიგურა ჰაერში, ცნობა წაართვა ძილმა.

მოურავის ღრიალმა ზამოაღვიძა.

სესიას უყვიროდა ვართანა, ქერი მიეციო ცხენებს.

გამოდინებამ მხნეობა შეჰმატა რუსიკოს. უსმელ-უტემელი იჯდა ფანჯარასთან და ხედავდა, თუ როგორ არხევდა კიპაროზებს ქარი. ფანჯრის თვალიდან შემოდინდა სიო, ფარდებს ატოკებდა, ლოყებზე ელაშუქებოდა ქალს.

ეს იყო მოახლოებული გაზაფხულის სუნთქვა, საღდაც მთებში ყინვა და მზე შებმოდნენ ურთიერთს.

მთებსა და გორმანებზე ამდგარიყო თოვლი. მხოლოდ ბრუტსაბძელი და მისი მიმყოლი მწვერვალები მოსჩანდნენ თეთრად. ხილნარში დავანებული მხურვალება ატფობდა წინაღლეების თოვლის მიერ დამზრალ კვირტებს ატმებისა და ვაშლებისას.

მხოლოდ ცა, ცა ისეთი ლურჯი იყო, როგორც შავი ზღვა წყნარ ამინდში.

ნელა, ნელა მიეშურებოდნენ ბრუტსაბძელისკან კიდე დაფანხული, თეთრი ქულები. შეუღმსუბუქდა რუსიკოს დილით განცდილი სიმძიმელი.

მართლაც და ცა იყო ისეთი მაღალი, ღრუბელი ისეთი გამსკვირვალე, მზე ისეთი ამა, ვინ დაიჯერებდა ამ დილით, რომ ამ მშვენიერ მიწაზე ჭმუნვარე ყოფილიყოს ვინმე, მწვანეს სუსხი მორევოდეს, ან კაცის გულს დარდი?!

სულის კუნჭულში მაინც რიალებდა ნატამალი სიხარულისა. თორიანი ხევსურის ცისფერი თვალები ხომ არ ანათებდნენ იქიდან?

რუსიკო შეერთა, ზედ წამოეგო ანაზღეულად.

გაოცდა თავადაც შემცნობი იმისა, რომ მასაც უხარია რაღაც. არსებითად ეს არ უნდა ყოფილიყოს ასე.

არა, სულ სხვაა აქ, რუსიკოს უხარია, ქუჩაში გასვლის საბაბი რომ მიეცა, ხევსურის საძებნელად კი არა, ისე უბრალოდ, გაზაფხულის პირზე გაისეირნოს ქუჩაზე. იმ ხევსურის საძებნელადაც რომ წავიდეს. მერმე რა არის ამაში ცუდი: ხომ უნდა გააფრთხილოს ყმაწვილი!

თამაზი გულმხეცია, კარგად შესწავლილი ჰყავს რუსიკოს იგი. შესაძლოა, დათვის ბელის გამო მოჰკლას ის ბედშავი კიდევაც.


არ შერჩება თუ?

შარშან კურდღლობის დროს შემოაკვდა მას სესიას ერთადერთი ვაჟი, ფორმალურად შეაყენეს ოქმი, ესეც კარგად იცის რუსიკომ, ცოვიანოვმა დაახვეინა იგი. სესიას ერთი ძროხა აჩუქეს და ამით მიჩქმალეს საქმე.

რუსიკომ ტანთ ჩაიცვა, მოეწონა თავისივე ანაგობა.

„მართლაც საოცარია ცხოვრება!

კაცმა რომ სთქვას, იგი გაცილებით უფრო მეტად საინტერესოა, ვიდრე თვით უშესანიშნავესი რომანი, რადგან წინასწარ იცი, ყოველი რომანი სამწუხარო ფინალით უნდა დასრულდეს. ცხოვრებაში საბელის თავი ხელის გულზე გაქვს, ხოლო ბოლო მისი უფსკრულშია ჩაკიდებული.



რომანებში მუდამ ასეა: ვთქვათ ქალწულს ვაჟი უყვარს, მავანი და მავანი.

ეს რომანისტები გულბოროტი ხალხია, მაინცდამაინც ისე წაიყვანენ თხრობას, მთელი ქვეყანა ამხედრდება მიჯნურების წინააღმდეგ. ბოლოს იმდენს უხრიკებენ, უთუოდ გასთიშავენ ქალ-ვაჟს, ან არა და მესამე შეეჭრება ორთა სიყვარულს, ჩანაც ავტორი ივაჟკაცებს და ჭლებს შეჭყრის მიჯნურთაგანს ერთს.

„აჰ, ნეტავ ვინმე დასწერდეს ისეთ რომანს, სადაც სიკეთე და სიყვარული იმარჯვებდეს, სადაც ბოროტის არსება არ იქნება გრძელი“.

ფიქრობს რუსიკო და მიჰყვება ქალაქისაკენ მიმავალ ბილიკს. ლიახვი ადიდებულია, ხუთივე კალაპოტი გაუვსია წყალს. მოაქვს დაშლილი ფაცერები, გარუჯული ფიცრები, ნაძვები, მორები, ვეება ფიჭვები ძირიანად ამოუთხრია მიწიდან, რუსიკო შესდგა და დააკვირდა ამღვრეულ ტალღებს.

დამხვრალი ვერძი მოჰქონდა წყალს, ისე მოკოტრიალებდა ჩქერებზე ვერძი, თითქოს ოთურმას თამაშობსო ზვირთების თავებზე.

ფშანებში კამეჩები ჩაწოლილიყვნენ, თავები და რქები უჩანდათ მხოლოდ.

„საოცარია გაზაფხული, ყოველი უნდა გადააცდინოს კალაპოტს“,

მოელალებოდნენ მწყემსები ღორხბოს, კუნტრუმებდნენ დეკეულები, გაზაფხულის მახარობელ ვალსს უვლიანო თითქოს. ისმოდა კამეჩების ყოყინი, დედების მონატრული ზაქების ყოყინი.

ნაზამთრალ ცხვარს მოელალებოდნენ მეცხვარეები. საქონლის ჯოგი ბრუნდებოდა დაბაში, გამოქანდებოდნენ ატეხილი მოზვრები, მოახტებოდნენ ჯიქანდასივებულ ძროხებს.

ერთბაშად ცხენოსანი ჩაფრები შემოიჭრნენ ვიწრო ქუჩაში, ატყდა ალიაქოთი. ტროტუარებისკენ გაიწია საქონელმა. რუსიკოს შეეშინდა ზარებისა, მხარმარცხნით გადაუხვია ვიწრო და ბინძურ ქუჩაში.

სამშვედლოდან ჩაქუჩების რაკა-რუკი ისმოდა, სამიკიტნოებიდან ზურნის ჭიჭყინი და მთვრალების სიმღერა. რუსიკომ იგრძნო ცუდ უბანში მოხვდა, ამდროს არასოდეს არ ყოფილა ამ ქუჩებში მარტოკა. სარდაფებიდან ღვინისა და ნესტის სუნი ამოდიოდა, უზარმაზარ რუმბების პირისპირ ხალიჩებზე ფეხმორთხმული ისხდნენ ლოყებლაჟლაჟა, რუმბებივით დასივებული სირაჯები და მათი სტუმრები.

ერთ სამიკიტნოდან ამოცვივდნენ მთვრალი კადეტები და გიმნაზიელები. რუსიკომ მზერა აარიდა მათ. შვიდი ყმაწვილი აეკრა ავტორით შეთითხნილ კედელს, ისე გამოიჯგიმენ, საპატიო ყარაულში დგანანო თითქოს.

რუსიკომ ისეთი სახე მიიღო, ვითომდაც ვერ ამჩნევსო მათ, თავი დახარა, მუხლები აუცახცახდა, ახლოსმხედველივით დააშტერდა ფილაქანს.

როგორც იქნა გასცდა „საფრთხეს“, გაფაციცებით ყურს უგდებდა, მაგრამ მათი ჩამიჩქმი არსად ისმოდა. თამაზი გაახსენდა რუსიკოს, იგიც ასე დაეხეტება გორში ჩამოსვლისას სამიკიტნოებში.

ასეთ სიმთვრალეში ხდება ყოველგვარი ხიფათი. მოაგონდა სურათას ნათქვამი: მუხრანბატონის ვაჟს, ზურაბს, მარცხენა მკლავში გაურტყამსო თამაზისთვის ტყვია. ეს ამბავი ერთი თვის შვებულების საბაბად იკმარებს ალბათ.

ახლა ისევ დაიწყება შარშანდელი ამბები. შრამელში შემოიპარება ის არამზადა და დაიწყება რუსიკოს წამება... უკანასკნელად სურათა წამოგშე-
ლა, ძლივს გააგდეს ოთახიდან მთვრალი თამაზი.

შუკა მოთავებული არა ჰქონდა რუსიკოს, როცა აჩქარებული ფეხის ხმა და ხითხითი მოესმა.

შუკან მოიხედა, გაღეშილი კადეტები და გიმნაზისტები მოსდევდნენ. აუჩქარა ფეხი ქალმა. რა ეშმაკად ჩამოეხეტა სამიკიტნოების უბანში. აბა სად უნდა ეძება ის ხევსური, სასტუმროში ხომ არ დადგებოდა მეცხვარის ბიჭი? ალბათ სამიკიტნოებში ათევსო ღამეს.

ასე ფიქრობდა რუსიკო.

ახლა ნანობდა, რად ავიტეხო ეს ქირი?

– აქამდისაც შენიშნული ჰქონდა რუსიკოს, მამაკაცები უცქერიან მას გორში, მაგრამ თვით გორელები გაცილებით უფრო დელიკატურად ექცევიან; ალბათ იციან, ამილახვრიაანთ ოჯახის ქალი რომაა რუსიკო.

ერთი კადეტი წამოეწია რუსიკოს. ძლივს მობარბაცებს, აუჩქარა ნაბიჯი ქალმა, ეშინიან, სადაცაა წამავლებსო ხელს.

„ვაჰ, ვაჰ, რა ღმერთივით გოგოა!“

ღრიალებს სახედაჩეხილი კადეტი.

წამოეწია ახმახი გიმნაზიელი, კინწიპკრა კეფაში კადეტს.

„გაიარე. ვა, მერე შენ რა, თავის პატრონისათვისა; ყურუმსალო“.

რუსიკომ ისევ აუჩქარა ნაბიჯს. მთლად აეკრა ტალახით მოთხუნულ კედლებს.

მერმე ესმოდა რუსიკოს, თუ რა უსირცხვილოდ აქებდნენ მთვრალი ყმაწვილები მისი ფეხების სისწორეს. ძუძუ-მკერდის სისავსეს.

ვილაცამ დაიყოყნა:

„ქერაა, ბიჭო, ალბად რუსის გოგოა“.

„ხელი უშვი, ზალიკო, ჩაერია ქალური წრიპინა ხმა, ვეზნაჩაღნიკის ცოვიანოვის ქალი არ იყო, თამაზ ამილახვარი ძვირად დაგისვამს მაგ საქმეს, ტფილისში გვიამბობდა, ბევრი ვსრისეო გორის ციხეში“.

„აფსუსს. რახრახებდა ბოხი ხმა. თამაზის წინაპრები თურქებისგან იცავდნენ გორის ციხეს. თამაზი კი რუსის გომბიოების სრესით ტრაბახობს“.

„რას მიჰქარავთ, ვირიშვილებო, რომელი რუსიო, ეს ქალი ამილახვრიაანთ ნაშვილებია, თუმცა კარგად არ ვიცი ნაშვილებია, თუ ბუში, გენერლის ბუში!“

„ჰე, ჰე, ჰე!“

„გენერლის ბუში არ ვიცი როგორი იქნება, მაგრამ ეპისკოპოსის ბუში კი ზოშიანად ვსრისე გორში“.

ტრაბახობს კუზიანი გიმნაზიელი.

„შენ, ე, ბრუტსაბძელო, აქ ტფილისი ხომ არ გგონია? გორია, შვილოსან, გორი, ჰკვით იყავი“.

სთქვა ახმახმა კადეტმა, ფერდში მჯილი ჰქრა კუზიანს, ტანაჯორივით დაატრიალა და ფილაქნიდან ყირამალა გადაადლო ტალახში.

რუსიკომ ცალი თვალით დაინახა, თუ როგორ ამოფორთხდა კუზიანი ლაფიდან. კინალამ გაეცინა, მაგრამ თავი შეიკაფა და მხარმარჯუნისკენ გადაუხვია. კუთხეში ორი ეტლი მოდიოდა.

მეეტლეო, იყვირეს მთვრალეებმა მდულარეში ჩავარდნილივით, შვიდი კაცი
ორ ეტლში ჩახტა. რუსიკომ ამოიოხრა და მიჰყვა განიერ ქუჩასა.

წამლის სუნი ეცა. აფთიაქის დანახვაზე საავადმყოფო მოაგონდა. ახალმა
აზრმა იელვა: შესაძლოა საავადმყოფოს მახლობლად ჩალიჩობდესო ის ხევსუ-
რი სადმე?

ჭიშკარი დაგმანული დაუხვდა. მოხუცი მეფარნე აღიოდა კიბეზე. გამობ-
რუნდა შუკიდან რუსიკო, ისევ პროსპექტზე გამოვიდა. გორისჯვრიდან ზარე-
ბის წკრიალი მოდიოდა, მოსახვევიდან ყრიაშული მოისმა, უცაბედი, მიიხედა
რუსიკომ: ბრბო მოდიოდა დიდი ღრიანცელითა და ზეიმით; დათვის ბელი მოჰ-
ყავდა კაცს, წითელი ბლუზა ეცვა, შავი წვერი ქამრამდის სცემდა.

შავწვერიანი რუსიკოსთვის გაუგებარ ენაზე ჯლაოდა, ტუქსავდა დათვის,
ფეხშიშველა გოგონა დაირას უკრავდა და მღეროდა.

რუსიკო დააკვირდა ბელს, იგიც თაფლისფერი იყო, სუფთა თაფლისფერი,
ზედმიწვენით მიაგავდა თამაზის ბელს.

„ფული რომ მქონდეს, ფიქრობდა რუსიკო, ახლავე შევისყიდო ამ ბელს,
იქვე დავაბამდი, სადაც თამაზისეული ება, ჯერ კიდევ გუშინწინ.

უცილოდ თავიდან აიცილენდა მოსალოდნელ სიმძიმის.

იფიქრა, იფიქრა, მაგრამ ვერავისზე შეჩერდა, ვინ გაიმეტებდა ამდენ
ფულს მისთვის?

ისევ შეიცნო რუსიკომ თავისი სრული მარტოობა ამქვეყანაზე.

როგორი ბედნიერებაა, როცა ადამიანს დედა გყავს, მამა, ძმა, ან ნათესავი!
გული აუჩქროლდა, თითქოს პირველად გაიგო, რომ ამქვეყანაზე მას არავინ
გააჩნდა ნათესავი და ქომაგი.

ამ ფიქრში იყო გართული და ცისფერმა თვალეებმა გაიელვეს ბრბოში. შე-
აბრუნა მზერა. ამ თვალეების პატრონი სწორედ ისეთი მაღალი იყო, როგორც
დათვისმკვლედი, მასავით ქერა, მასავით პრტყელბეჭიანი ტლანქი და მიხერა-
მოხერაში ოდნავ ახმახი. ოღონდ ეს იყო, თავისფერი ბლუზა ეცვა მას ილა-
ყვებთან გამოხეული.

კიდევ შეხედა რუსიკომ.

ისევდასევ.

ცისფერთვალეებს გვერდით ტანმორჩილი ყმაწვილი მოდიოდა, შავგვრემა-
ნი, თეთრბლუზიანი, ახლა მას დააკვირდა რუსიკო, მას მარცხენა ყურთან ხალი
ჰქონდა.

ჯულანთ სოსო შეიცნო ქალმა.

ხალიანმა არცკი შემოჰხედა მას, მხოლოდ ცისფერთვალემა მიხვდა: მას
უცქეროდნენ.

ეუცხოვა რუსიკოს, ეს დახეული ბლუზა რად აცვიავ, ფარხმალიანსა და
ჩოხიან ხევსურს.

თუმშური ქუდი ეხურა. ტოტებდაცრეცილი, ლაფშიამოსვრილი შარვალი
ეცვა გაგა არაბულს. ქალის დანახვაზე თავის ვერცხლის ქამარი გაახსენდა.

ეს გაიფიქრა: მოდი და გამოვკითხავ, ეგებ მას ენახოსო ჩემი ქამარი?

თვალი აარიდა რუსიკომ ორივეს, ყურის ბიბილოები გაუწითლდა. ეს კი
გაიგონა, ცისფერთვალეებამ რაც უთხრა სოსოს:

ამ ქალს ჩემი ქამარის ამბავი უნდა ვკითხო სოსო, შენ. მიხასას წადი-
მე მანდ მოვალო ახლავე.

რუსიკომ გაიგონა ხევსურულად მოქცევა სიტყვისა, დარწმუნდა, ეს უნდა ყოფილიყო დათვისმკვლელი. მაგრამ მორცხვობამ იძალა და მხარმარჯვნისკენ გადაუხვია.

გაგა არაბული ბრბოს გამოეყო და კვალდაკვალ მისდია რუსიკოს.

ცოტახანს ორივენი მარტოკა მიდიოდნენ ცარიელ შუკაში. ერთიმეორეს თეხისხმა ესმოდათ, ბოლოს გამბედაობა მოიკრიფა გაგამ, წამოეწია, ფილაქნიდან ჩამოვიდბ და მოკრძალებულად შეეკითხა ქალს:

„უკაცრავად, ქალავ, ჩემი ქამარი ხომ არ გინახავთ იმ დღეს?“

რუსიკო შეაქრთო რატომღაც მისმა ხმამ.

თავი აიღო.

შეხედა.

საბრალოდ ეჩვენა ბლუზაზემოხეული ხევსური, რომელიც ჯერ კიდევ ამ ორი დღის წინათ საშუალო საუკუნის რაინდს მიაგავდა, გმირულ რომანებში აღწერილს.

„თქვენი ქამარი? სად დაგრჩათ მერმე?“

„ი ტიალი დათვი რომ შემომაკვდა, იმ დღეს დავკარგე, თქვენ მანდ დარჩით, როცა მე წამავედი და იმაღაც გეკითხებთ“.

გაგამ გაიხარა, როცა გაიგო, მისი ქამარი საიმედო ხელში ყოფილა. ბოდიშობდა, პაპაჩემის ნაჩუქარია, ამიტომაც შეგაწუხებთ“.

„როგორაა პაპა თქვენი?“

ეკითხება ქალი.

„გამომჯობინდა, ხვალ-ხვგ წავა ცხვორში“.

„მაშ ტყუილ-უბრალოდ მოგიკლავთ თამაზის დათვი?“

„დათვი უნდა მომეკლა, აბა რა უნდა კაცთა შორის ტყიურს? სულერთია ვინმეს დასჭამდა უარესად“.

„იციო, მე უნდა მენახეთ თქვენ, იმიტომაც ვამოვედი ქუჩაში“.

„რაო, ჩემი ნახვაც თუ მონატრებია ვისმეს“.

„მონატრებისა რა მოგახსენოთ და მე მინდოდა გამეფრთხილებინეთ როგორმე“.

„გაგეფრთხილებინეთ, ბიჭოს!“

„იმ ბელის პატრონი თამაზ ამილახვარი ჩამოდის დღესხვალ და..“

„თქვენი ძმაა?“

„ჩემი ძმაო? მე სადა მყავს ძმაი.“

„განა თქვენი ძმა არაა ამილახვრიანთ თამაზი?“

რუსიკომ უარის ნიშნად გაიქნია თავი.

„მაშ თქვენ ძმა არა გყავთ?“

„არა.“

„დედაი“

„არც ეგ“

„მამაი?“

„არც მამა“

„ნუთუ არავინა გყავთ მახლობელი?“

„არავინ“

???

„საბრალო ქალავ“.

ქალმა გაიცინა, ეუცხოვა, რომ მას იბრალებდა ეს ჩამოხეული, ბედშავი ხეჭურის ბიჭი:

„თქვენ ვინ გითხრათ ჩემი ძმა იყოს თითქოს თამაზი?“

„ცოქალამ, ჩემმა დედობილმა.“

„არა, თამაზი ჩემი ძმა არაა, მე ამილახვრიაანთ გაზრდილი ვარ მხოლოდ.“

„მაშ ვინ იყო შენი დედ-მამა?“

„ალარც ეს ვიცი“.

„მებრალეებით“.

რუსიკოს არ ეამა მეორეჯერ ამ სიტყვის გაგონება, ნაძალადევად გაიღიმა და ეუბნება:

„მე კიდევ თქვენ მებრალეებით“.

„ვაჟკაცის შებრალევა არ იქნების“.

ქალი დადუმდა და გაგას შეეკითხა:

„რად გებრალეებით მაინც?“

„თქვენ ნუ ხუმრობთ, დღესხვალ თამაზი ჩამოვა, თუ როგორმე გაიგო, რომ თქვენ მოჰკალით მისი საყვარელი ბელი, იცოდეთ, ვერ გადაურჩებით“.

გაგამ გაიცინა და დადუმდა.

„არა, მე არ გეხუმრებით“,

„არა, ნუ შეშობრალეობთ; თუ გნებავთ, უთხარით, რომ მაჰკალი მისი ბელი“.

„მე ამას არ ვეტყვი, მაგრამ შეიძლება სხვა მხრიდან გაიგოს და მაშინ? არა, მე გირჩევთ წაყვეთ პაპათქვენს ცხვარში“.

„ცხვორშიო? ცხვორში რაი მინდა?“

„განა თქვენ მეცხვარე არა ხართ?“

„მე მცხორე ვიყავი წინათ“...

„მაშ?...“

„მოსწავლე ვარ“.

რუსიკომ გაიცინა.

„განა სასაცილოა, რომ ხევისურიც სწავლობს?“

„არა, ვინა სთქვა ეგ? მე შიამა მხოლოდ“.

რუსიკომ მხარმარჯუნისკენ გაუხვია.

„თქვენ დარდი ნუ გაქეთ. ქადილი ჯერ ადრეა მაინც... თამაზ ამილახვარი ჩვენთან ვერას გახდება. აქამდეს უნდა გაგვებერტყა მაგ...?“

„რადაო?“

„მაგან შარშანწინ ბელი მიუსია ჩემს ნაძმობს, ჯულანთ სოსოსა, მე თუ გადამირჩია, სოსო გაბერტყავს მას“.

„სოსო ჯულაშვილი? მაგ ხომ თამაზზე უმცროსია ბევრად?“

„უფროსობაზე არ იყოს. პაპიემის მამა უფლისაი 80 წლისაა, მაშინ იგი იქნებოდა სარდათის კრივში პირველი“.

ვილაც კოკორდოსანმა გაირბინა, სალაში მისცა რუსიკოს. თავი აიღო ქალმა. ფოსტის უფროსი იცნო, რუსიკო მისი მზერაში ამოიკითხა: „ამილახვრიაანთ ოჯახის ქალი და სალამოსქამს ვაჟთან სეირნობა?“. მიუხედავად ამისა რუსიკოს სიამოვნებას ჰგვრიდა ცისფერთვალეობა ხევისურთან სვლა.

ქუჩის დასასრულში გორბიციხე მოსჩანდა. მთვარის შუქზე მას კვლავ მოეხვეჭა თავისი სიდიადე და სიამაყე. ციხის გადაღმა ვარსკვლავებით მოქედილი

ცარგვალი ელავდა, რუსიკოს უნდოდა ამ წუთში ქვეყნის კიდემდის ეარნა ცისფერთვალემა ხევსურის გვერდით. იგი ისეთი ძლიერი და ამაყი სჩანდა, როგორც ეს ციხე და რა თქმა უნდა მას სასაცილოდ მიაჩნდა ვილაც თამაზ ამილახვრის წინაშე შიში.

ისევ გაჩნდნენ ქუჩაზე მთვრალეები. რომელიღაც სამიკიტნოდან სამი ჩოხიანი და ხუთი კოკარდიანი ვაჟკაცი ამობარბაცდა. ისინი გორისციხეზე ვადმოსულ მთვარეს შესცქეროდნენ და ხმახახლეჩილნი მღეროდნენ მრავალყამიერს.

უფრო მეტი, რუსიკოს ეს უნდოდა. თან წამოყოლოდა მას ეს ხევსური, რადგან იცოდა, ამალამ თამაზი ჩამოვიდოდა და დაიწყებოდა რუსიკოს წამება. ამას ფიქრობდა რუსიკო; მიუხედავად ამისა, გაგას მიუბრუნდა და ეს უთხრა: „ალბათ, თქვენი ნაძმობი გიცდით, მოდი, დაბრუნდით“.

„თქვენ მარტოკა გაგიშვა? ვერა ხედავთ, რამდენი მთვრალი კაცი დაეღუტება ქუჩებში?“

ტანწერწეტა ჩოხიანი დაწინაურდა, ქორული მხერით ჩაჰხედა რუსიკოს, მერმე ღიმილით ვადახედა მის კავალერს და ჩაილიღინა.

მხარმარჯვნივ მოუარეს ციხეს, რუსიკომ ამილახვრიაანთ სასახლეს ვადახედა. კიაფობდნენ ცეცხლები. მატარებელი მოსულა, ალბათ ამალამდელ ღამეს მოჰქონდა უცნაური ძრწოლა.

უსიტყვოდ მისდევდა გაგა არაბული ქალს და ასე ფიქრობდა: ნეტავ შემეძლოს ამ ქალთან ვიარო დილაშდის.

იცოდა გაგამ, იმ ალვის ხეებთან ამილახვრიაანთ სასახლე იყო და იქ უნდა გაჰყროდა რუსიკოს, მერმე ეს ბნელი გზა უნდა გამოეარნა მარტო.

მცირე ხანს მდუმარედ მიჰყვებოდნენ ორივენი ბილიკს.

მერმე ასეთი რამე უთხრა რუსიკოს ხევსურმა.

„რად მოგიწყენია, ქალავ?“

„აბა სასიხარულო რაღაა ამქვეყნად?“

„ჩემი ნაძმობი სოსო ასე ამბობს: სასიხარულო უნდა ვავხადოთო ცხოვრება“.

„ვინ ასწავლა მას ეს ამბავი?“

„ვინ ასწავლა? იგი თავად ასწავლის სხვას, სოსოი ასე უბნობს, უნდა ვადავაკეთოთო ცხოვრება. თუ ვარსკვლავებს უხარიათ ცაზე, თუ ყვავილები ახარებენ მიწას, ადამიანმა რად არ უნდა გაიხაროსო? თუ კაცმა მოინდომა, სიხარულს მოიყვანსო თავათ“.

„რა გულუბრყვილო აზრია. განა ჩვენ ხელთაა სიხარული?“

„იგი ასე ამბობს, ცხოვრება ჩვენ უნდა ვავხადოთო სასიხარულო. რა ახარებს მაშ ცაზე ვარსკვლავებს, ტყეში ფრინველებს, ან ყვავილებს რა ახარებთო მიწაზე?“

„რა და მზე“.

„სოსოი ასე უბნობს, ჩვენ უნდა მოვიყვანოთო მზე“.

„თუ ბნელია?“

„ჩვენ უნდა ვავხედეთ სინათლის სათავე“.

რუსიკო ვაოცდა.. შესდგა და შემდეგ ამისა ეკითხება გაგას:

„ღმერთი თუ სწამს შენ ნაძმობს?“

„არა, ეგ ასე უბნობს: ვვატყუებენო ხუცები“.

მთვარემ ცალი თვალი დაადგა გორის ციხეს. ჩაბნელებულ გოდოლებში ჩაჭრილიყო ჩქერალი ნათლისა და სიჩუმე დაეანებულებოდა მუნ. მდუმარედ ჩაუარეს ციხეს და ალვის ხეებთან ღამე ნებისა უთხრა ორმა ლანდმა ერთმანეთს.

გაგა არაბული შესდგა. თავისი ქამარი გაახსენდა, მაგრამ ეუხერხულა — შეეხსენებინა ქალისათვის ქამარი, რადგან იგი ვერცხლისა იყო. სამიოდე ნაბიჯი გადადგა არაბულმა. რუსიკო გამობრუნდა და ეუბნება ჩურჩულით: „მოიცადეთ, ამ წუთში გამოგიტანთ თქვენს ქამარს.“

როცა ქალმა შეაჩეჩა ხელში, მან წელზე შემოირტყა პაპისეული ქამარი და წუთში იგი შხად იყო, მთელს ქვეყანას შებმოდა, რადგან მთვარე მალა იდვა განშორებული ქალის ეშხი გულზე მოსდებოდა და სიჭაბუკე სდუღდა ყმაწვილურ იოგებში.

ბანახლეული ოსიაური

მიხზიალებდა ხევში მდინარე
და აღვიძებდა სოფელს ხმაურით,
გაბრწყინებული და შუქმფინარე
მოჩანდა მთები ოსიაურის.
და სურამელა ლაქვარდისფერი
ბაღნარს რწყავდა და ვარდი ნაზობდა;
ველის მადლობზე ღელავდა ქერი
და იტაცებდა თვალს მინაზოდა.
სევდით მოსილი ციხე-ყაზარმა
თავს დაჰყურებდა სოფელს ჭავსებით,
ხშირი ყანებით ჩანდა აზარმა,
ზეციერ ნამით ნაალმასები.
ტკბილად ისმოდა ჰიმნი ახალი
„კლდის წყაროს“ ნადი უმღერდა ბელადს
და გაშლილიყო შაქრის ქარხალი
შავი ზღვის მღელვარ ტალღების ფერად.
ცაცხვების ტყეში იდგა სურნელი
ყანაში ჯოჩი გაშლოდა სიმინდს;
მთებიდან სიო ჰქროდა სულ ნელი
და ტკბილად ჟღერდა ჩონგურის სიმი.
ნადის სუფთული ისმოდა შორსა,
ხალხს ახარებდა სოფლის მზრუნველი
და ფრიალებდა სტალინის დროშა,
დაუცხრომელი წინსვლის მსურველი!..

სამუშაოს

აისი გავდა ანთებულ კოცონს,
ქიმები ცამდე მთებს აეზიდა,
ცელქი ზეფირი ყანებს კოცნიდა
და მცენარეებს ცვარანამი ზრდიდა.
ველებს გაკვროდა პირველი ღიმი,
წინათ რომ ჰგავდა მწუხრიან ღუმელს;

ვიგრძენ ცხოველი შუქთა ციმციმი
და სიხარული ყმაწვილურ გულს.
რა კარგი იყო და სანეტარო
ზეცის ციალთან შეხვედრა დილით,
ქვეყანავ ჩემო, რას შეგადარო,
ხარ სანუკვარი და სულზეტკბილი!
მარად მახარებს ბუნება შენი,
შენგან მიგრძენია შვება მრავალი,
გულს მიხალისებს, ოცნებას შეენის
მზე ოქროსავით ამომავალი.
ჩემო ქვეყანავ, შენზე მღერიან,
ოცნების ტევრიც შრიალებს შვებით,
გაშლილხარ, ყელი მოგიღვრია,
შენთვის ცეცხლშიაც გადავეშვები!

პირველი ყენობა

ისტორიული ამბავი

გიორგი სააკაძემ ყორჩიხანი დაამარცხა, შეიპყრო იგი და ხალხს გადასცა მასხარად ასაგდებად. ხალხმა აქლემზე უკუღმა შესვა ყორჩი-ხანი და ისე ჩამოატარა ჯერ ტფილისში, შემდეგ სოფლებში, რის შემდეგაც მოკლულ იქმნა.

ამდროს ქართველების ერთერთი რაზმი სოფელ მარტყოფში იმყოფებოდა. მტრის დაქსაქსული ჯარის ნაწილებთან ბრძოლაში დაქანცული მეომრები ისვენებდნენ მარტყოფელ გლეხებთან. ათას სახუმარო რამეს ლაპარაკობდნენ და ერთობოდნენ.

— ბიჭებო, ყელი მქავა, ყელი! — წამოიძახა ერთმა ჯმუხმა რაზმელმა.

— რადა? — შეეკითხნენ აქეთ-იქიდან.

— ლოკი ხომ არ გაგიჩნდა? — დაუმატეს ზოგიერთებმა.

— ლოკი გამიჩნდა, მაშ! გაცინება მომარჩენს, — დაასკვნა ჯმუხმა და თან დაიღრიჯა:

— გამაცინეთ, თქვე პირძალღებო!

— ჰა-ჰა-ჰა-ჰა-ჰა! — გაიცინეს რაზმელებმა ერთხმად.

— რას იცინით? — განრისხდა ჯმუხი, — ყელი საცინლად მე მქავა და თქვენ იცინით?

— ჰა-ჰა-ჰა-ჰა-ჰა! — უფრო ძალიან გადიხარხარა მთელმა რაზმმა.

— ბიჭოს! კაი სასაცილო გავუხდი ამათ! რა მრჯიდა, ჩემთვისა ვგდებუ-ლიყავ! — სთქვა გამწყრალმა ჯმუხმა და ბრაზიანად დაუყვირა მოცინართ:

— გაჩუმდით!..

რაზმმა უფრო ძალიან გადიხარხარა. ჯმუხიც უფრო მეტად გაბრაზდა და კიდევ დაუყვირა:

— გაჩუმდით!

მთელი რაზმი უეცრად გაჩუმდა, მოიქუსა და გაკემინდა.

წამოდგა რაზმელი ყიასა და მიუგლო საყვედური ჯმუხს:

— ხომ გაგიჩუმდით. დადექი ახლა და სულ შენ იცინე მარტომ.

ჯმუხმა უეცრად გადიხარხარა. ამაზე აქეთ-იქიდან მიიძახეს:

— გიჟია და იცინის, გიჟია და იცინის!

ჯმუხი მაინც განაგრძნობდა სიცილს. შემდეგ სხვებიც აპყენენ და მთელი რაზმი ისევ არახრახდა ჯმუხთან ერთად. მაგრამ უეცრად სუყველანი გაჩუმდნენ; ჯმუხი კი ისევ განაგრძნობდა სიცილს.

— ნეტა ვიცოდე, რაზე გეცინება? — უთხრეს ჯმუხს.

ჯმუხი შეჩერდა და აუხსნა:

— გავიციხო კია და რაზედაც უნდა იყოს. სიცილი მამშივდა. მამწყინდა ამდენი ბრძოლა, სისხლისღვრა, კენესა და ტირილი. მითამ რა იქნება ახლა მაინც გავიციხო? ღმერთი გვიწყენს?

— ყორჩი-ხანს ეწყინება! — წამოიძახა ყიასამ.

— უჰ, მე იმისი საფლავი... ეთქვა?

— ნუ იტყვი. მკვდრებით არ ადგეს.

— თუნდ ადგეს და თუნდ დაწვეს, ოღონდ ერთი გულიანად გამაცინეთ, თქვე პირშავებო!

— ბიჟოს! ესეც მეორე ყორჩიხანი გაგვიხდა?! — წამოიძახეს აქეთ-იქიდან რაზმელებმა.

— გაცინებასა გვთხოვ ხარკად? — დაუმატეს სხვებმა.

— დიდი ხარკი კი იქნება თქვენმა მზემ!

— თუ გაცინება გინდათ, ყორჩი-ხანი გავაკეთოთ, ბიჭებო! — წამოიყვირა ერთმა რაზმელმა.

— რისა გავაკეთოთ? — იკითხა მეორემ.

— თივის ბულულისა — უთხრეს ზოგიერთებმა.

— მერე, თქვე კუდიმალეშო, თივის ბულულს უნდა ეომოთ?

— ვაჟკაც! ვინმე გავაკეთოთ ყორჩიხანად. — სთქვა ყიასამ.

— ვინ გავაკეთოთ, ბიჭებო?

— მოვძებნოთ.

დაუწყეს ძებნა თუ ვინ გაეყორჩიხანებინათ.

— ვის ეძებთ ბიჭებო? — იკითხა ხუმრობით ვილაცამ.

— ყორჩი-ხანს.

— დათვს თავის მახრჩობელა პანტა უყვარდაო, ნათქვამია: ყორჩი-ხანი ძლივს ჩავაძაღლეთ და თქვენ ისევ იმას ეძებთ?

— უნდა ვიხუმროთ, ვეტრან!

— დალუპეთ იქითა! ის ხუმრობითაც საზიზღარი იყო და სიმართლითაც — სთქვა ყაყიტამ.

— ჰოო, და აი სწორედ მაგიტომ შენ გამოსდგები ყორჩიხანად.

— რას ამბობთ, კაცო, მე რა შუა ვარ!

— შუაში ხარ თუ ნაპირზე, ჩვენ არ ვიცით. ხუმრობა გვინდა — მორჩა და გათავდა! უნდა ვიციხოთ. აბა მოვროთ ბიჭებო. შავკაშმოთ! — სთქვეს და წაეხვივნენ ყაყიტას:

— ყაყიტავ, ყორჩი-ხანობა მოგვილოცია! — ყვიროდნენ ყოველმხრიდან და იღვა ერთი ხარხარი, აურზაური და ყაყანი:

— ცხვირი რისა გავუკეთოთ?

— წიწაკისა. წიწაკისა.

— ქუდი?

— ბალლოჯის ქერქი დაახვიეთ ხოკრად, თავი ყინუარშაქარით წაუმწვეტეთ და დაეხუროთ...

— რას ამბობ, კაცო! მართლა რომ ყინუარშაქარი ეგონოს, ხომ წაიტამა თავი.

— ულვაში რისა გავუკეთოთ?

— ღორის ჯაგრისა.

— წვერები?

— თხისა.

— რაზე შევსვათ?

— კუდმოწყვეტილ სახედარზე.

— ტუჩები რისა გავუკეთოთ?

— ბაყ-ბაყ დევისა.

— უჰ, ვგ რა სთქვით! სად შეგვიძლიან დევის შოვნა.

— რად გინდათ დევის შოვნა: ქიზიყელი ბიჭი მოიყვათ, ლაშინან რომ ვე-
ძახით, იმისი ტუჩები გავუკეთოთ.

— დავიჭიროთ!

იხუვლა ყველამ ქიზიყელი ბიჭისკენ სიცილ-ხარხარით.

— რას სჩადით, კაცო! ტუჩები რომ წამართვათ, ჩემ ცოლს რილათი ვაკო-
ცო? გამიშვით, არა სჯობია მუტრუკის ტუჩები გავუკეთოთ?

— მაშ თითონ ყაყიტა შეგკახმით, მუტრუკის ტუჩები აქვს.

— რაღა მე მამადექით, თქვე საღავათძაღლებო. მართლა ყორჩი-ხანი არ
გეგონოთ!

— ყორჩი-ხანი ხარ — მორჩა და გათავდა! წავიღოთ ბიჭებო!

იგრიალეს რაზმელებმა, აიტაცეს ხელში უზარმაზარი ტანის ქიზიყელი
და წაიღეს.

— სად წაიღეს? — იკითხა ერთმა მოხუცმა.

— რას გაიგებ პაპავ? ახალგაზრდების ამბავი არ იცი? იხუმრებენ რასმე.
შაიძლება ადამიანისგან მართლა მუტრუკიც გააკეთონ.

ჯმუნმა მიიხედ-მოიხედა და, მხიარული სახეები რომ დაინახა, წარმოსთქვა:

— მგონი ცოტა გავმხიარულდი, არა, ბიჭებო?

— ჰოო, მაშ! პირისახე ნაცრით გახეხილ თუშფალანგს შიგვიგავს. — უთხრა
ყიასამ.

— მე რას დამცინი შე მამაცხონებულო, თითონ შაშინებულ ჯაფარასა-
ჭებხარ. — თანაც ლექსი მიართყა:

ნაომარ კატასავითა
დაგიჩხეტია თვალები,
ასე გონია გემართოს
მთელი ამ ქვეყნის ვალები.

ყიასაც ლექსით გაჯავრდა:

გაჩუმი, თორემ დავმართებ
საქმესა შესაბრალებსა:
ყურში ჩაგავლებ მავრა ხელს,
შემოგატარებ ჭალებსა.

ჯმუნმა უპასუხა:

— ეიჰ, გატენილი ჰყოფილხარ
ქკუის დოვლათით, განძიდა!

თვითონაც ჩემთან არ ივლი?
რა ფეხებს მომჭამ მაგითა?!

შაირებმა მათ გარშემო შემოკრიბა ხალხი. უსმენდნენ და გულიანათ იცინოდნენ.

— გწყალობდეთ ყორჩიხან!

— გაგვაციანეთ! გაგვაციანეთ! — იძახდნენ აქეთ-იქიდან.

ყიასამ წაივრძელა კისერი და ამოთქვა შაირი:

—ოცდახუთსა ისპირელსა
ერთი ტურა შეეყარა,
მანამ ტურას გაიცნობდნენ,
სული ხორცსა გეეყარა.
ხუთი მოკვდა, ხუთი დარჩა,
თხუთმეტს გულს შემოყარა.

ჯამუხმა განუმარტა:

—ზონელმა სთქვა:„ დავსწრებოდი,
სანთელივით გავქრებოდი,
სააქაოს-საიქიოს
მოსაძებნი გავხდებოდი.

უცხად გამოხტა ვილაც რაზმელი და იმან შემდეგი განმარტა:

—ჭარელმა სთქვა:„ დავსწრებოდი,
გუთნის კვალში ჩავწვებოდი,
თავზე მიწას წავეყრიდი,
თაგვის სოროს შევძვრებოდი.“

ამათ კიდევ სხვა გამოეკამათა:

—ქართლელმა სთქვა:„ დავსწრებოდი,
ვაჟაკურად დაეხედებოდი:
წავილოდა — წავეყვებოდი,
ცხრა მთას იქით გავყვებოდი,
ან მომკლავდა, ან მოვკლავდი,
ან სოროში ჩავეყვებოდი.“

— ტურას? — ჰკითხეს სიცილით.

— ფუჰ, თქვენი ქოქი არ იყოს! რამდენსა ტრაბახობთ ტურაზე! — წამოსტყვრა ვილაცა.

— ყორჩალ, ქართლელი!

— ტურას!

— ხმალი რომ გავიტყდეს? მაინც ჩავეყვებოდი სოროში?

იცინოდნენ აქეთ-იქედან.

ამდროს დაინახეს ხალხის ხროვა, მოესმათ ზურნის ხმა, სხვადასხვა შეძახილები და ყველანი წამოცვივდნენ ზეზე.

— ბიჭებო! ყორჩიხანი ამდგარა მკვდრეთით! აგე!

— ყენი! ყენი! ყორჩიხანი!

— ხა-ხა-ხა-ხა-ხა!

— რა სასაცილოა!

— შენ კი გენაცვალე მაგ ყვიციან ყანყრატოში. ხა-ხა-ხა-ხა!... რა გულიაქ
ნად გამაცინე!.. ტყვეებიც რომ მოუღის წინა?..

წინ მონები შემოვიდნენ კვენსით:

„მონები ვართ, მონები,

შემურულნი შავადა,

შაჰს მიყვევართ ირანში

ცეცხლზე შესაწვავადა.

გვიშველე. გიორგი

საკაძე, მოვედინ ჩვენდა!“

და ისევ აკვენსდნენ;

— დაგვაშორეს სახლ-კარსა,

გაგვიწვიტეს შვილები,

დაგვინგრიეს ქვეყანა,

კვენსით სულსგაყრილები.

— სააკაძე გვიშველე!

— გვიშველე!

მონები და ტყვეები კვლავ განაგრძობდნენ:

— ცეცხლის ნაძოვნი მინდორი

ამწვანდებალა როდისმე?

ბედო, გვალისე ნუგეში,

უნუგეშონი მოვისმენტ.

— შხსნელო, მოგებედე.

— სააკაძე, სადა ხარ? გვიშველე!

ამდროს შემობრძანდა ხალხში ვირზე უკულმაშესმული ყენი. ვირის კუ-
დი ხელში ეჭირა.

— გაჩუმდით! — დაუყვირა მონებს განრისხებულმა ყენმა და ვირის კულს
უფრო მაღლა ასწია.

აქეთ-იქიდან მიადახეს ყენს:

— კაცო, კაცო ცხენიანო,

რატო არა გრცხვენიანო.

— ირანის შაჰი

ყვიციანია და მაიმახი.

— ყორჩიხანი ამდგარა.

ვირის კულქვეშ შემძვრალა.

შაჰი განრისხდა:

— ჰე-ჰეიტ! — დააბღვრიალა თვალები. რაზმელებმა კი გადიხარხარეს;

— მაგ შენს აქლემს გააქვს ზენემა,

ცხვირი წაჰკარ კულის ქვეშა.

ყენი უფრო განრისხდა და შეჰყვირა:

— ჩუმათ!

— ყორჩი-ხან, ჰუ-ჰუი! — უყივლეს რაზმელებმა.

ყორჩი-ხანი ისე გაბრაზდა, კინალამ ვირს კუდი ააგლიჯა, ამის გამო ვირ-
მა ტლინკები ყარა, მაგრამ ვერ გადმოაგდო. მან კიდე დასკყივლა ხალხს, რო-
მელიც ხარხარებდა და დასცინოდა:

— ჩუმადა-ვეთქი! ყორჩი-ხანი გიბრძანებსთ!

ყველანი უეცრად გაჩუმდნენ, როგორც მორჩილნი. ყორჩიხანმა სიამაყის
ნერწყვი მაგრად ჩაყლაპა და წელში გასწორდა. გათამამებულს უნდოდა რა-
ღაც ბრძანება გაეცა, მაგრამ უეცრად ყველამ ისევ გადიხარხარა.

— სუთ! — დაიჭეჭა კიდე ყენმა.

ხალხი ისევ გაჩუმდა და ყენმა წარმოსთქვა ყენისებურად:

ყენი რომ წამოვიდა,
მთა და ბარი გადმოლახა,
ქალაქში რომ ჩამოვიდა,
ნაომარი ვერა ნახა,
ხიდს ასწია ავლაბრისას,
შუა მტკვარში გადუძახა,
ყმაწვილების კალო ლეწა,
ოროველა შემოსძახა.

თქვენ დაგავიწყდათ, რომ სამასი ლამაზი ქალწულია საჭირო ირანის შა-
ჰინშასათვის? — დააბოლოვა ყენმა.

ამ დროს გამოხტა რაზმიდან ახალგაზრდა ყმაწვილი და უთხრა:

— ი, შე ფეთხუმო შენა, ლამაზი გოგო მეგულებოდეს სადმე და შენ
გაგატანო?

— როგორ მიბედავ! — განრისხდა ყენი.

— მუჰტა ქვა მაიბი, ნიაფია არ წაგიღოს

ყენმა იწყინა. დოხნჯი შემოირტყა და გადასძახა ხალხს ვირზე გადა-
ჩახხულმა:

— ჰეი! ადექით ფეხზე და წელში ცხრად მოიკაკენით შაჰის წინაშე,
ირანის მონებო!

— პა-პა-პა-პა-პა! რა გაცხარება სცოდნია მაიმუნისაგით, ბიჭებო! —
სთქვა ჯმუხმა და დევსავით გადიხარხარა. შემდეგ მიჰმართა ყენს:

— დაჰბერებულხარ, ყმაწვილო,
დაუჩირჩინიხარ ჭიასა,
სადაც შენ დაიმარხები,
ნეტა იმ ეკლესიასა.

— ეკლესიაში რა მინდა! — დიაყვირა ყენმა.

— სანაგვეზე! სანაგვეზე! — იგრიალეს რაზმელებმა.

შეშინებულმა ყენმა მიჰმართა თავის გმირებს:

— ჩემო მომხრე გზირებო!
ოჰ, თქვე ღორის შვილებო!
რატო აღარას მშველით,
სახედრებო, ვირებო?

ჯმუხმა უპასუხა:

— ეგენი რას გიშველიან,
ვირის კუდებრ დახრილანო,
თუ შარვალსაც გაუსინჯავთ,
მგონი კიდეც გასვრილანო.

ყენი გაცხარდა:

მე შაირი არ მინდოდა,
მათქმევეინე ძალადო,
ძალლის ბეწვი მოგაძოვე
ოცდაათი კალათო.

ჯმუხმა უპასუხა:

— ყენო, ეგ ერთი გითქვამს,
მეტი აღარ წამოგცდესო,
თორემ იმდენ ნებს შეგაქმევე,
თოკი ველარ შემოგწვდესო.

ყენი უფრო გამწარდა:

— არაფერი არ გამოდის
შენი ლაპარაკიდანო.
შენისთანა მოშაირეს
ვაწკებლინებ...
— ჩამოვადლოთ!

— ჩამოვადლოთ ბელაურიდან ეგ ტაკიმასხარა — იყვირა ჯმუხმა და ეცა ყენს. ასტყდა აურ-ზაური. მონებმა დაწყვიტეს თოკები, გათავისუფლდნენ და გაისმა ყვირილი:

- ჩამოვადლოთ!
- განით, ახლოს არ მომეკაროთ! ყენი ვარ, ყენი!
- ჰობრუწუწუ ყორჩიხანს!
- ყენო, დავიქიდნეთ, თუ კაი ბიჭი ხარ! — უთხრა ჯმუხმა.
- ქართული ჭიდაობა არ ვიცი.
- თათრულად დავიქიდნეთ.
- არც თათრულად ვიცი.
- აქლემურად.

ყენი მოთმინებიდან გამოვიდა და დაუბრიალა თვალები აჯანყებულებს:
— თქვენ დაგავიწყდათ ყენის ოინები?

„ხიდს ასწია ავლაბრისას,
შუა მტკვარში ჩაუძახა“...

— არ დაგავიწყდა და იმიტომაც გადავიძახებთ მტკვარში.
დაიყვირა ჯმუხმა და მოუწოდა რაზმელებს:

- აეწიოთ!
- აეწიოთ! — იგრიალეს ერთხმად რაზმელებმაც.
- არა, კაცო, ისევ ისა სჯობია, ვიქიდაოთ! — მოტყდა ყენი.

— შენზე ხელს გავისვრით? გადავადლოთ! — იყო პასუხები.

— გადავადლოთ! — ყვიროდა ხალხი.

— რას სჩადით, კაცო! მე ხომ ნამდვილი ყორჩიხანი არა ვარ! — იყვირა შეშინებულმა ყეენმა.

— ჩვენ კი გადაგადებთ და შენ გინდა ნამდვილი იყავ, გინდა ტყუილი.

— ვხუმრობდი კაცო, ვხუმრობდი. — იძახდა ყეენი.

— ჩვენც ხუმრობით გადაგადებთ.

— წყალში ჩავადლოთ! — ყვიროდა ვილაცა თავგანწირვით, — წყალში ჩავადლოთ ბერიკასავით. კაი მოსავალი გვექნება წელს. ავწიოთ!

მისცივიდნენ ყველანი. ასწიეს მალლა, შეისროლეს და მერმე ძირს დაახეთქეს. მითომ წყალში ჩააგდეს.

ყეენს გაეხარდა და შვებით ამოიკვნესა:

— ეს იყო სულა?

— კიდევ გადავადლოთ. კიდევ! — გაისმა ხმები.

— ერიპაა! — წაილულლულა ყეენმა: — გზირებო! გავიპარნეთ, თორემ ესენი ხუმრობაში მართლა ჩაგვეყრიან მდინარეში.

მერმე მოიკუნტა ყეენი. ისე მოიკუნტა, თითქოს თხილის ნაჭუჭში უნდა ჩაძვრესო და ფეხაკრებით გაიპარა.

მას მიჰყვნენ თავისი გზირები.

— გაიპარნენ, გაიპარნენ! — გაისმა დაცივნის ხმები და თან ლექსიც გააყოლეს:

— თქვენისთანა ყეენსა,
ვირზედა ვსვამთ ჩვენსა. —

ამის შემდეგ ყოველწლიურ გასართობად და წარსული ჭამარჯვების მოსაგონარ თამაშად გადაიქცა ყეენობა, რასაც ყველიერში მოაწყობს ხოლმე ქართველი ხალხი.

ილევ შენთან ვარ

შენ ყოველ დილით ბაღში ვარდებს მიუალურსებ.
მკერდში ჩაიკრავ ზამბახების ლამაზ თაიგულს;
ვიცი და მჯერა, რომ ჩემდამი, ნაზო არსებავ,
შენ კვლავ ატარებ წმინდა გრძნობას გულში დაფარულს.

ნუ თუ ბავშვობის საოცნებო დღენი მზიანი
ალარასოდეს ხელმეორედ ჩვენთან არ მოვია?
მაგრამ გვახარებს ჩვენი ეზოს ლურჯი იანი,
ყოველ გაზაფხულს სველ მიწიდან ისევ ამოვია.

ანკეს ვაგებდით საღამოთი რიონზე მაშინ,
რამდენი დილა სიხარულით ვაგვთენებია,
ბროლისფერ თევზის შეშინებულს წკრიალა თვალში
რამდენჯერ ბავშვებს ცხელი სილა ჩავვიბნევია.

ცხოვრების გზაზე აღტაცება დღესაც დიდია.
კარგი, დარჩი, როგორც მაშინ იყავი მორცხვი.
ეს სიყვარული კაცისათვის გზა და ხილია,
ჩვენც შევეგებეთ ოცს გაზაფხულს მზურვალე კოცნით.

ისევ შენთან ვარ, მეგობარო, მთელი არსებით;
პატარა ბავშვი დაგოგმანობს, გულს გვიხალისებს;
ამ საამურიდა მჩქეფარე ნეტარ ცხოვრებით
ხელეგაშლილი შევეგებოთ მრავალ აისებს!

მ უ რ ი

დასვენების წინა დღეს ხშირად ვესტუმრებოდი ხოლმე ერთ ოჯახს. დიასახლისი მუდამ ახალი ამბებით დატვირთული მხედებოდა, ბევრს გვიამბობდა, გვაცინებდა, დროს ვატარებდით. კარგა ხანი აღარა ვყოფილვარ მათთან, ერთ დღეს მოვისურვე მივსულიყავი სტუმრად და შესვლის უმაღლეს, გახარებულმა დიასახლისმა მომაცხადა:

— კიდევ კარგი, რომ დროზე მოხვედი, თორემ... — სათქმელი აღარ დაამთავრა: ჩემზე ადრემისულ სტუმრებს ამბავს უამბობდა, შეეშინდა საუბარი არ გამიწყდესო და მოსალმებისთანავე განაგრძო:

— დიალ, — ამბობდა იგი — სიკვდილმა უდროვოდ გამოასალმა წუთისოფელს... რამდენი ცრემლი გაიყოლა, რამდენი!. გასვენების ამბავს ხომ ნულარ მკითხავთ: 30 გვირგვინი მიუძღვებოდა წინ; ვინ არ დაესწრო გასვენებაზე, ნაცნობის ნაცნობებიც კი მოდიოდნენ. ჩემი ყურით გავიგონე: რა გვარიაო, ეკითხებოდა კარგად ჩაცმულდახურული დედაკაცი, სოლოლაკიდან ვერის სასაფლაომდე ვაივუშით მოჰყვებოდა, თან აქეთ-იქით იყურებოდა: ვილაცას დაეძებდნენ მისი თვალები... დაქვრივდა ივანე, დარჩა თერთმეტი წლის გოგონა და ბევრი ფიქრები. ვალეგდა, სახე დაუჭკნა, იშვიათად გამოდიოდა გარეთ, ფიქრობდა, ბევრს ფიქრობდა... ტფილისში ველარ მოისვენა, შვებულება აიღო სამსახურიდან და დასასვენებლად წავიდა სოფელში (ნეტამც არ წასულიყო!).

ივანე ერთხანს წერილებს სწერდა ოჯახშიდატოვებულ დედას და ობოლ თამარს, შემდეგ წერილების წერაც შეჩერდა; მთელი ზაფხული ისე გავიდა, რომ მის შესახებ ოჯახმა არაფერი იცოდა და აი, შემოდგომის ერთ საღამოს, მოულოდნელად დაბრუნდა შინ, თან ახალი მეუღლეც მოიყვანა... ივანეს ოჯახი კვლავ ფეხზე დადგა, სტუმრობა და მისვლამოსვლა დაიწყო, დროს ტარებას საზღვარი არ ჰქონდა, ივანე სტუმართმოყვარული იყო-მეთქი, ახალი მეუღლეც არ აღმოჩნდა ნაკლები; ვინ არ მიდიოდა მის ოჯახში, ვინ არ ეპატიჟებოდა შინ, მომეტებულად ახალგაზრდა ვაჟები. ყველა დიდის პატივისცემით ეპყრობოდა დიასახლისს, ბოლოს კი... სტუმრების ყურადღება თამარის სილამაზემ მიიქცია: ნაზი, ტანწერწეტა, მაღალი მკერდით და შავი ღიდრონი თვალებით ხიბლავდა მაყურებლებს, ეძახოდა თავისაკენ, ცეცხლის ალში აყენებდა, სისხლს აუჩუხჩუხებდა; ვის არ უყვარდა, ვინ არ უაღერსებდა, მამა ხომ თავს ევლებოდა, მაგრამ ერთ დღეს უცნაური ამბავი შეემთხვა ივანეს:

ის იყო სამსახურიდან დაბრუნდა ივანე, შინ შემოსვლისთანავე თამარმა მიიბრინა მასთან, წერილი გადასცა; ივანემ ხელი მოჰხვია, გაუცინეს ერთიმეორე.

რეს, შუბლზე აკოცა მამამ, დაჯექიო, სთხოვა, გვერდზე დაისვა; კარგა ხანს ილაპარაკეს: მამამ თავის მოწაფეების ამბავი უამბო, ბოლოს წერილი გაახსენა თამარმა, წამოდგა და წასასვლელად მოემზადა.

— ახლავე, — უთხრა ივანემ. წერილი აიღო, გახსნა, რამდენიმე სიტყვა ამოიკითხა; ხელში ნაჭერი ფურცელი აუკანკალდა, სახე გაუფითრდა, ფეხზე წამოხტა. თვალები მოავლო ოთახს, შემდეგ თამარს რატომღაც დააკვირდა.

— წყეულები!.. — თქვა მან. წერილი ხელიდან გაუვარდა და მძიმედ დაეშვა სავარძელში.

ძირსდავარდნილი წერილი თამარმა აიღო: უნდოდა წაეკითხა, მაგრამ სწრაფად მისწვდა ივანე, წაართვა წერილი და დაჭბუქნული ჯიბეში ჩაიღო. შემკრთალი თამარი ნელი ნაბიჯით გავიდა ოთახიდან.

— ნუთუ!.. — გაიოცა ივანემ; როდესაც მარტოკა დარჩა, წერილი ამოიღო ჯიბიდან, გაშალა, ჩაიკითხა ბოლომდე, შეჩერდა, შუბლი მაგრად მოისრისა, თვალები დახუჭა. კარგა ხანს ფიქრობდა რალაცას, წერილი კვლავ წაიკითხა, გაშტერდა, ამღვრეული თვალებით შეაშტერდა განსვენებული მეუღლის სურათს, კედელზე რომ ეკიდა ივანეს ტახტის მალა.

— ნუთუ!.. — თქვა მან. ფეხზე წამოდგა. სურათს მიუახლოვდა. თვალბეში ჩაჰხედა.

— ნუთუ-მეთქი!.. — კვლავ გაიმეორა. შემოტრიალდა, კარებამდე მივიდა. დიდხანს სცემდა ბოლთას ოთახში, შემდეგ თამარს დაუძახა, დაისვა გვერდზე, ათვალეირებდა, უცნაურად უღიმოდა.

— რაა, მამილო! მეშინია... რად მიყურებ ეგრე!.. — უთხრა თამარმა და წასვლა მოინდომა.

— მოიცა! — შეაყენა ივანემ. დაიხარა, აკოცა და ამღროს კარებიდან ზარის ხმა გაისმა.

— ვილაც გვესტუმრა! — თქვა თამარმა და კარებისაკენ გაიქცა.

ივანემ ამღვრეული მზერა გააყოლა.

— ეს არ მოხდებოდა!.. ეს არ შეიძლება-მეთქი! — წამოთქვა თავისთვის, შუბლი მაგრად მოიწმინდა.

— არ მოხდებოდა! არ მოხდებოდა! — გაიმეორა ბრახინანად და წერილი ნაკუწნაკუწად აქცია.

— თფუ! მიქარვაა!... — თქვა ხმამაღლა და ფეხით გასრისა.

წერილში ლამაზი ასოებით იყო ჩაწერილი:

„თამარი, რომელიც შენ ეგრე ძალიან გიყვარს, შენი შეილი არ არის.. იგი მე მეკუთვნის, მე ვარ მამა, მე შევაცდინე შენი მეუღლე.“

ის იყო წერილის დახვევა მოასწრო ივანემ და ამ დროს მისი მეუღლე, მანია, შემოვიდა, კარებთან შედგა, დააკვირდა ივანეს.

— რა ამბავია? საოცრად გამოცვლილხარ! — გაიოცა მან და მძიმე ნაბიჯით მიუახლოვდა მეუღლეს.

— არაფერი, მე ისე..

— მაინც, რა მოხდა?

— არაფერი-მეთქი.

— ნუ კი გამიწყრები, ჩემო ყველავე!

— სრულებით არა.

მანამ გაუღიმა.

— მაშ ამაღამ თეატრში მოდიხარ?

ივანემ არ უპასუხა.

— მოდიხარ-მეთქი?

— დაღლილი ვარ, არა მცალიან...

— უპ! გული გამიწყალდა. ჩამომაცილე ყველაფერს. მაშ, მარტო მივიდი-
ვარ.

— შენი ნებაა!..

— რატომ? არა, რატომო? — აღარ ეშვებოდა მანია, თეთრი ფუნჩულია ხელები მოხვია სახეზე, მაღალი მკერდით მიეყრდნო მკერდზე. რატომა ხარ ეგრე დაღონებული?!

— ხომ ვთქვი, დავიღალე-მეთქი!

— არა, რალაცას მიმაღავ, ჯესმის, მიმაღავ!

ივანე ადგა, ფანჯარასთან მივიდა და თამარის დარგული ყვავილების ფოთლებს შეეხო ხელით. თან თრთოდა — სიმწარეს დაეთრო.

— გრცხვენოდეს! მომანატრე ყველაფერი! — თქვა მანიამ და ოთახიდან გავიდა.

ივანეს იამა: მარტო დარჩა, ჩამოჯდა მაგიდასთან! გაიხსენა ყოველი წვრილმანიც კი წარსულიდან, პირველ მეუღლესთან ურთიერთობის ამბები, მეუღლის დამოკიდებულება მის მეგობრებთან.

— ნუთუ, ერთხელ მაინც ვერ შევამჩნევდი! — სთქვა თავისთვის. — საოცარია, ვინ უნდა იყოს წერილის ავტორი? იქნება ივანესთან დაიარება, მასთან ზღის, საუბრობს, მეგრამ... არა, არა, შეუძლებელია!..

ივანე მოთენთილი წამოდგა საწოლიდან. სამსახურის დაწყების დროზე უფრო ადრე წავიდა საღლაც და ვახშობის დროს დაბრუნდა შინ. მანიას სტუმრები მოსვლოდნენ, მათთან საუბარში იყო გართული.

— სად ბრძანდებოდით, ვაქებატონო? — ნაძალადევი ღიმილით ჰკითხა მეუღლეს და უცნობი სტუმრები გააცნო.

ივანე მიესალმა სტუმრებს, მანიასთვის ხმა არ გაუცია, მისმა თვალებმა მაშინვე თამარი მოძებნეს; იგი მეორე ოთახში ვიღაცას ელაპარაკებოდა, მისწვდა მამის ხმა, ადგა, წინ შემოუძღვა ფერმკრთალ ახალგაზრდას, რომელიც მშვიდად მიესალმა იქ მყოფთ, ოდნავ შეჩერდა მანიას წინ, თითქოს რალაცის თქმა სურსო, თვალები თვალებს გაუსწორეს. მანიას ფერი ეცვალა, ხოლო ვაჟი შერცხვენილის იერით შემოტრიალდა, თამართან მივიდა, მამას რომ ელაპარაკებოდა; ჩუმად რალაცა უთხრა, გაიცინეს და ერთად დასხდნენ.

ეს ახალგაზრდა ხშირად დაიარებოდა ივანეს ოჯახში, ყველას თავაზიანად ექცეოდა, მამაკაცებთან სიტყვას ძვირობდა. ქალებთან ბევრის მთქმელი იყო, მოცინარი, მოქნილი, და მარად გართობისმოყვარული. შორეულ ნათესავად გააცნო მანიამ ქმარს. თავათ მაინც გულლაღად ხვდებოდა ერთხანს, ექვიც კი შეეპარა მათ საქციელზე ივანეს და ახლა, როდესაც ახალგაზრდა შემოვიდა, ივანემ დაკვირვებით შეხედა მანიას: მის სახეზე სიძულვილი ციაგობდა, მოწყენილი, მშვიერი მზერით უჭვრეტდა ახალგაზრდას... ერთი ამბავიც შეამჩნია ივანემ: თამარისკენ წასულ ვაჟს მანიამ მწარე მზერა გააყოლა, შემდეგ თამარს შეხედა და ამ მზერაში შავად აშლილი შურის შავფრთეთ მოჰკრა თვალი. შეკრთა: მანიას და თამარს შორის იდუმალი ბრძოლის ძაფები ებმებოდა. სიმწარით შუბლი დაენაოქა ივანეს, ყველაფერი მწარედ მოეჩვენა, ექვი გაუძლი-

ერდა. „რატომ გამოიცვალა მანია ამ ბოლო დროს?“ ჩაიფიქრა მან. გული შეეკუმშა. ადგა. დაღლილობა მოიმიზეზა და მარტოდ ყოფნა ირჩია.

მანიას გაეხარდა ივანეს წასვლა; თავისუფლება იგრძნო. მაგრამ გადახედა თუ არა სტუმრებს, მაშინვე ჩაფიქრდა. სიმარტოვე იგრძნო... უფრო გულიანად დააქტერდა გარშემომყოფთ და შეერთა: ყველაფერს ნაძალადევი იერი გადაჰკრაგდა მის მიმართ. მართალია, მანიამ დიდი ხნის წინათ იგრძნო, რომ ახალგაზრდები მხოლოდ ზრდილობის გულისთვის უტყინოდნენ მას, მათი ღიმილი ისეთი აღარ იყო. როგორც წინათ, მაგრამ ახლა ყველაზე მეტად იგრძნო ეს. წამით შეჩერდა მისი თვალები თამართან მოსაუბრე ახალგაზრდაზე და შემდეგ თამარზე...

— ნუთუ თამარის სილამაზეა ამაში დამნაშავე! — ჩაიფიქრა მან. ბრაზი მოუვიდა, ადგა, მივიდა როიალთან და „თავო ჩემო“ დაამღერა ნაღვლიანი ხმით, თანაც თამართან მოსაუბრეს უკვრეტდა იღუმალ. თვალები ცრემლით ევსებოდნენ.

კარგა ხანი გავიდა წერილის მიღების შემდეგ. ივანე ერთხანს ნაცნობებს აკვირდებოდა, ცდილობდა ვაეგო, ვინ იყო წერილის ავტორი. მაგრამ ვერაფერს მიხვდა: ისეთივე ღიმილი, ისეთივე შეხვედრა. ვილაცამ დამგესლაო. გაიფიქრა და შეეცადა დაეწყებინათვის მიეცა ყველაფერი. ჩვეულებრივად განაგრძო მუშაობა. სიხარულით ხვდებოდა დილის მზეს, სკოლის კარებზე გამოსულ ბავშვებს და ცდილობდა შრომით გაეჟარებინა ფიქრები. მანიას კაპრიზებით რომ ეხვეოდნენ თავს, თამარის სიყვარული კი უფროდაუფრო უძლიერდებოდა. მითუმეტეს, ერთი შვილი ჰყავდა, ხოლო მანიასგან არ მოელოდა შვილიანობას.

ერთხელ შინდამბრუნებულ ივანეს სახლში არავინ დაუხვდა. საწერ მაგიდაზე ორი წერილი იყო. ერთზე ეწერა: „ნათესავთან მივიღივარ. შეიძლება დამაგვიანდეს. მანია“. იგი ხელში არ აუღია ივანეს, ისე წაიკითხა. ხოლო მეორე წერილმა მიიქცია მისი ყურადღება. გულიანად დააკვირდა კონვერტზე დაწერილ მისამართს და ურეოდამ აიტანა: ხელი ეცნაურა — უცნობი წერილის ავტორის ნაწერს ჩამოგავდა. მოიწადინა არ წაეკითხა წერილი. ნაკუწ-ნაკუწ ექცია და გადაეყარა, მაგრამ ვერ მოითმინა: ავტორის ვინაობის გაგების წადილმა დასძლია. ხელების კანკალით გახსნა და შემდეგი ამოიკითხა:

„გიმეორებთ: თამარი თქვენი შვილი არ არის. მეც ხანში შესული კაცი ვარ, შვილი მენატრება. თუ საქვეყნოდ შერცხვენა არ გზნდათ, მოიქეცით ასე: შვიდ მაისს, საღამოს ცხრა საათზე თამარი მიიყვანეთ სადგურის კარებთან. იქ დაგიხვდებით კაცი, რომელიც თქვენ გიცნობთ. და შემდეგ ყველაფერი თავისთავად მოგვარდება. წინააღმდეგ შემთხვევაში თამარს საფრთხე ელის. ჩემი ვინაობის გაგება ნუ გეჩქარებათ. ნურც მაიძულებთ ექიმების საშუალებით დაგიმტკიცოთ თამარისადმი ჩემი მამობა... ასე. 1925 წ. 6 მაისი.“

ივანეს მძიმე ფიქრი დააწვა. კარგახანს იჯდა უძრავად.

— მაშ გინდათ დამიმტკიცოთ, რომ თამარი თქვენი შვილია! — თქვა მან ბოლოს. ფეხზე წამოადგა, წერილიც ჯიბეში შეინახა და საათს დახედა — ცხრის ნახევარი იყო. სწრაფად მოემზადა. საწერ მაგიდის უჯრიდან ბრაუნინგი ამოიღო, ვაზნა მისცა პირში და შარვლის ჯიბეში შეინახა.

— ვნახოთ, ვნახოთ! — იმეორებდა იგი. სწრაფად ჩაირბინა კიბეები, თავდახრილი შეერია ხალხში, ყურადღება არავისთვის მიუქცევია. ჩქარი ნაბიჯით

გადასჭრა რამდენიმე ქუჩა, დაუჯდა სადგურზე წამსვლელ ტრამვაის ვაგონს. ერთი გაჩერებულა აკლდა სადგურამდე, რომ გადმოხტა: გაიფიქრა — დამხვდურები ტრამვაის სადგურზე დამიწყებენ თვალიერებასო, ამიტომაც ფეხით მიხვლა ირჩია — ჩუმად შეათვალიერებდა ნაცნობებს. სადგურისკენ მიმავალ ჯგუფში შეერია, შორიდან დაათვალიერა გარშემო, მიიარ-მოიარა სადგურის წინ, ვერცერთი ნაცნობი ვერ შენიშნა; კარგა ხანს ტრიალებდა ერთ ადგილზე, ათის ნახევარი იყო, წასვლა დააპირა; უცბათ მხარი ვილაცამ წაჰკრა, სწრაფად შეხედა ივანემ: სოფლელი ვილაცა იყო — მატარებლისკენ მიეჩქარებოდა ბარგით ხელში. ამავე დროს შენიშნა კარების მახლობლად მდგომი ახალგაზრდა. თვალს არიდებდა ივანეს და ვილაცას დაეძებდნენ მისი წვრილი ლევა თვალეზი, სადად ჩაცმული იყო, ნაცრისფერი ედვა უდროოდ მოღლილ სახეზე, შეკრული შუბლი იზვიათად ეხსნებოდა, განუწყვეტლად ეწეოდა პაპიროსს, თანაც ერთი ხელი მუდამ ჯიბეში ჰქონდა ოდნავ წელშიმოხრილს. ივანეს გულიანად დააცქერდა და გაშორდა.

— ლმერთმა დასწყევლოს, ვერცერთი ნაცნობი სახე ვერ დავინახე! — გაიფიქრა და უკან გამობრუნდა. ნელი ნაბიჯით მიდიოდა, აქეთ-იქით იყურებოდა, თანაც გრძნობდა, რომ უკანიდან ვილაცა უმზერდა. ტრამვაიში ასვლის დროს სწრაფად მიიხედა — უცნობი ახალგაზრდა გაჰყოლოდა უკან, მალულად ადევნებდა თვალს. ივანემ წყრომით შეხედა, მან კი თვალი აარიდა და ხალხში შეერია. ამდროს ტრამვაიც დაიძრა. რატომ არ გამოველაპარაკეო, გაუწყრა თავს ივანე, გადმოხტომა მოიწადინა, მაგრამ გვიან იყო — უცნობი აღარ ჩანდა... თერთმეტ საათზე დაბრუნდა შინ. თითქმის კვალდაკვალ მოჰყვა მანია, არეული ხმით გამოელაპარაკა ქმარს, სახე გაჰფითრებოდა, თავის ტკივილს უჩიოდა, გვერდზე ჩაუარა მაგიდის წინ მდგომ ივანეს, ღვინის სუნი შეაფრქვია.

— სად იყავი? — ჰკითხა ივანემ

— მეგობარ ქალთან. შენ?

— მეგობარ ვაჟთან...

ორივენი გაჩუმდნენ. სხვა დროს გაიცინებდნენ, ახლა კი... მათი თვალეზი მძულვარედ შეხვდნენ ერთიმეორეს. მანიამ ვერ გაუძლო ქმრის მზერას და თვალეზი დახარა.

— სულ გამოიცვალე ბოლო დროს, სულ! — დაიჩვილა მან შემკრთალი ხმით. ივანეს პასუხი არ გაუცია, იდგა ერთ ადგილზე, მძიმე ფიქრი დასწოლოდა. აზრად მოუვიდა: ეთქვა მანიასთვის გამოცვლის მიზეზი, მაგრამ ჭკუაში არ დაუჯდა: მანია წახალისდებოდა, უფრო მკაცრად მოექცეოდა თამარს. თანაც იდუმლად გააპარებდა ნაცნობებში ამ ამბავს. თავი დაიმშვიდა და ნელი ხმით ჰკითხა მანიას:

— თამარი სად არის?

— მეც შენთვის უნდა მეკითხა...

— სად წავიდა?

— ალბათ ამხანაგებთან წავიდოდა... — უპასუხა მანიამ და შეეცადა თამარის შესახებ ლაპარაკი შეეწყვიტა. სწრაფად გაშორდა მეუღლეს და მძიმე ამოოხვრით შევიდა სასადილო ოთახში, ივანეც თან გაჰყვა და ორივენი მაგიდას შემოუსხდნენ. ვახშამმა უხმოდ ჩაიარა, თითქოს ხმის ამოღებისა ეშინოდათ; იდუმლად უქვრეტდნენ ერთიმეორეს. მანიას შიშის იერი გადაჰკრავდა, ვაფიქრებელი იყო, ოდნავი ხმაური აკრთობდა. წყენით შეხედავდა ივანეს და

მაშინვე თვალს აარიდებდა. ივანეც საკუთარ ფიქრებში იყო გართული, უსიამოვნო რასმეს გრძნობდა.

— რად დაიგვიანა თამარმა! — დაარღვია სიჩუმე.

მანია შეკრთა, კოვზი გაუვარდა ხელიდან, საკუთარი შეკრთომისა შეეშინდა, სწრაფად შეხედა ქმარს და დამშვიდდა: ივანეს ვერ შეენიშნა მეუღლის კრთომა.

— რადროს იყო თამარი შინ? — იკითხა ივანემ.

— რა გული გამიწყალე! — გაუწყრა მანია. — სამი საათის შემდეგ შინ არ ყოფილა.

— იმ დროს შინ იყო?

— სკოლიდან მოვიდა.

— მაშ შინ ყოფილა...

— დიად...

— ზომ არაფერი უთქვამს?

— მგონია ამხანაგებთან წასვლას აპირებდა. — ცივად უპასუხა მანია, ნაძალადევად დაამთქნარა, გაიზმორა და წამოდგა. — ძალიან მეძინება!.. — თქვა მან და აღარ დააყოვნა: დასაძინებლად გაემართა.

— მეკი თამარს დაველოდები! — უთხრა ივანემ.

— შენი ნებაა, — იყო ცივი პასუხი. ნაწყენი მზერა გააყოლა ივანემ, ერთიორად ეუცხოვა ამ საღამოს მისი საქციელი, თავი დაენანა: ოჯახის სიტკბო სწყუროდა გულით.

— სულ გამოიცვალა, სულ!.. — თქვა თავისთვის და შეიშინდა.

თორმეტი საათი შესრულდა. არ ჩანდა თამარი. დრო გადიოდა, ივანეს შინში იპყრობდა: მას არასოდეს დაუგვიანია ასე დიდხანს. ერთ ადგილზედ ვერ ჩერდებოდა, მოიწადინა წასულიყო საძებნელად, მაგრამ სად?.. ვისთან უნდა მისულიყო უდროოდ დროს! შინ ყოფნა მანც ვერ აიტანა, გარეთ გავიდა და ეზოს კარებთან შედგა.

ქუჩაში ხალხი შეთხლებულიყო. შორიდან ისმოდა მატარებლის მოწყვეტილი კივილი, ავტოებში მშვიდი შუილი. სადღაც მღეროდნენ. ვიღაც მთვრალი იგინებოდა. თითოთოროლა ჩაუვლიდა აჩქარებული ნაბიჯით, გაკვირვებით შეხედავდა ივანეს და გზას განაგრძობდა; გულის ფანჯრალით ელოდა ივანე ქუჩის ბოლოს მომავალს. ნაწყენი მზერით გააცილებდა უცნობს. დაიძალა დგომით, ლოდინით და დაღონებული დაბრუნდა შინ. მივიდა მანიასთან, დაჯდა საწოლის გვერდზე — მასთან საუბარი ეწადა.

მანიას უგემურად ეძინა — უფოთავდა. სახეზე დაუკვირდა ივანე, ანლა მას უფრო უწყინარი იერი გადაჰკრავდა. ჯერ ელიმებოდა, შემდეგ შეკრთა, წაიღებოდა... — ალბათ სინათლე უშლის ძილსო. ჩაიფიქრა ივანემ. ფრთხილად წამოდგა. სინათლის ჩაქრობა უნდოდა. ამდროს მანიამ ოდნავ აიწია. კვლავ ლაბუში განაგრძო: „ნუ!.. ოი!.. ნუ!.. ნუ!.. გაიგებენ.. ოი!..“ — ამბობდა იგი. ივანე უცბათ შემოტრიალდა, დაამტერდა მეუღლეს, მანია გონს მოვიდა, მეორე გვერდზე შეტრიალდა და საბანი წაიხურა თავზე.

— რაღაცა აწუხებს! — თქვა ივანემ. საათს დახედა: პირველი სრულდებოდა, თამარი მანც არ ჩანდა. — ახლა კი... ასე არ დაიგვიანებდა. უნდა მოეძებნო. — იფიქრა მან. ამდროს ფეხის ხმა გაისმა: კიბეზე ვიღაცა ამოდიოდა, განსარებულმა ივანემ დააყოლა — ნელნელად ახლოვდებოდა ხმაური, სახე

წამოუწითლდა, გული მაგრად შეეკუმშა. მაგრამ წუთით მოხდა ყველაფერი. ეს: თანდათან მისწყდა ფეხის ხმა, დერეფნის სიღრმეში კარები ახმაურდა და მკვდარული სიწყნარე გამეფდა ირგვლივ. მძიმე ოხვრა ამოხდა ივანეს, მოეშვა, მოთენთილი სავარძელს მიესვენა. კარგა ხანს იყო უძრავად; შემდეგ მანიას გაღვიძება მოინდომა, მიუახლოვდა. საბანი გადახადა, ნელად შეეხო ხელით შიშველ მხარს. მანია შეკრთა, თვალები შიშველად გაახილა, სახე გაუფითრდა. კედელს მიაწყდა, შემდეგ წამოიწია, შიშველი მკლავები გაშალა, თითქოს გადმოფრენას აპირებსო. ივანემ მშვიდი იერი მიიღო, გაუღიმა:

— რა გემართება! — უთხრა მან ტკბილი ხმით... — თამარი არ მოსულა, უნდა მოვძებნო...

— მე არა. არა!.. მე არა! — გააწყვეტინა საუბარი მანიამ.

— თამარი არ მოვიდა მეთქი... ლამის პირველი საათია და არა სჩანს, რაღაც დაემართება, მეშინიან...

— მე არაფერ შუაში ვარ...

— შენ რა შუაში ხარ, მე მინდა მოვძებნო. ვაი თუ გაიღვიძოს და შეწყუბდეს-მეთქი.

მანიას ხმა აღარ ამოუღია, კანკალი აუფარდა, ხელები აუთრთოლდა, სახეზე ფერი ეცვალა, ოთახს შემკრთალი მზერით ათვალეირებდა, თვალები არეული ჰქონდა, თმაგაშლილი და მხრებზე გადაბნეული. ივანეს შერცხვა: რად გავაღვიძეო, შეინანა.

— დამშვიდდი! — შეევედრა იგი, გვერდზე მოუჯდა. თმები შეუსწორა, ნელად აკოცა და თავისაკენ მიიზიდა.

მანია უფრო ათრთოლდა. მაგრად ჩაეხვია მეუღლეს და ბავშვივით, ატირდა. — რა ვქნა მეშინიან, ძალიან მეშინიან! — დუღუნებდა იგი...

— რა უბედურებაა! რისი უნდა გეზინოდეს, მე ვარ ივანე. აბა შემომხედე! — უფრო დამშვიდებითი კილოთი უთხრა ივანემ. დაიძინეო, სთხოვა. როგორც იყო დამშვიდდა მანია და მიიძინა მეუღლის მკერდზე. ივანე იჯდა მანიას საწოლზე. მისი ოდნავი მოძრაობის დროსაც კი კრთებოდა მანია. ლაბუშობდა, ამიტომ ვერ დატოვა მართლ და ღამე თეთრად გატეხა, მოუთმენლად ულოდებოდა ვათენებას. როგორც იყო ირიჭრაფა. ადგა ივანე, ფრთხილად მიაწვინა მანია ლოგინზე; ფეხბაკრეფით გაჯიდა ოთახიდან და თამარის ამხანაგების მონახვას შეუდგა. ნათესავებს შემოუარა. მაგრამ... არავის ენახა თამარი. ბოლოს მიღკიაში შეიარა, — თქაც არაფერი იცოდნენ.. უგზოუკვლოდ დაიკარგა.

ივანეს მეტი გზა არა ჰქონდა: წერილები უნდა გაემუქლავებინა. მანია ვაოცებით შეხვდა ამ ამბავს. დიდხანს ეჭირა უცნობის წერილები, ატრიალებდა. კითხულობდა, იგონებდა თამარს და სტიროდა; იმდღეს გარეთ არ გამოსულა, გაანცებულნი ზედებოდა თამარის ამბის საკითხავად მოსულ ნაცნობ-ნათესავებს; ათასჯერ ზუგუბოდა ერთსადამივე ამბავს. უკითხავდა წერილს და ეჭვიანად ათვალეირებდა ხნიერ მამაკაცებს.

ივანემ განხეთის რედაქციაში შეიარა, განცხადებები მისცა, რომელშიაც თამარის დაკარგვის დრო, წლოვანობა და გარეგნობა იყო აწერილი, მნახველებს სთხოვდა — ამბავი სასწრაფოდ ეუწყებინათ მისთვის და საჩუქარს კპირდებოდა. შემდეგ რაიმეილიციის გამომძიებელთან ერთად დაბრუნდა შინ. წერილი გადასცა და მოკლედ უამბო უცნობის წერილების მიღების ამბავი. გა-

მომძიებელი ერთხანს ყურს უგდებდა, შემდეგ გულიანად გადაიკითხა წერი-
ლები, ჩაფიქრდა, კვლავ გადაიკითხა.

— მაშ თქვენ ექვი არავიზე გეპარებათ? — ჰკითხა ივანეს.

— არა.

— იქნება პირველი მეუღლის დროს ექვიანობლით ვისმეზე.

— არასოდეს.

— ხომ არვის უყვარდა თამარი?

— არ ვიცი.

— ხომ არავინ არის ისეთი ახალგაზრდა, რომელსაც თამარი ჰყვარებო-
დეს, მაგრამ თამარი ყურადღებას არ აქცევდა?

— არა მგონია... — ჩაფიქრდა ივანე. ის ახალგაზრდა გაახსენდა. თავის
ნათესავედ რომ გააცნო მანამ. — ის ახალგაზრდა, — თქვა მან. — მაგრამ იმას
და თამარს შორის მუდამ კარგი განწყობილება იყო, ჩემის ფიქრით ის არაფერს
შუაშნა.

— რა გვარია?

— ჰინჭარაძე.

— სახელი?

— გიორგი.

— რა მოხელეა?

— მასწავლებელი.

— ხშირად დადიოდა აქ?

— დიად.

— თამარი თუ უყვარდა?

— მაგისი რა მოგახსენოთ.

სიჩუმე ჩამოვარდა. გამომძიებელი გამალებით სწერდა რაღაცას. შემდეგ
წერილი აიღო ხელში.

— ამ წერილის დამწერის ხელი ხომ არ გეცნაურებათ? — იკითხა მან..

— სრულებით არა.

— აბა დააკვირდით. — თქვა გამომძიებელმა, წერილი გვერდზე გასწია —
აი ეს ასოები შეცვლილია: სხვადასხვა გვარად არის დაწერილი... ხედავ, გადა-
სხვაგვარება უცდია, მაგრამ მაინც გაჰპარვია. აბა დააკვირდით, არ გეცნაურებათ?

ივანე გაჩუმებული იდგა. სახე ჰქონდა გაფითრებული.

— ჰა! ხომ არ გეცნაურა?

— არა.

— დასწყევლოს ღმერთმა!... შემთხვევით გაპარული ასოები ქალის ხელს
ჩამოგავს!

— რასა ბრძანებთ! — წამოიძახა შემკრთალმა ივანემ.

— დიად, დიად. ახლა მითხარით: სადგურზედ ნაცნობი ხომ არავინ შეგბ-
ვედრიათ?

— არა... ერთ ახალგაზრდაზე შემეპარა ექვი, მაგრამ ის ჩემ დღეში არ მი-
ნახავს — ივანემ დაწვრილებით აღწერა მისი გარეგნობა.

— იმავე ტრამვაით ხომ არ წამოსულა?

— არა მგონია.

— კარგი. შინ ვინ დაგიხვდათ?

- ცოტა ხნის შემდეგ ჩემი მეუღლე მოვიდა.
- სად ყოფილა?
- ნაცნობთან.
- უეჭველად?
- ასე თქვა.
- როგორ დამოკიდებულებაში იყო იგი თამართან?
- ისე...
- მაინც.
- არც კარგად, არც ცუდად...
- ახლა სად არის?
- შინ,
- აბა, დაუძახე!

ივანე ზარმაცად შევიდა მეორე ოთახში. მანია დაფიქრებული იჯდა ფანჯარასთან: ივანეს შესვლამ შეაკრთო. მოშორებით დადგა ივანე და მოხატურებით სთხოვა გამოძიებელთან გამოსულიყო.

— რა უნდა ჩემგან? — იკითხა მანიამ.

— არ ვიცი. შემოდი! — უთხრა ივანემ. ცოლს დააკვირდა, ესხვარია, თავის ტკივილი იგრძნო, გულის სიღრმეში რაღამაც უჩხვლიტა...

ყოყმანით შემოსულ მანიას გამოძიებელი თვალებში ჩააკვირდა; მანია შეეცადა თვალი გაესწორებინა მისთვის, მაგრამ ვერ შესძლო, თვალი აარიდა, ახლოს დაუჯდა და ნაძალადევად გაუღიმა.

— თქვენ უკანასკნელად როდის ნახეთ თამარი? — ჰკითხა გამოძიებელმა.

— იქნებოდა სამის ნახევარი.

— მერმე სად წახვედით?

— ნაცნობთან.

— მითხარით ამ ნაცნობის ვინაობა და მისამართი.

— რა საჭიროა! — გაოცა მანიამ.

— მჭირდება! — უთხრა გამოძიებელმა. და ეჭვიანად დააკვირდა.

— მისამართი არ ვიცი. ნინო ჰქვია, ფანცხავაა.

— რა მოხელეა?

— დიასახლისი.

— სხვა იყო ვინმე თქვენთან?

— არა.

— რომელ საათზე წამოხვედით იქედან?

— არ მახსოვს.

— კარგი. თამარი შინ დარჩა, რომ წახვედით?

— შინ... — შეყოყმანდა მანია.

— თქვენთან ხომ არ გამოსულა?

— რად მეკითხებით ეგრე? — იწყინა მანიამ.

— საჭიროა ვიცოდე. ხომ არ გამოსულა?

— არა.

— წავლას ხომ არსად აპირებდა?

— არაფერი უთქვამს.

— გიორგი ჭინჭარაძეს იცნობთ? — მოულოდნელად იკითხა გამომძიებელმა. მანია შეკრთა, მაგრამ თავს ძალა დაატანა: არ აეტანა თრთოლას.

— ისე... — თქვა მან ნაღვლიანად.

— მაინც?

— არც ძალიან კარგად... რა საჭიროა ასეთი კითხვები! დავილაღე... შვილი დავკარგე და თქვენ... — ივანეს ვადახედა მანიამ. იგი მძიმედ ჩაფიქრებული იდგა, არ შეუხედნია მანიასთვის.

— თქვენი ნათესავი ხომ არაფერია ჭინჭარაძე?

— არაფერი... — მანიას პირში გაუჭრა სიტყვა, უცბად შეხედა ივანეს, შერცხვა; ხოლო ივანე გამოფხიზლდა, ერთი ნაბიჯით დაიწია მანიასკენ, ცივმა ურუნტელმა დაურა ტანში, თვალები დაუბნელდა, უნდოდა გამოლაპარაკებოდა მანიას, მაგრამ გამომძიებელი შეეცოლა:

— მას თამარი ხომ არ ჰყვარებია?

მანია ჩაფიქრდა.

— არ ვიცი!.. — თქვა მძიმედ.

— იცოდით უცნობის წერილები რომ მოსდიოდა ივანეს?

— არა.

— ეს ხომ არ გეცნობათ? — უფრო დაკვირვებით ჰკითხა გამომძიებელმა და შემთხვევით დაწერილ ასოებზე მიუთითა.

— არა!.. არა!.. სულ არა!..

— კარგი. ხომ არავიზე გეპარებათ ექვი: ვის უნდა დაეღუპა თამარი?

— ეგ რომ ვიცოდე...

— მაშ კარგი, ხელი მოაწერეთ! — სთხოვა გამომძიებელმა და ოქმი დაუდო წინ. მანიას ხელი აუკანკალდა, აჩქარებულად დაწერა სახელი.

— უფრო გარკვეულად! — უთხრა გამომძიებელმა. თანაც ასოებს ადევნებდა თვალს.

მანიამ მრუდი ასოებით დაწერა თავისი გვარი, თითქოს ბორკილი აქვსო ზელზე, თანაც მძიმედ ამოიხრა. ექვის თვალით დააკვირდა გამომძიებელი...

— თავისუფალი ხართ! — უთხრა ბოლოს. მანია წამოდგა და ნელის ნაბიჯით გაშორდა მათ.

გამომძიებელმა მანიას ხელნაწერი და წერილი შეადარა ერთმანეთს და ივანეს მიმართა:

— ასე უნდა მოვიქცეთ: მოვნახოთ ჭინჭარაძე, ის ახალგაზრდაც, თქვენ რომ სადგურზე გინახიათ და შეიძლება კვალს მივაგნოთ... ნუ გეწყინებათ, მაგრამ... შეუღლებზე ხომ არ გეპარებათ ექვი?

— არა. რა სათქმელია!..

— მაინც, — არ ეშვებოდა გამომძიებელი.

— რა მოსაფიქრებელია! — კვირობდა ივანე, მაგრამ მანიას ნათქვამმა კი ჩააფიქრა იგი: გაახსენდა, ზირველად რომ მანიამ ჭინჭარაძე გააცნო, როგორც ნათესავი, გაახსენდა აგრეთვე თამარისა და ჭინჭარაძის ერთად ყოფნა და მანიას მათდამი ჭკრეტა... ხმა აღარ ამოუღია...

— კარგი. დამშვიდდით. ეს საქმე მალე გამოირკვევა. — თქვა გამომძიებელმა და წავიდა; ივანემ კარებამდის მიაცილა იგი, შემობრუნდა და საგარეო ტა-

ნისამოსში გამოწყობილი მანიას შეხვდა წინ, ყურადღება არ მიუქცევია ივანესთვის, გაიხურა კარები და აჩქარებული ნაბიჯით ჩაიარა კიბე...

ივანე მარტო დარჩა. ერთხანს დაფიქრებული იჯდა. ყველაფრის ხალისი ჰქონდა დაკარგული. შემდეგ გადასწყვიტა გასულიყო ქუჩაში...

გარეთ მზიანი დარი იდგა. მოქალაქენი თუმცა ხალისით ხვდებოდნენ გაზაფხულის სიტბოს, მაგრამ ქუჩაში აქაიქ გართბმულ ხის ჩრდილებს ეტანებოდნენ, შენობების გასწვრივ მისდევდნენ ქუჩას. ერთიმეორეში ირეოდა: ავტობუსის, ტრამვაის ვაგონების, ეტლების და ადამიანთა ხმაური, ყველა ეს ერთდებოდა და მძიმე დუგდუგად ხვდებოდა ყურში საკუთარ ფიქრებში გართულ ივანეს, არეული ნაბიჯით რომ მისდევდა ბრბოს რუსთაველის გამზირზე.

ზეწელამდის ივანე ივანემ. აფთიაქის წინ შედგა: ნაცნობი ხმა მისწვდა ყურს, მძიმე მიიხედა, მაგრამ ვერავინ დაინახა. კიდევ გაიარა რამდენიმე ნაბიჯი, ნაცნობი ხმა უფრო ახლოს გაისმა: კედლის პირზე მომავალ მანიას მოჰკრა თვალი. იგი საუბარში იყო გართული — ვიღაცა ახალგაზრდას ელაპარაკებოდა. ივანე შეეცადა შეუშინებლად მიახლოებოდა, მოესმინა მათი საუბარი, შემდეგ ვადიფიქრა, უკან ჩამორჩა და ქუჩის მეორე მხარეს გადავიდა: წინ შეხვედრა სურდა. მაგრამ მანიამ და მასთან მოსაუბრემ, იქვე, პატარა ბაღში შესვლა მოასწრეს. ბაღის მოაჯირიდან შეუტყვიტა ივანემ, გაოცდა: მანიასთან ის უცნობი ახალგაზრდა ელაპარაკებოდა, სადგურზე რომ დაინახა მაშინ. ივანემ აღარ იცოდა როგორ მოქცეულიყო. ერთხანს გადასწყვიტა: შესულიყო ბაღში და იქვე მოესპო სიცოცხლე ორთავესთვის, მაგრამ ამით საქმეს წაეახდენო, უთხრა თავს. ამბის მოსმენა ამჯობინა, მაგრამ როგორ? ბაღში მხოლოდ მოხუცები და აქა-იქ მოთამაშე ბაღლები იყვნენ. ძნელი იყო მალვით შესვლა. მიიხედ-მოიხედა, არგვლივ ნაცნობი არავინ იყო. ბაღის კარების მახლობლად ერთი ყმაწვილი შენიშნა, რომელსაც ჩაცმულობაზე მოწაფეობა ეტყობოდა; იმჟამად უსაქმოდ ჩანდა — მზის-უმზირას ჩიჩქნიდა და მოქალაქეთ ათვალთვლებდა. ივანე პირდაპირ მივიდა მასთან, გამარჯვებო, უთხრა.

— ყმაწვილო! — მიმართა მან — თუ მამაშვილობა გწამთ, ერთი თხოვნა შემისრულეთ.

ყმაწვილს გაოცების იერმა გადაჰკრა ჰკვიანურ სახეზე, გულიანად დააკვირდა ივანეს. იგი თავისას განაგრძობდა:

— უნდა მომეხმაროთ და სამაგიეროს გადაგიხდით!..

— რითი უნდა მოგეხმაროთ? — იკითხა თავაზიანმა ყმაწვილმა.

— მოდით აქეთ!.. — თავისკენ მიიწვია ივანემ. — აგერ, ბაღში ქალვაქნი სხედან, იმათთან მიდით და ყური დაუგდეთ — რაზე ლაპარაკობენ!..

— რასა ბრძანებთ!

— გეხვეწებით! — ისეთი კილოთი უთხრა ივანემ, რომ ყმაწვილს ხმა აღარ ამოუღია, ზარმაცად წავიდა ბაღისკენ, მანიასა და უცნობის მახლობლად დაჯდა, კვლავ მზისუმზირას ჩიჩქნიდა და ყურს უგდებდა.

— მაშ ასე... ასე, ჰირიმე, ნუ, ნუ, იხამ მაგას... — ამბობდა მანია.

— ვა, ჩემი ნება ზომ არ არის გიქია!..

— ნუ კოწო... ეგრე ნუ მექცევი! — შეემუდარა მანია, ამოიოხრა და ორივენი გაჩუქდნენ. ახალგაზრდამ დაამთქნარა, გაიზმორა და წასასვლელად მოემზადა.

- მიედივართ თუ არა? — ბრაზიანად იკითხა მან.
- მიედივართ, მაგრამ...
- გამიჭირე საქმე „მაგრამებით“.
- ამის შემდეგ.. მეტი არაფერი.
- მეტი არაფერი, ჰო.
- გელოდები სრულ პირველ საათზე, მანქანა ჩვენ მახლობლად გააჩერე.
- ვნახოთ!
- ნუ კოწო... გადაწყვეტით თქვი!..
- ჰო მეთქი, რა, რა გააჭირე!..

ორივე წამოდგა. მანამ ხელი გაუყარა, თავისკენ მიიზიდა კოწო, გაუღიმა და ნელიად შეეკითხა:

— მაშ მოხვალ?

— მოვალ, მა რა! — თქვა კოწომ და ამის შემდეგ მათი ლაპარაკი მოყუროდადეს აღარ მოუსმენია, ივანესთან მიირბინა, ყველაფერი დაწვრილებით უამბო და გაკვირვებით უჭკრეტდა გაფერძკრთალებულ ივანეს. სწრაფად გატროაღდა ივანე და ჩქარი ნაბიჯით გაჰყვა კვალდაკვალ მანასა და კოწოს.

სახელგამის მალაზიასთან დაემშვიდობა კოწო მანას. შეუხვია ქვეტყავის ქუჩაზე. ჩქარი ნაბიჯით აიარა აღმართი და ქუჩის სათავეს ოთხსართულიან შენობაში შევიდა. ოთახის კარის სახელურთან პატარა წერილი დახვდა: „ექვს საათზე მოვალ. დამელოდე“ ეწერა შიგ.

— ვინ უნდა იყოს? — ჩაიფიქრა კოწომ. კვლავ ყურადღებით დააკვირდა წერილს. დახია და გადაყარა. ნერვიულად შეაღო კარები, შმორის სუნი გამოიჭრა ოთახიდან — სახლი დაულაგებელი იყო. უწესრიგოდ ეყარა: ძველი ფეხსაცმელები, ტანისამოსი, შუშის ნამსხვრევი, გაზეთების ნაგლეჯები. მაგიდაზე იდგა ნაღვინევი ჭიქები, სამიოდე ცალიერი ბოთლი. ერთ მათგანს ყელი ჰქონდა მოტეხილი, კედელზე ღვინის შენასხამი ეტყობოდა. ბოთლების მახლობლად ეწყო ღვინითშეღებული პურის ნატეხები, მწვანილი და ქაღის ორიოდე ნაჭერი. შუა იატაკზე წაქცეულიყო ფეხმოტეხილი სკამი, კოწომ წიხლი წაჰკრა მას და შესვლისთანავე ლოგინზე წამოწვა. ის იყო ჩასთვლიმა თუ არა, ამ დროს კარები ვიღაცამ დააკაუნა. კოწომ წყენით გადახედა კარებისკენ, დაეზარა ადგომა. კვლავ გაისმა კაკუნი...

— შემოდი! — დაუძახა კოწომ.

კარები გაიღო და ლამაზი, ტანადი ახალგაზრდა შემოვიდა. გაოცებულმა კოწომ თავიდან ფეხებამდის შეათვალიერა იგი და თვალი დარჩა მის მკრთალ სახეზე.

— ვინ გნებავთ? — იკითხა. კვლავ ლოგინზე იყო წაწოლილი.

— კოწო მიქელაძე.

— კოწო?! — ცივად უთხრა კოწომ და ფეხზე წამოდგა.

— დიალ.. თქვენ ბრძანდებით ხომ?

— მე ვარ, მაგრამ თქვენ...

— ნუ თუ ვერ მიცანით! კინჰარაძე გახლავართ..

— ჰო, ო!.. დაბრძანდით, რაშია საქმე? — ხმა აერია კოწოს.

— ძლივს მოგაგენით..

— რა გავიჭირდაო?!

— მინდოდა რაღაც მეკითხნა თქვენთვის...

— გეკითხათ?

— დიად. რამდენიმე კვირის წინათ მივიღე წერილი, ბოლოზე მიწერილი აქვს ინიციალი: „კ მ.“ — თქვა გიორგიმ და წერილი ამოიღო ჯიბიდან. — აი, ის წერილიც... ბევრი ძებნის შემდეგ დავრწმუნდი, რომ წერილი თქვენ გავუთვნივით.

— მე... ე?

— დიად... ჩვენ ორივეს გვიყვარდა თამარ გიგაური...

— გვიყვარდაო!!

— მე თქვენ შორიდან გიცნობდით, ესეც არაფერი, თქვენ ამ წერილში იმუქრებით და ეს მუქარა მგონი სისრულეში მოიყვანეთ...

კოწოს წუთით გონება დაეზნა, შემდეგ ფეხზე წამოხტა და ჯიბეში იკრა ხელი.

— ახლავე გადით აქედან და ეგ სიტყვები შემდეგ აღარ გაიმეოროდ, ხოლო ეგ წერილი... — კოწო გიორგის ხელში ნაჭერ წერილს წვდა.

გიორგიმ სწრაფად დაიწია უკან.

— დამშვიდდით!.. — დინჯი ტონით უთხრა მან. — თქვენი არავის ფშინიან, მე მოვედი იმიტომ, რომ პასუხი გაგებინოთ.

— მე კოწოს მეძახიან!.. — ეს და თქვა კოწომ და ერთ ადგილზე გაშტერდა.

— ტრაბახს თავი დაანებეთ, უკეთესია მითხრათ, სად არის თამარი...

— შენ სიცხე ხომ არა გაქვს თავში?!...

— მაშ თქვენ არაფერი იცით თამარის შესახებ?

— სიგიჟე ხომ არ გივლის! — არეულის ხმით უთხრა კოწომ და სახის კუნთები შეუთამაშდა.

— მაშ ამ წერილსაც უარყოფთ?

— გაეთრიე აქედან!

— მაშ ასე.. თქვენ არ გინდათ სიმართლის თქმა, უკეთ: არ გაქვთ ამის შნო... — ფეხზე წამოდგა გიორგი.

— დიად, დიად!... — იყო დამცინავი პასუხი.

— მაშ თუ „დიად, დიად,“ ეგაც შენ!... — გიორგიმ სწრაფად გაზომა მანძილი, მოულოდნელად ამოჰკრა კოწოს ნიკაპს ქვეშ და რეტდასხმული კოწო კედელს მიაწყდა. მისმა ხელმა თავისთავად ამოიყოლა მოელვარე ბებუთი. სიმწარით დაიკვილა, სწრაფი ნახტომი გააკეთა — ბებუთის მარცხენა მხარზე დაეცემა მოუხდომა გიორგის, მაგრამ გვერდზე გახტა და მკაცრად უთხრა:

— ხელი არ დასძრა!.. — ბრალუნიგი მიუშვირა.

სწორედ ამდროს კარები გაიღო და ორი მილიციონერი შემოიჭრა ოთახში, შემკრთალი კედელს მიაწყდა; ამით ისარგებლა კოწომ, სწრაფად გადახტა მარჯვენისკენ, ფანჯარიდან გადაფრენა სცადა, მაგრამ გიორგიმ აღარ დააყოვნა: ტყვია დაახალა ფეხებში.

— საზიზღარო!.. მე ვაჟკაცი მეგონე!... — წამოიძახა გამწარებულმა კოწომ და ერთ ფეხზე შემოტრიალდა.

მილიციონერები, რომლებიც ჯერ კიდევ ახრზე ვერ მოსულიყვნენ, გაშტერებით აკვირდებოდნენ ხან ერთს; ხან მეორეს. რევოლვერის ხმაზე მეზობლე

ბიც მოცვიდნენ, ხოლო მოგვიანებით ივანე შემოვიდა; ბრაზიანად დააკვირდა კოწოს და გიორგის მიმართა გაოცებულმა:

— ნუ თუ თქვენც!

— დიად! — უპასუხა შეკითხვას ვერმიძხვდარმა გიორგიმ.

— ისინი არიან! — უთხრა ივანემ მილიციონერს, რომლებიც ნაგანებოთ ხელში ედგნენ გარშემო კოწოს

— დაყარეთ იარაღი! — წამოიყვია ერთმა მათგანმა.

გიორგიმ გაკვირვებით შეხედა ივანეს და მორცხვად დახარა თავი.

— ნუ თუ თქვენც! — კვლავ ჰკითხა ივანემ. — მე კი...

— მე არაფერ შუაში ვარ! — უპასუხა გიორგიმ და კოწოზე ანიშნა.

კოწოს ღონე ელეოდა, წაქცევაზე იყო მისული: გიორგის ნასროლი ტყვია მოხვედროდა მუხლის თავზე და სისხლი სდიოდა. ერთი მილიციონერი მიუახლოვდა მას, ძირსდაგდებული ბებუთი აიღო ხელში და მკაცრად მიმართა კოწოს:

— მიდით წინ!

— მგონი დაჭრილი ვარ... — მისუსტებული ხმით სთქვა კოწომ...

ამბის მომყოლი შედგა. ჩვენ ერთმანეთს გადავხედეთ. ყველას ნაღველი რამ დასწოლოდა სახეზე. დიასახლისის ოფლის ნამი დასდებოდა, მაგრამ კმაყოფილებით გამოიყურებოდა.

— შემდეგ რა მოხდა, რა დაემართა თამარს? — იკითხა ერთმა სტუმართაგანმა.

— ახლავე. — უპასუხა დიასახლისმა და განაგრძნო:

კედლის საათმა პირველის ნახევარი დარეკა. საწერ მაგიდასთან მჯდომი მანია შეკრთა, წერილის წერას თავი მიანება, წამოდგა ფეხზე და დიდხანს იდგა ერთ ადგილზე და რალაცას ფიქრობდა, ბოლოს თავი გაიქნია, ოთახი შეათვალიერა და კვლავ წერას დაუბრუნდა; სწერდა სწრაფად, შეუჩერებლად, თან შეკრულ შუბლს იწმენდდა მალიმალ. სწერდა მანამ, სანამ კიბეზე ხმაური არ გაისმა, წუთით დააყურა: კიბეზე ვიღაცა ამოდიოდა — მძიმედ ეცემოდა ნაბიჯი საფეხურებს. ნაჩქარევად ჩადგა დაუმთავრებელი წერილი კონვერტში, არეული ხელით დააწერა: „ივანეს“ და ამდროს, თითქმის ერთად გაისმა: კარების ხმაური და ჭეჩიდან სირენას ხმა. მანიამ წერილი მაგიდაზე დატოვა, მსუბუქი ნაბიჯით გაიარა მეორე ოთახში, გამზადებულ ჩემოდანს გაჰკრა ხელი და უკანა კარებიდან გავიდა ეზოში.

ოთახებში წუთით სიჩუმე ჩამოვარდა, ხოლო შემდეგ საკეტის ხმა გაისმა და ივანე შემოვიდა, შედგა, მანიას დაუძახა, პასუხი არ მიუღია. შეკრთა: სიმარტოვე იგრძნო. ოთახები სწრაფად მიიარმოიარა, მაგრამ არაფერ დაუხვდა. ბოლოს საწერ მაგიდაზე წერილს მოჰკრა თვალი, საჩქაროდ გახსნა და შემდეგი ამოიკითხა:

„ივანე!... შენ როდესაც ამ წერილს წაიკითხავ, მე აქ აღარ ვიქნები, აღარ ვიქნები ჩემ საყვარელ ტფილისში, რომელმაც ბევრ სიმწარესთან ერთად ბევრი ტკბილიც მაგემა, სადაც სამწუხაროთ გავატარე ახალგაზრდობის დღეები და აი, ბოლოს გავრბივარ... გავურბივარ ოჯახს, შენ და ყველას, ყველას, მაგრამ სად? არ ვიცი. კიდევ რომ ვიცოდე, არ გეტყვი, ან რად გინდა იცოდე, მე შენთვის აღარ ვარსებობ, შენ ჩემთვის (განა ვარსებობდით როდისმე ერთი მეო-

რისთვის?) გავრბივარ და თავადაც არ ვიცი, რატომ? სად? რომელ გზაზე?... ჩემი საველი გზა ბნელია ისე, ვით შენტვის ჩემი წარსული. დიად, ივანე, ჩემი წარსული შენტვის ბნელია... ბნელია დღემდის... მე სხვა ვიყავი, შენ სხვა. მე სხვა დროისა და სხვა საზოგადოების შვილი ვიყავი, შენ—სხვისა. შენ დაკოჭრებული ზელები გქონდა, რომელთაც ჯერ კიდევ ნავთის და ბენზინის სუნი არ გაშორებია, მეკი... სათუთი ვიყავი, თეთრი ზელებითა და ანჩქლეული სისხლით... შენ მომავალს ეკუთვნოდი, მე წარსულს, ამიტომაც ერთი მეორისა ვერაფერი გავიგეთ, ერთი მეორის გულის ზრახვებს ვერ მივხვდით... იკითხავ: მაშ რისთვის დამიმეგობრდიო... დაგიმეგობრდით არა სიყვარულისთვის; არამედ ჩემთვის, იმიტომ, რომ შენი კოყრიანი ხელების ქვეშ შემეფარა თავი — ჩემსაფარველად გამეხადე, ვიცოდი, რომ შენ სულითა და გულით ახალ ხანას ეკუთვნოდი, გახსოვს, როგორ ტკბილად იხსენებდი ახალ დროყამს? როგორ გატაცებით მიყვებოდი სამოქალაქო ომის ამბებს... შენ ხარობდი, მე კი... საწყევარს გითვლიდით გულში, პირად გიცინოდი, მაგრამ გულში ვტიროდი... სამოქალაქო ომმა მომისპო ჩემი საყვარელი ძმა და ერთიც სხვა... სხვა, რომელიც სულზე ტკბილად მიჩნდა, რომლისთვისაც ვთვლიდი ჩემს თავს. დიად, გული მტკიოდა, მაგრამ მეტი გზა არ იყო: ერთადერთი შენ იყავი ჩემი მფარველი, სანამ ჩემ წასვლას არ ვაიგებდი, ჩემი ამბები თავს არ მოგაძულებდნენ და აი, აქამდის არ მივიდოდა საქმე...

ვიცი, გეჩქარება თამარის ამბის გაგება, მაგრამ, სანამ მის შესახებ რამეს გეტყვოდე, მინდა იცოდე ზოგი რამ ჩემი წარსულიდან... არ გეტყვოდი არაფერს, ვით აქამდე არაფერი გითხარი, გავჩუმდებოდი, რომ შენტან შეხვედრის წადილი მქონდეს; ახლა არაფრისა მეშინიან და მინდა ყველაფერი გითხრა, იმიტომ, რომ შენ კარგი ხარ, ივანე, კარგი-მეთქი და ვიცი, რომ დაიტანჯები ჩემი წასვლით თუ ჩემი ამბავი არ გეცოდინება, რომ გაიგებ შეგძულდები, გული ოდნავ მაინც დაგიოხდება...

ვიწყებ: ჩემი მშობლები თავიდანვე როსტოვში ცხოვრობდნენ, მამა ვაჭრობდა, მხოლოდ და-ძმები ვსაწვლობდით... მოგვისწრო რევოლუციამ და ყველაფერი ჩამოგვართვეს, გავგანადგურეს, უმცროსი ძმა მოკლეს, დედა გულის ტკივილს გადაჰყვა, მე, მამა და ჩემი უფროსი ძმა საქართველოში გამოვიქცეთ. ჩამოსვლისთანავე მამა პოლიტიკურ მუშაობაში ჩაება — იბრძოდა თქვენს წინააღმდეგ, ზოლო ძმა, ჩემი საყვარელი ძმა, ერთხანს ტფილისში იმალებოდა, შემდეგ ჩოლოყაშვილის ბანდას შეუერთდა, იმასთან ერთად გაიქცა ევროპაში, და დღესაც არ ვიცი ცოცხალია თუ მკვდარი. მამა კი... დააპატიმრეს და საავადმყოფოში გარდაიცვალა... მხოლოდ ერთადერთი მე დაერჩი ჩვენ ოჯახში, უცხო, უცხო ხალხში, უცხო ხანაში... არავინ გამაჩნდა გარდა ორიოდ ნაცნობისა, რომელიც მამასთან ერთად ვაჭრობდნენ: ღვინით, არაყით და ხილეულით. რა მექნა... მივენდე ჩემ სილამაზეს და პირველად შეხვედრილ მამაკაცს გავყევი — იგი რუსი იყო, საქართველოში თავშემოფარებული. ყოველ წუთში დააპატიმრებას ველოდით და ერთ საღამოს იგი საღდაც გაჰქრა, დაიკარგა, რა მიზეზით, რისთვის? არ ვიცი, არა... კვლავ მარტო დაერჩი ბედისა და სილამაზის ანაბარა, ყველაფერში და ყველგან სილამაზე მშველოდა, არავინ მერიდებოდა, თუ რასმე მოვინდომებდი, უარს არავინ მეუბნებოდა... გამეყარა პირველი მეუღლე, ფკეთ დამეკარგა, დამრჩა პატარა შვილი. გამიჭირდა ცხოვრება... სამსახურში შესვლა მეზარებოდა, გინდაც მომესურვა არ მღებულობდ-

ნენ: სხვა ვიყავი თქვენთვის. კვლავ სილამაზეს და ქალობას მივცნებ. რადგანაც ქალი ვიყავი და სულერთი იყო, არავინ მეკითხებოდა ვინაობას... გამიჩნდა ნაცნობები... ღმერთო!.. რამდენი ახალგაზრდა გამიცურებია!.. რამდენი დამიტოვებია გულნატკენი!.. რამდენი ქალი ამიტირებია!.. ბოლოს მომბეზრდა ყველაფერი, კვლავ ვავეყვი ქმარს, დიად მეორე ქმარს... ნუ გიკვირს, ჩემო ივანე; დრომ მათამაშა ხიდან დავარდნილ შემოდგომის ფურცელივით. კარგა ხანს ვცხოვრობდი მეორე ქმართან; ჩვენი მეგობრობა ერთხანს ტკბილად გაგრძელდა, შემდეგ ჩემ ხასიათს ვერ გაუძლო და დამტოვა... გაუმძღარი და ავხორცი ვიყავი... ბევრი რამ მენატრებოდა. მეორე ქმარს რომ ვავეყარე, ერთხანს სოფელში ვცხოვრობდი, შემდეგ ისევ ქალაქს დავეუბრუნდი და იმავე ზაფხულს შეგხვდი შენ... როგორც ყველა, შენ ჩემმა გარეგნობამ მოგატყუა და სხვადასხვა მიზეზებით მეც ავეყვი... ბევრი რამ დაგიმალე, არც თუ შენ მატანდი ძალას, მეამბნა შენთვის ჩემი თავგადასავალი, თუმცა გამჩნევდი, რომ თანდათან ეჭვში შეხვედი, თანდათან გამოიცვალე, არც გასამტყუნარი იყავი, არა...

შენთან ყოფნის დროს ერთხანს მშვიდად ვცხოვრობდი, თავისუფლად ვატარებდი დროს ნაცნობთა წრეში და ბევრი მათგანაც შენ გავაცანი, როგორც ჩემი ნათესავი, თუნდაც გიორგი ჭინჭარაძე, რომელიც მე მეორე ქმართან ყოფნის დროს გავიცანი, ყველა ვაქებს ვამჯობინე... საყვარლად გავიხსადე, ისიც ნდობით მექცეოდა ერთხანს, მაგრამ... მამაკაცებს ცული ზნე გქირთ: დაეუფლებით თუ არა ქალს, ჭორეულებას მოჰყვებით, ამცირებთ, უარს ეუბნებიან, ქალები კი, პირიქით... გიორგიც ხომ ვაყი იყო: ახლო დამეგობრების შემდეგ დღედადღე გულცივად მხვდებოდა და მე კი... უფრო ძლიერად მიყვარდა და სიყვარული შურში გადადიოდა: ვერ ვიტანდი უარს. ამას დაემატა ისიც, რომ ჩვენ ოჯახში მოსვლისთანავე გიორგიმ ამიძულა და... შენ საყვარელ შვილს თამარს დაუმეგობრდა. მე კი ორივემ დამივიწყა, გადამაგდეს, გამსრისეს. შური ჩამითესეს გიორგის სიყვარულით გახელებულ გულში და ერთი მათგანი გავიმეტე... მხოლოდ ერთი... დიად... შენ მიხვდი... ჩვენმა ნაცნობობამ თამარი დალუბა!.. თამარი დალუბა და ამაში მე მიმიძღვის ბრალი... მე, მე... დიად... მე, ივანე!.. ეს არის ჩემი წასვლის მიზეზი, მაგრამ სად წასვლის? წავალ კი სადმე?... გზა არ მიჩანს: ნისლით. სისხლით ცოდვებრალითაა დაფარული იგი... მწარე ვარ და სიმწარით შემართება ყველაფერი — ამბობენ: გველი მაშინ არის საშიში, როდესაც გამწარდება... მე მწარე და მთვრალი ვარ, მაგრამ ნუ გაგიკვირდება. მე სისხლიან ხელებს გხვევდი კისერზე იმ საღამოს, გახსოვს, იმ საღამოს; თამარი რომ დაიკარგა. სისხლის სუნი მათრობდა, მაგრამ შენ კი... მესველი, შეფერებოდი და რა იცოდი, რომ მე ვიყავი ყველაფრის ჩამდენი... შენი პატივისცემა ვერ შევიწმენე. შენ ბევრი ტკბილი წუთები მაგრძობინე, ბავშვივით მივლიდი, მაგრამ... სამაგიერო ვერ გადაგიხადე სიკეთით... იქნება იმიტომ, რომ მე ხანწასული ვარ, რომ ჯიში მოიღალა და სწორ გზას ასცდა... ან იქნებ იმიტომ. რომ ცოდვა მიბნელებს თვალებს, ცოდვა მომდევს უკან, ცოდვა ცეკვავს ჩემს გარშემო, დედის მუცლიდან დაყოლილი ცოდვა, აი, ხელები მიკანკალებს, გაფრენილი ზუზის ფრთით ჩქამი მაკრთობს, გული მძლავრად მიცემს და მეჩქარება!.. სად? სად მეჩქარება, სად?!.. ივანე!.. ახრი მებნევა, წვრილი არეულია და გრძელი გამოძივიდა, მაგრამ უნდა მაპატივო, უნდა მაპატივო, რადგან ეს არის უკანასკნელი საუბარი ჩვენს შორის. აი, წვრილი თავდება, შენ გული მძლავრად

გიცემს, თვალები დაფრინავენ სტრიქონებზე, სიტყვიდან სიტყვებზე: თამარის ამბავი გაინტერესებს...

დავიწყით თავიდან: პირველი წერილი, „უცნობის“ მოწერილი, რომელიც თამარის ხელით მიიღე, ჩემი შეთხზული იყო და ჩემი მეგობრის ხელით დაწერილი... შენ კი მიმალავდი! მე მიხაროდა, როდესაც შენ სახეზე ზიზღს ვკითხულობდი: მეგონა თამარი შეგძულდებოდა, ოჯახიდან მოიშორებდი, მისთვის თვალთმჭვრეტელი აღარ ვიყავი, მის სივლახეს ვნატობდი... შენზე კი ნაკლებად იმოქმედა ამ ამბავმა. ამან უფრო გამაღიზიანა, გადავწყვიტე მომეწერა მეორე წერილი. მხოლოდ შენ რომ წერილს მიიღებდი, იმავე დღეს თამარი გაშორებოდა ტფილისს... საჭირო იყო დამხმარე, ასეთის ძებნა არ დამჭირდა: მე მყავდა ერთი ნაცნობი ყმაწვილი, რომელსაც თამარი მოსწონდა, თამარის სიყვარულით ილეოდა, თამარი კი... ნაკლებ ყურადღებას აქცევდა, რადგან მას გიორგი ჭინკარაძე უყვარდა; ვაჟი რომ ნებით ვერაფერს გახდა გამწარებული ბოროტების გზას დაადგა: გიორგის და თამარის განშორება მოიწადინა... ჩვენ ერთმეორეს გამოუფუტყვით და გადავწყვიტეთ გვემოქმედნა ერთად... იმ საღამოს შენ უცნობის წერილი მიიღე და სადგურზე წახვედი, მე თამართან ერთად გავლა მოვინდომე. გზაში ახალგაზრდების ჯგუფი შემოგვხვდა დაპირების თანახმად, კარგა ხანს ვლაპარაკობდით, ბოლოს ერთმა მათგანმა ეტლს დაუძახა... თამარი გაოცებული იყო, საცოდავი თვალებით მიყურებდა... ძალით ჩავსვით ეტლში და ორთაქალისაკენ გავაქროლეთ. თამარს უნდოდა ეტლიდან გადმომხტარიყო, მაგრამ... ახალგაზრდები ესხდნენ გარშემო და ღვინით ვალეშილნი სიმღერას ეუბნებოდნენ... თამარი მომიხმობდა, დედას მიწოდებდა, მაგრამ... გვიან იყო... უკანასკნელი წუთები ვერ ავიტანე, როდესაც იგი ტანისამოს შემოხეული, თმა გაშლილი, ნამუსახილი მტკვრის ნაპირზე მიიყვანეს... შენი სახელი ახსენა... მე საწყევარი მითხრა... „ნუ თუ!“ დავიძახე მე, სასიკვდილოდ გამეტება ძნელი დამჩნა, მაგრამ... თამარი მტკვრის ტალღებს მისცეს და მე...“

მანიას წერილი აქ სწყდებოდა. ივანემ სწრაფად გადაიკითხა იგი, ნაკუწნაკუწ აქცია. გიჟივით გავარდა გარეთ — მანიას გამოეკიდა...

თავათ მანიამ სწრაფად ჩაირბინა კიბე, ქუჩაში გასულმა თვალი მოჰკრა სახლის მახლობლად მდგომ მანქანას, ნიშანი მისცეს, გაეხარდა: კოწო მოსულაო. სწრაფად მიიჭრა მანქანასთან, კარები ღია იყო, ჩემოდანი შეაგდო. შიგ, მაგრამ გაოცებული დარჩა: მანქანაში რაიმე მილიციის უფროსი იჯდა და თავაზიანად უთხრა:

— ამობძანდით! ვისი გეშინიათ!

მანიას მუხლები მოეკვეთა, წაქცევა დააპირა, მაგრამ იქვე მდგომი მილიციონერი მოეხმარა და მანქანით გააქროლეს...

— ეს იყო და ეს. — თქვა ღიასახლისმა...

— დანარჩენები? — წამოვიძახეთ ყველამ ერთხმად.

— სხვების შესახებ არაფერი ვიცი... ეს კია: ივანეს ხშირად ვხვდები.

სიჩუმე ჩამოვარდა. ყველანი თავთავის ფიქრს დაეუბრუნდით; მხოლოდ წუთის შემდეგ დანაჩანგალი აწკრიალდა. სადღეგრძელოები ვთქვით, წითელი კახური დავლიეთ და ერთმეორეს ქება ვუთხარით.

დოსტოევსკი

1.

დოსტოევსკის ადრე მოეწამლა ცხოვრება; საყვარელი დედა ბავშვობაშივე გარდაეცვალა ჭლექით; სტუდენტობის წლები სიღარიბეში გაატარა; მამა უხიავი ჩასიათისა ჰყოლია და მოიპოვება ცნობები, რომლის მიხედვით ჰფიქრობდნენ, თითქოს მათ შორის მტრული დამოკიდებულებაც არსებულა. ფროიდისტებს ამ ყრუ ცნობამ კარგი მასალა მისცა კარამაზოვების კონფლიქტი (შვილებსა და მამას შორის) დოსტოევსკისავე ბიოგრაფიით აეხსნათ.

მთელი დანარჩენი პერიოდი მისი ნერვიული და ავადმყოფური ცხოვრებისა სავსეა შინაგანი მოუსვენრობითა და ფიზიკური წამებით (დოსტოევსკი ეპილეპსიით იყო დაავადებული). მან საზოგადოებრივ ასპარეზზე გამოსვლისთანავე განაცადა უდიდესი უბედურება: პეტრაშეველთა საქმეში მონაწილეობის მიღებისთვის სახრჩობელაზე აიყვანეს და მხოლოდ სიკვდილის მოლოდინში გამოუცხადეს სასტიკი სასჯელის კატორღად შეცვლის ბრძანება. დოსტოევსკიმ უშუალოდ ჩახედა სიკვდილს და ამ ფსიქოლოგიური იარისაგან იგი მხოლოდ ნამდვილმა სიკვდილმა განკურნა.

დოსტოევსკიმ მარტოობის სიმწვევეც იგემა ცხოვრებასა და კატორღაში. ტოლსტოისგან განსხვავებით, რომლის მარტოობა არისტოკრატიულ სიცივესა და ყოვლის უარისმყოფელ ნიჰილიზმში მხილდებოდა, დოსტოევსკის მარტოობა სავსეა ტანჯვით, პროტესტითა და შერიგებით; ბოლოს მან თვითონ შეიყვარა თავისი წამება და არ შეეძლო ცხოვრების მიღება ტანჯვის გარეშე.

ყველაფერი ეს არის მიზეზისა იმისა, რომ დოსტოევსკის მშენა მიქცეულია ადამიანის შინაგანი ქვეყნისადმი, რომ მისი მთავარი პერსონაჟები დაავადებულნი არიან გადაჭარბებული თვითნალიზით. დოსტოევსკი იყო მხატვარი ადამიანის გულისა და გონების, იგი უფრო აზროვნებდა და ისმენდა, ვიდრე უცქეროდა და აკვირდებოდა. შექაბირისებური ძალოვნების ფსიქოლოგის შემოქმედება შეუდარებელი დემონსტრაციაა ცინიზმამდე მისული, უფაქიზესი ანალიზისა ადამიანის ფიქრებისა და ემოციის სფეროში. მოვლენის დახსნა მის შემადგენელ ელემენტებად, ყოველთვის ორი პოლუსის — მადონასა და სატანის იდეალების ძიება ადამიანში, — ასეთი იყო გზა დოსტოევსკის მაძიებელი გონებისა. ამგვარი ანალიზით უღვებოდა იგი სახელმწიფოს, ღმერთის პრობლე-

მას, მომავალს. და ეს „მრისხანე ტლანტი“ ამაოდ ეძებდა ჰარმონიას მის მიერ-
ვე ამეტყველებულ ქაოსში, რომლის ხმაურის გაგონებისაც ასე ეშინოდა ფე-
ლორ ტიუტჩევს.

2.

იშვიათად მოიპოვება მხატვარი, რომელიც ისე ღრმად ახასიათებდეს ადა-
მიანის დაშვებას, დაქვეითებას უკანასკნელ საგნებამდე და იმავე ადამიანის
სულიერი აგზნებისა და ექსტაზის მომენტებს, როგორც დოსტოევსკი. თვითონ
მასში სცოცხლობდა ეს კარამაზოვისეული დუალიზმი. „თუ უფესკრულში და-
ვექანები, მაშინ პირდაპირ თავდაყირა დავეშვები ქვევით, და კმაყოფილი ვი-
ქნები კიდევაც, რომ სწორედ ასეთს დამამცირებელ მდგომარეობაში ვვარდები
და ჩავთვლი მას სილამაზედ. და აი სწორედ ამ სიზრცხვილის ჟამს უეცრად წა-
მოვიწყებ პიმსო,“ — ეუბნება დიმიტრი კარამაზოვი თავის ძმას, ალიოშას. ცო-
დვა, დანაშაული, როგორც მხილება ადამიანის ბუნების ერთი მხრისა, როგორც
გადახვევა ყოველდღიურობის ნორმიდან და შემდეგ ანალიზი ამ დანაშაულისა,
მთელი ძალების დაჭიმვა მისგან გათავისუფლების მიზნით — აი ცენტრალური
მომენტი დოსტოევსკის პერსონაჟების სულიერი დიალექტიკისა. მარადი ბრძო-
ლა ამ ორი დუალისტური საწყისისა ამოქმედებს დოსტოევსკის გმირებს. „...ეშ-
მა ებრძვის ღმერთს, ხოლო ბრძოლის ველი — ადამიანთა გულიაო,“ — აცხადებს
იგივე დიმიტრი კარამაზოვი. დოსტოევსკის მთელი შემოქმედება მიმართული
იყო ამ ორი საწყისის მორიგებისკენ, მისი ვონება დასწვა ამ ანტაგონიზმის
ანალიზმა.

დოსტოევსკი იწყებს იმ მიზეზების ჩვენებით, რომელნიც იწვევენ ადამი-
ანის დაშვებას, დანაშაულს; სიღარიბე, სოციალური და პოლიტიკური უსამარ-
თლობა, საზოგადოებრივი ანარქია, დასასრულს, და რაც მთავარია, ადამიანში
თავიდანვე მოცემული დემონიურობა. — აი რა მიაქანებს ადამიანს დანა-
შაულისაკენ. თუ ეს დანაშაული ჩადენილია ვნებათღელვის სფეროში, დოს-
ტოევსკის გმირები მიიჩნევენ მას, როგორც საკუთარი არსების აუცილებელ
ატრიბუტს. თუ დანაშაული საზოგადოებრივი ხასიათისაა, როგორც, მაგალი-
თად, რასკოლნიკოვის მიერ მეფავსზე ქალის მკვლელობა, პერსონაჟები ბოლოს
თვითვე აღიარებენ ჩადენილი საქციელის უსამართლობას (არა საზოგადოებ-
რივი, არამედ ეთიკური თვალსაზრისით) და იწყებენ მის ანალიზს...

ხელოვნების თვალსაზრისით ჩვენთვის საინტერესოა ის მუქი და ბნელი
კოლორიტი, რომლითაც დამნაშავეს განწყობილებანი ავსებენ მწერლის
რომანებს. სულიერი წყვდიადი ფლობს გმირებს და ამ წყვდიადის ჩვენებისან
დოსტოევსკი ჰქმნის განუზომლად ინფერნალურ სურათს. გადასულს უმაღლეს
აბსტრაქციაში. კონკრეტული შემთხვევა იძენს ზოგად ადამიანურ შინაარსს,
ინდივიდუალური უბედურება — აგრეთვე ზოგად კაცობრიულ ხასიათს. დოს-
ტოევსკის პათოსი მდგომარეობს ამ თავისებური აბსტრაქციის ჩვენებაში. ამი-
ტომაა იგი უფრო შექსპირის სტილის პოეტი, ვიდრე ყოფაცხოვრების მხატვარ-
ი-ბელეტრისტი.

ამქვეყნიური ცხოვრება, „მიწიერი“ ცხოვრება ადამიანისა საესეა პიროტ-
ყული ვნებათღელვით, ეგოიზმით, ბნელი ინსტიქტებით. თვით „სილამაზეც
მრისხანე და საშინელი საგანია“! ასეთია სინამდვილე დოსტოევსკის პერსონა-
ჟების გაგებით. მას შემდეგ, რაც ადამმა სცოდა და ვაშლი იგემა, სინამდვილე

არის მხილება უსამართლობისა, სინამდვილე, რომელშიც ადამიანს ხშირად გზისთვის ვერ მიუგნია. მაგრამ ადამიანში ცოცხლობს მდულარე სული, რომელიც ელტვის სინათლეს და რომელიც ექსტაზის ჟამს წამიერად მაინც ანათებს ამ ბნელ სინამდვილეს. დოსტოევსკის სურს უმღეროს ჰიმნი ლტოლვას უმაღლესისადმი, სულის ისეთს რელიგიურ განწყობილებას, როცა უმაღლესი ჰარმონიის საზღვრები ხელშესახები ხდება.

ერთერთს ცენტრალურს მომენტს დოსტოევსკის შემოქმედებაში წარმოადგენს რელიგიური გრძნობის სიჭარბე — ძიება საკუთარი ღმერთისა. მისთვის, როგორც სლავიანოფილური სკოლის მწერლისთვის, იდეალს შეადგენდა რუსული ღმერთის პოვნა. მთელი თავისი პუბლიცისტური და მხატვრული გენიით ესხმოდა იგი თავს ათეისტებს, მიაწერდა მათ ზნეობრივი და სოციალური ანარქიის ავტორობას. მიუხედავად მგზნებარე პამფლეტებისა და ცინიკური დახასიათებისა ათეისტების მისამართით, შეუძლებელია დოსტოევსკის აღიარება ორთოდოქსალურ ან სექტანტურ მორწმუნედ. მას, სწორედ ათეისტური ეპოქის შვილს (დოსტოევსკი 60-70-ნი წლების მწერალი იყო), არ გააჩნდა საშუალება საუკუნეთა ადამიანის ანახორეტული ბუნება და მისი კრიტიკული რაციონალიზმი რიცხავდა ღმერთის უკანონოდ მიღების იდეას. მშვიდი და ურყევი რწმენისათვის კი აუცილებელ პირობას ყოველთვის ფანატიზმი ან გონებრივი შეზღუდულობა წარმოადგენდა. მიუხედავად ამისა, რელიგიური გრძნობა მასში მაინც ძლიერი იყო და ამ გრძნობამ თავისებური გაფორმება ჰპოვა მწერლის შემოქმედებაში.

დოსტოევსკის დაეკვებანი (გავიხსენოთ მის მიერ არც ისე შემთხვევით ნათქვამი: — „ჩვენ ყველანი ნიჰილისტები ვართო!“) გამოთქმულია ივანე კარამაზოვის მიერ (რომანი „ძმები კარამაზოვები“), ხოლო მწერლის საუკეთესო ეთიკური, სახელმწიფოებრივი და რელიგიური იდეალები — შატოვის მიერ (რომანი „ეშმაკები“).

3.

ივანე კარამაზოვს, რომელიც ვასილ როზანოვის განსაზღვრის თანახმად დოსტოევსკის შემოქმედების „მთელი სხეულის თავს“ წარმოადგენს, პირდაპირ წარმართული უშუალოდით უყვარს ცხოვრება. „რომ არ მჯეროდეს ცხოვრების, რომ გამომეცვალოს რწმენა საყვარელი ქალისადმი, დავკარგო რწმენა საგნების წესრიგში, ვიგემო ადამიანური იმედგაცრუების ყველა საშინელება, მე მაინც მოვისურვებ ცხოვრებასო“ — ეუბნება იგი თავის ძმას. და ეს ძმაც. ალექსეი, გახარებულია, რომ ივანეში ცოცხლობს „კარამაზოვისეული თვისება“, უშუალო წყურვილი სიცოცხლისა: „მე ვფიქრობ, რომ ამქვეყნად ყველას უწინ არეს ყოვლისა ცხოვრება უნდა უყვარდესო“ — ამბობს იგი. ივანე სვამს კითხვას: „ცხოვრება უნდა გვიყვარდეს უფრო, ვიდრე მისი აზრი?“, და ესმის შესაფერი პასუხი — უეჭველად ასე — ლოგიკის უწინარეს უნდა შეიყვარო იგიო!“. იგიო!“.

მაგრამ ივანე კარამაზოვი ინტელექტის კაცია და მას ეს ხელს უშლის. მის კრიტიკულ გონებას არ შეუძლია სინამდვილის არსებული სახით მიღება. ივანე კარამაზოვის ათეიზმი უაღრესად კონკრეტული შინაარსის მქონეა. ის არ არის დაინტერესებული კითხვით: „ღმერთმა შექმნა ადამიანი, თუ ადამიანმა ღმერთი“, არამედ უარს ამბობს ქვეყნის მიღებაზე საერთოდ. რადგან ეს ქვეყანა

სავსეა გაუმართლებელი წამებით, ქვეყანა, სადაც ბრმა და უაზრო სასჯელის ტვირთი წილად ხვდათ უდანაშაულო ბავშვებსაც. თუნდაც მარტო ამ ფაქტის გამო არ შეიძლება ქვეყნის მიღება. აი ცნობილი განცხადება ივანე კარამაზოვისა: „Я не бога не принимаю, пойми ты это, я мира Им созданного, мира-то Божьяго не принимаю и не могу согласиться принять!“ და რადგან მომავალი პარმონია ნაყილია უდანაშაულოთა წამებითა და ცრემლით, ასეთს პარმონიაში შესასვლელ ბილეთს იგი უკანვე უბრუნებს ღმერთს.

ცხოვრებისადმი უღრმესი, მიწიერი სიყვარულის მიუხედავად ის ღმერთს უმართავს სასამართლოს (პოემა „ლეგენდა დიდ ინკვიზიტორზე“) სწორედ იმის გამო, რომ მიწაზე ბევრია უსამართლობა.

დოსტოევსკიმ იცის, რომ ივანე კარამაზოვს, ძლიერი ლოგიკის ადამიანს, არ შეუძლია ცხოვრების უკრიტიკოდ მიღება. ანალიტური გონება კი ჰშლის რწმენას, მიჰყავს იგი ათეიზმამდე, ანტიეთიკურობამდეც. „ყველაფერი დასაშვებია!“ — ივანე კარამაზოვის ეს ფორმულა კარგად გამოიყენა ათეისტმა და ლაქიამ, სმერდიაკოვმა: თავისი იდეოლოგიური მეთაურის ფორმულით შთაგონებულმა მოჰკლა ივანეს მამა ფეოდორ კარამაზოვი, რომლის უკანონო შვილიც თვითონ იყო.

კრიტიკული უნარით აღჭურვილი პერსონაჟები დოსტოევსკისა მუდამ გარებულნი არიან. მათი სულის ბნელ მხარეთა გამოხატულებას ყოველთვის სხვა პერსონაჟები წარმოადგენენ: ივანე კარამაზოვის ასეთს მეორე ნახევარს წარმოადგენს ლაქია სმერდიაკოვი, სტავროგინისას — პეტრე ვერხოვენსკი და ა. შ. ამ გმირებთან ერთად დოსტოევსკის რომანებში მოქმედებენ კეთილშობილი, თითქოს მატერიალურს სიმძიმეს მოკლებული, რელიგიური ბუნების ადამიანები — ალექსეი კარამაზოვი, მიშკინი. შატოვი და სხვები.

შატოვი ყველაზე უფრო სრული განსახიერებაა კეთილშობილებისა და ვფიქრობთ, ყველაზე უფრო საყვარელი პერსონაჟი თვითონ ავტორისათვის. ჩვენ იმასაც ვფიქრობთ, რომ ალექსეი კარამაზოვის სქემატური სახე გამოწვეულია იმით, რომ დოსტოევსკიმ თავისი საუკეთესო იდეალები უკვე შატოვს ალაპარაკა („ეშმაკები“ დაიბეჭდა 1871-1872 წ. წ. ხოლო „ძმები კარამაზოვები“ 1879-1880 წ. წ.). რაც შეეხება მიშკინს („იდიოტი“) მწერალმა მისი სახით უმთავრესად ეთიური გმირი გამოჰკვეთა. ამ პერსონაჟის მკაფიო პოლიტიკური ან რელიგიური მრწამსი ჩვენთვის უცნობია. ასეთი გააჩნია განსაკუთრებით შატოვს.

შატოვი უცილურესი მტერია ათეიზმისა და ათეისტებისა. რელიგიის გარეშე მისთვის არ არსებობს ერის ცნებაც. „არცერთი ერი ჯერ არ დაფუძნებია გონებისა და მეცნიერების საწყისებსო“, — ეუბნება ის სტავროგინს და ცოტა ქვემოდ ამტკიცებს „გონება და მეცნიერება ხალხთა ცხოვრებაში ყოველთვის, ახლაც და საუკუნეთა წინათაც. ასრულებდნენ მეორეხარისხოვან და დამხმარე მოვალეობასო“. შატოვის აზრით „ხალხური მოძრაობის მთელს მიზანს, ყოველ ერში და ყოველს პერიოდში მისი არსებობისა, შეადგენდა მარტოდენ ძიება ღმერთისა, საკუთარი ღმერთისა, აუცილებლად საკუთარის, და მისი, როგორც ერთადერთი ქეშმარიტის, რწმენა. ღმერთი არის სინტეტიური პიროვნება მთელი ხალხისა, თავიდანბოლომდე. ჯერ არ ყოფილა, რომ ყველა ან მრავალ ერს ჰყოლოდეს ერთი საერთო ღმერთი, არამედ თვითეულს ჰყავდა საკუთარი ღმერთი. ერების დაღუპვის ნიშანია, როცა ღმერთებზე ხდებიან საერთონი, რა-

დგან ღმერთები და მათდამი რწმენა კვდებიან ერების სიკვდილთან ერთად. რამდენადაც ძლიერია ერი, იმდენად დამოუკიდებელია მისი ღმერთი. არასოდეს არ ყოფილა ერი რელიგიის გარეშე, ანუ ბოროტისა და კეთილის შეგნების გარეშე, — აი ცენტრალური იდეა შატოვის სოფლმხედველობაში.

— „ვღლიარებ ღმერთს ერის ატრიბუტადო,“ — ამბობს შატოვი. „ერი — ეს ღვთაების სხეულიაო“, — ამტკიცებს იგი დაჟინებით.

შატოვი მიმართავს ისტორიულ ექსკურსს თავისი შეხედულების დასასაბუთებლად. ებრაელთა, ბერძენთა, რომაელთა და სხვა ერების ღმერთების მაგალითზე მას სურს გვიჩვენოს საკუთარი ისტორიული კონცეპციის სისწორე. ბოლოს ასკვნის: „თუ დიდ ერს არ სწამს, რომ მხოლოდ მასშია ქეშმარიტება (სახელდობრ და განსაკუთრებით მასში), თუ არ სწამს, რომ მხოლოდ ის ერთია მოწოდებული ყველას აღსადგენად და გადასარჩენად თავისი ქეშმარიტების შემწეობით, მაშინ იგი უმალვე იქცევა ეტნოგრაფიულ მასალად და არა დიდ ერად. ქეშმარიტად დიდ ერს არასოდეს არ შეუძლია შეურიგდეს მეორე ხარისხიან როლს კაცობრიობაში, ან თუნდაც პირველ ხარისხიანს, არამედ მხოლოდდამხოლოდ, აუცილებლად პირველ როლს. ვინც ამ რწმენას ჰკარგავს, ის ერი არ არის“. შატოვის ამ აღსარებაში რელიგიური სიცხადით არის გამოთქმული სლავიანოფილური იდეა, თუმცა შატოვს არ აკმაყოფილებს ოფიციალური სლავიანოფილიზმი.

ასეთი იყო თვითონ დოსტოევსკის იდეალიც. ამ იდეალმა მიიყვანა იგი რუსული მესიანიზმის რწმენამდე, პოლიტიკაში კი — თუ დაეხმარებთ თანამედროვე ტერმინოლოგიას. — დიდმპყრობელურ შოვინიზმამდე.

ისტორიამ მშვენივრად დაამტკიცა დოსტოევსკის სლავიანოფილური მრწამსის „სიმართლე“. და ჩვენ აქ სიტყვას არ ვავაგრძელებთ მის შესახებ. საკმარისია მკითხველმა თვალი გადაავლოს დოსტოევსკის „მწერლის დღიურებს“, რათა დარწმუნდეს, რომ რევოლუციის ეპოქაში აღზრდილ ადამიანს დღეს უკვე ღიმილს ჰგვრის სლავიანოფილური იდეოლოგიის დრომოკმულობა და აბსურდობა.

შატოვის იდეების შესახებ კიდევ შეიძლება ბევრის თქმა, მაგრამ ამჟამად ჩვენ მხოლოდ ერთს დამახასიათებელ მომენტებზე მივუთითებთ.

სტავროგინი ეკითხება შატოვს — „მინდოდა ერთი რამ გამეგო: გწამთ თქვენ ღმერთი თუ არა?“ შატოვს ენა ეშლება პასუხის გაცემისას: — „მე მწამს რუსეთის, მე მწამს მისი მართლმადიდებლობა. მე მწამს ქრისტეს სხეული... მე მწამს, რომ მეორედ მოსვლა რუსეთში მოხდება... მე მწამს — ...წაილულლულა შატოვმა ალტყინებით. — მაგრამ ღმერთი? ღმერთი? — მე... ვირწმუნებ ღმერთსო“, — უპასუხებს ბოლოს იგი სტავროგინს.

მკითხველი ატყობს, რომ ამ პასუხში ისმის კარამაზოვისეული კრიტიციზმი, რომ შატოვიც გაბზარული რწმენის ადამიანია.

ასეთივე გაბზარული რწმენის მატარებელი იყო თვითონ დოსტოევსკი. ჩვენ ზემოთაც მიუთითეთ ამ მომენტზე.

შატოვთან შედარებით ალექსეი კარამაზოვი უფერული პერსონაჟია. დოსტოევსკი მხატვარი იყო გაორებული ადამიანებისა და როგორც პირადს ცხოვრებაში, ისე საერთოდ, — მწერალი ვერ ხედავდა მთლიანი ბუნების ადამიანებს.

დოსტოევსკი-მხატვრის ძალა მდგომარეობდა მხოლოდპირველ პოლუსებზე მოქანავე რწმენის, ვნებისა და მოქმედების შეუღარებელ ჩვენებაში.

სავსეა გაუმართლებელი წამებით, ქვეყანა, სადაც ბრმა და უაზრო სასჯელის ტვირთი წილად ხვდათ უღანაშაულო ბავშვებსაც. თუნდაც მარტო ამ ფაქტის გამო არ შეიძლება ქვეყნის მიღება. აი ცნობილი განცხადება ივანე კარამაზოვისა: „Я не бога не принимаю, пойми ты это, я мира Им созданного, мира-то Божьяго не принимаю и не могу согласиться принять!“ და რადგან მომავალი ჰარმონია ნაყიდა უღანაშაულოთა წამებითა და ცრემლით, ასეთს ჰარმონიაში შესასვლელ ბილეთს იგი უკანვე უბრუნებს ღმერთს.

ცხოვრებისადმი უღრმესი, მიწიერი სიყვარულის მიუხედავად ის ღმერთს უმართავს სასამართლოს (პოემა „ლეგენდა დიდ ინკვიზიტორზე“) სწორედ იმის გამო, რომ მიწაზე ბევრია უსამართლობა.

დოსტოევსკიმ იცის, რომ ივანე კარამაზოვს, ძლიერი ლოგიკის ადამიანს, არ შეუძლია ცხოვრების უკრიტიკოდ მიღება. ანალიტური გონება კი ჰუმანს რწმენას, მიჰყავს იგი ათეიზმამდე, ანტიეთიკურობამდეც. „ყველაფერი დასაშვებია!“ — ივანე კარამაზოვის ეს ფორმულა კარგად გამოიყენა ათეისტმა და ლაქიამ, სმერდიაკოვმა: თავისი იდეოლოგიური მეთაურის ფორმულით შთაგონებულმა მოჰკლა ივანეს მამა ფეოდორ კარამაზოვი, რომლის უკანონო შვილიც თვითონ იყო.

კრიტიკული უნარით აღჭურვილი პერსონაჟები დოსტოევსკისა მუდამ გარკებულნი არიან. მათი სულის ბნელ მხარეთა გამონატულებას ყოველთვის სხვა პერსონაჟები წარმოადგენენ: ივანე კარამაზოვის ასეთს მეორე ნახევარს წარმოადგენს ლაქია სმერდიაკოვი. სტავროგინისას — პეტრე ვერხოვენსკი და ა. შ. ამ გმირებთან ერთად დოსტოევსკის რომანებში მოქმედებენ კეთილშობილი, თითქოს მატერიალურს სიმძიმეს მოკლებული, რელიგიური ბუნების ადამიანები — ალექსეი კარამაზოვი, მიშკინი, შატოვი და სხვები.

შატოვი ყველაზე უფრო სრული განსახიერებაა კეთილშობილებისა და, ვფიქრობთ, ყველაზე უფრო საყვარელი პერსონაჟი თვითონ ავტორისათვის. ჩვენ იმასაც ვფიქრობთ, რომ ალექსეი კარამაზოვის სქემატური სახე გამოწვეულია იმით, რომ დოსტოევსკიმ თავისი საუკეთესო იდეალები უკვე შატოვს ალაპარაკა („ეშმაკები“ დაიბეჭდა 1871-1872 წ. წ. ხოლო „ძმები კარამაზოვები“ 1879-1880 წ. წ.). რაც შეეხება მიშკინს („ილიოტი“) მწერალმა მისი სახით უმთავრესად ეთიური გმირი გამოჰკვეთა. ამ პერსონაჟის მკაფიო პოლიტიკური ან რელიგიური მრწამსი ჩვენთვის უცნობია. ასეთი გააჩნია განსაკუთრებით შატოვს.

შატოვი უკიდურესი მტერია ათეიზმისა და ათეისტებისა. რელიგიის გარეშე მისთვის არ არსებობს ერის ცნებაც. „არცერთი ერი ჯერ არ დაფუძნებია გონებისა და მეცნიერების საწყისებსო“, — ეუბნება ის სტავროგინს და ცოტა ქვემოდ ამტკიცებს „გონება და მეცნიერება ხალხთა ცხოვრებაში ყოველთვის, ახლაც და საუკუნეთა წინათაც, ასრულებდნენ მეორეხარისხოვან და დამხმარე მოვალეობასო“. შატოვის აზრით „ხალხური მოძრაობის მთელს მიზანს, ყოველ ერში და ყოველს პერიოდში მისი არსებობისა, შეადგენდა მარტოდენ ძიება ღმერთისა, საკუთარი ღმერთისა, აუცილებლად საკუთარის, და მისი, როგორც ერთადერთი ჭეშმარიტის, რწმენა. ღმერთი არის სინტეტიური პიროვნება მთელი ხალხისა, თავიდანბოლომდე. ჯერ არ ყოფილა, რომ ყველა ან მრავალ ერს ჰყოლოდეს ერთი საერთო ღმერთი, არამედ თვითთულს ჰყავდა საკუთარი ღმერთი. ერების დაღუპვის ნიშანია, როცა ღმერთები ხდებიან საერთონი, რა-

დგან ღმერთები და მათდამი რწმენა. კვდებიან ერების სოკედლითან ერთად. რამდენადაც ძლიერია ერი, იმდენად დამოუკიდებელია მისი ღმერთი. არასოდეს არ ყოფილა ერი რელიგიის გარეშე, ანუ ბოროტისა და კეთილის შეგნების გარეშე, — აი ცენტრალური იდეა შატოვის სოფლმხედველობაში.

— „ვალთარებ ღმერთს ერის ატრიბუტადო,“ — ამბობს შატოვი. „ერი — ეს ღვთაების სხეულიაო“, — ამტკიცებს იგი დაჟინებით.

შატოვი მიმართავს ისტორიულ ექსკურსს თავისი შეხედულების დასასაბუთებლად. ებრაელთა, ბერძენთა, რომაელთა და სხვა ერების ღმერთების მაგალითზე მას სურს გვიჩვენოს საკუთარი ისტორიული კონცეპციის სისწორე. ბოლოს ასკვნის: „თუ დიდ ერს არ სწამს, რომ მხოლოდ მასშია ქეშმარიტება (სახელდობრ და განსაკუთრებით მასში), თუ არ სწამს, რომ მხოლოდ ის ერთია მოწოდებული ყველას აღსადგენად და გადასარჩენად თავისი ქეშმარიტების შემწეობით, მაშინ იგი უმალვე იქცევა ეტნოგრაფიულ მასალად და არა დიდ ერად: ქეშმარიტად დიდ ერს არასოდეს არ შეუძლია შეურიგდეს მეორე ხარისხიან როლს კაცობრიობაში, ან თუნდაც პირველ ხარისხიანს, არამედ მხოლოდდამხოლოდ, აუცილებლად პირველ როლს. ვინც ამ რწმენას ჰკარგავს, ის ერი არ არის“. შატოვის ამ აღსარებაში რელიგიური სიცხადით არის გამოთქმული სლავიანოფილური იდეა, თუმცა შატოვს არ აკმაყოფილებს ოფიციალური სლავიანოფილიზმი.

ასეთი იყო თვითონ დოსტოევსკის იდეალიც. ამ იდეალმა მიიყვანა იგი რუსული მესიანიზმის რწმენამდე, პოლიტიკაში კი — თუ დავიხმარებთ თანამედროვე ტერმინოლოგიას, — დიდმპყრობელურ შოვინიზმამდე.

ისტორიამ მშვენივრად დაამტკიცა დოსტოევსკის სლავიანოფილური მრწამსის „სიმართლე“. და ჩვენ აქ სიტყვას არ გავაგრძელებთ მის შესახებ. საკმარისია მკითხველმა თვალი გადაავლოს დოსტოევსკის „მწერლის დღიურებს“, რათა დარწმუნდეს, რომ რევოლუციის ეპოქაში აღზრდილ ადამიანს დღეს უკვე ღიმილს ჰგვრის სლავიანოფილური იდეოლოგიის დრომოკმეულობა და აბსურდობა.

შატოვის იდეების შესახებ კიდევ შეიძლება ბევრის თქმა, მაგრამ ამჟამად ჩვენ მხოლოდ ერთს დამახასიათებელ მომენტებზე მივუთითებთ.

სტავროგინი ეკითხება შატოვს — „მინდოდა ერთი რამ გამეგო: გწამთ თქვენ ღმერთი თუ არა?“ შატოვს ენა ეშლება პასუხის გაცემისას: — „მე მწამს რუსეთის, მე მწამს მისი მართლმადიდებლობა. მე მწამს ქრისტეს სხეული... მე მწამს, რომ მეორედ მოსვლა რუსეთში მოხდება... მე მწამს — ...წაილულულა შატოვმა ალტყინებით. — მაგრამ ღმერთი? ღმერთი? — მე... ვირწმუნებ ღმერთსო“. — უპასუხებს ბოლოს იგი სტავროგინს.

მკითხველი ატყობს, რომ ამ პასუხში ისმის კარამაზოვისეული კრიტიციზმი, რომ შატოვიც გაბზარული რწმენის ადამიანია.

ასეთივე გაბზარული რწმენის მატარებელი იყო თვითონ დოსტოევსკი. ჩვენ ზემოთაც მიუთითეთ ამ მომენტზე.

შატოვთან შედარებით ალექსეი კარამაზოვი უფერული პერსონაჟია. დოსტოევსკი მხატვარი იყო გაორებული ადამიანებისა და როგორც პირადს ცხოვრებაში, ისე საერთოდ, — მწერალი ვერ ხედავდა მთლიანი ბუნების ადამიანებს.

დოსტოევსკი-მხატვრის ძალა მდგომარეობდა მთლიანად პოლუსებზე მოქანავე რწმენის, ვნებისა და მოქმედების შეუღარებელ ჩვენებაში.

არა მარტო ცხოვრებისადმი სიყვარული ან მისი კრიტიკული ათვისება, არა მარტო ამბოხი ღმერთის წინააღმდეგ ან სატანური ვნებათაღელვანი ამოძრავებენ დოსტოევსკის პერსონაჟებს, — ზოგიერთი მისი გმირი დაავადებულია გამანადგურებელი მოწყენილობით:

— „Прикажи Лучию! Я люблю торжественность скуки!“

ამბობს „მოზარდის“ გმირი ვერსილოვი, რომელიც გაურბის „მოწყენას, საშინელ მოწყენას“ და ხშირი სტუმარია ტრაქტირის, სადაც „მოწყენის ზემოთ სტეება“.

რა იწვევს ამ მოწყენას? — ერთფეროვნება

ყველაფერი, რაც ხდება, უკვე იყო. „ყველაფერი უთვალავჯერ მეორდება“, — ეუბნება ივანე კარამაზოვს თავისივე ორეული — ეშმაკი.

მოვლენათა განმეორების მომენტზე მიუთითა ჯერ კიდევ გოეტემ, რომელმაც ფაუსტს ათქმევინა:

ყოველი წარმავალი

არის მხოლოდ მსგავსება!

ერთფეროვნების, „მარადი მობრუნების“ აზრი კი ყველაზე მკათოდ და მხატვრულად გამოსთქვეს — ერთმანეთისგან სრულიად დამოუკიდებლად — ნიცშემ და დოსტოევსკიმ. „ზარატუსტრაში“ ქონდრის-კაცი მარადისობას ადარებს ობობას ქსელს ისევე, როგორც სვიდრიგაილოვი „დანაშაულსა და სასჯელში“ (ნახე დიალოგი რასკოლნიკოვთან მე-4 ნაწილის პირველს თავში). ასეთი შეხვედრა ორ მოაზროვნის შორის განცვიფრებას იწვევს.¹⁾

ობობას ქსელის ყოველი მუხლი პირველის განმეორებაა და ერთდღიანვე საფეხურისადმი დაბრუნება. მარადისობაც ასეთს ერთფეროვან „მარადი მობრუნების“ ჯაჭვს წარმოადგენს. ფოთოლი დაჰკნა და მოსწყდა ხის ტოტს, გაისადაც ისეთივე ფოთოლს გამოისხამს იგი, ისევე დასჰკნება და მოწყდება ტოტს. „ყველაფერი უთვალავჯერ მეორდება!..“ ცხოვრების ყოველს მოვლენაში ცხადდება ერთფეროვანებისა და „მარადი მობრუნების“ ეს რიტმი და სვიდრიგაილოვი იძულებულია განაცხადოს „საშინელი მოწყენააო!..“

ყოველდღიურობის ერთფეროვან პროზაში დოსტოევსკის გმირები ნახულობენ ირრეალურსა და ფანტასტიურს, თვითონ მწერალს აინტერესებდა საგნობრივი, მატერიალური სინამდვილის მეორე, ნოუმენალური მხარე. დოსტოევსკისავე გამოთქმით, მას უყვარდა „რეალიზმი, რომელიც აღწევს ფანტასტიურს“ და აცხადებდა, რომ „რა შეიძლება იყოს უფრო არაჩვეულებრივი, ვიდრე თვითონ სინამდვილეო.“ დოსტოევსკი ექიმებთან ამოწმებდა ივანე კარამაზოვის ჰალუცინაციას. როგორც ფსიქიურად სავსებით შესაძლებელ მოვლენას (იხ. მისი კერძო წერილები „კარამაზოვების“ გამო)

¹⁾ აღსანიშნავია მეორე შეხვედრაც: ნიცშეს „ზეკაცის“ იდეასა და კირილოვის მიერ სტავროკინთან საუბრისას გამოთქმულ „კაცღმერთის“ იდეას შორის ბევრია შემხვედრი წერტილი (იხ. რომანი „ეშმაკები“). და ეს მაშინ, როცა დოსტოევსკის ნიცშე იცნობდა მხოლოდ ერთი წიგნით „წერილები მკვდარი სახლიდან“. მიუხედავად ამისა, „ზარატუსტრას“ ავტორი „თავისი ცხოვრების ბედნიერ მონაპოვარს“ უწოდებდა მას, აღიარებდა „ფსიქოლოგად, რომლისგანაც ბევრი რამ ისწავლა“.

მწერლის დაქინებული ცდა სინამდვილის დასახლებისა ირრეალური მოვლენებითა და მოჩვენებებით, ნაწილობრივ გამართლებულია პერსონაჟებისა და თვით ავტორის ავადმყოფობით. დოსტოევსკის მთავარი გმირები მუდამ რაიმე ანომალიით შეპყრობილნი ან საერთოდ ავადმყოფები არიან: თავადი მიშკინი („იდიოტი“) და სმერდიაკოვი („ძმ. კარამაზ.“) ეპილექტიკები არიან; იპოლიტი („იდიოტი“) ქლექიანია; ვერსილოვი („მოზარდი“) და სვიდრიგაილოვი („დანაშ. და სასჯ.“) მოწყენილობას შეუპყრიათ. უმიზეზო თვითმკვლელობა ამოძრავებს მანიაკ კირილოვს („ეშმაკები“). ივანე კარამაზოვი და სტავროგინი გაორებულნი არიან და ა. შ. არ არის ძნელი ანომალის ელემენტების ამოჩენა ფედორ და დიმიტრი კარამაზოვებში, რაგოჟინში, რასკოლნიკოვში და სხვა პერსონაჟებში. ქალებს შორისაც უმთავრესად ავადმყოფებს ვხედავთ: კოჭლი ლიზა ან ისტერიკული კატერინა ივანოვა („ძმ. კარამაზ.“), კაპიტან ლებიადკინის და, მარია ტიმოფეევნა („ეშმაკები“), ნასტასია ფილიპოვნა („იდიოტი“), სონია მარმელადოვა („დანაშ. და სასჯ.“) და სხვები ნორმალურ ადამიანთა ჯგუფს არ მიეკუთვნებიან. ნაწილობრივ გამონაკლისს წარმოადგენს „მხეცი ქალი“ — გრუშენკა („ძმ. კარამაზ.“) და განსაკუთრებით კი მშვენიერი აგლაია („იდიოტი“). საერთოდ კი მთელი ანსამბლი დოსტოევსკის გმირებისა კლინიკის პაციენტთა კრებულს მოგვაგონებს. აღარაფერს ვლაპარაკობთ მწერლის მეორე და მესამე-ხარისხიან პერსონაჟებზე — მკვლელებზე, პროვოკატორებზე და სხვ. ბავშვებიც კი დოსტოევსკის პროზაში ნაადრევი ისტერიკით დაავადებულნი სჩანან, (მაგ. ილუშა „კარამაზოვებში“).

ავადმყოფი დოსტოევსკის თვალი სხვა ქვეყანას თითქოს ვერც ამჩნევდა. ეს იყო მისი, როგორც მხატვრის, ნაკლი.

ავადმყოფობას მწერალი უცქეროდა, როგორც ჯანმრთელი ადამიანისთვის უცნობ ქვეყანასთან მიახლოვების პირობას. აი რას ეუბნება სვიდრიგაილოვი რასკოლნიკოვს (ნაწ. 4):

„მოჩვენებანი — ეს, ასე ვსთქვათ, ნაფლეთები და ნაწყვეტებია სხვა სამყაროებისა. ცხადია ჯანმრთელმა კაცმა ისინი არ უნდა ნახოს, რადგან ჯანმრთელი ადამიანი ყველაზე უფრო მიწიერი ადამიანია და. მაშასადამე, მან უნდა იცხოვროს მარტოოდენ აქაური ცხოვრებით, სისაფისა და წესრიგისთვის. მაგრამ თუ ის ოდნავ ავად გახდა, თუ ოდნავ დაირღვა ნორმალური წესრიგი ორგანიზმში. მაშინვე ჩნდება შესაძლებლობა სხვა სამყაროსი, და რამდენადაც უფრო ავად იქნება ის, მით უფრო მეტი იქნება შესაძლებლობა სხვა სამყაროსთან შეხებისა; ასე, რომ როცა ადამიანი საესებით მოკვდება, ის პირდაპირ გადავა სხვა სამყაროში.“

ეს არის დასაბუთება მოვლენისა ღრმა, მაგრამ მაინც ინდივიდუალური და კერძო მომენტით; ამიტომ შეუძლებელია ამ მომენტის გავრცელება სინამდვილეზე მთლიანად. ამან უწინარეს ყოვლისა ავნო მის ზელოვნებას: დოსტოევსკის პროზა სცოდავს ცალმხრივობის მხრივ. სამართლიანად შენიშნა ეს ჯერ კიდევ მელნიორ დე ვოგუემ, რომელმაც პირველად გააცნო მისი შემოქმედება ფრანგებსა და საერთოდ ევროპელ საზოგადოებას (ნ. წიგნი „რუსული რომანი“. 1886).

არ იქნება ზედმეტი აღვნიშნოთ ისიც, რომ დოსტოევსკის დიდი გავლენის შემდეგ იწყება ევროპულს ლიტერატურაშიც ცალმხრივი და ავადმყოფური

მწერლობის ნაკადი (ავგუსტ სტრინდბერგი, შარლ ლუი ფილიპ, გერმანელი ექსპრესიონისტები და სხვ.)

5.

დოსტოევსკი არ არის პლასტიური სტილის მხატვარი. აზრის ცხადსაყოფად კმარა თუნდაც მისი შედარება ტოლსტოისთან. გმირის პოზების აღწერას, რომელსაც ასე ზშირად მიმართავს „ომი და ზავის“ ავტორი და რომელიც მან სტერნიდან ისწავლა, დოსტოევსკი სავსებით გაუბრუნის. სამაგიეროდ „ძმები კარამაზოვების“ ავტორი პორტრეტული ხატვის მომენტს თავისი დიალოგებით ანხორციელებს. მსოფლიო პროზაში არ მოიპოვება უფრო დიდი ოსტატი დიალოგისა, ვიდრე დოსტოევსკი. მისი პერსონაჟები, სტეფან ცვაიგის მახვილი შენიშვნით, შეიძლება გრაფიკულად დახატონ მათივე საუბრების მიხედვით.

დოსტოევსკი ფსიქოლოგიური პორტრეტის მხატვარია და გარეგანი ქვეყანა მის რომანებში იმდენად არსებობს, რამდენადაც იგი საჭიროა პერსონაჟის ამა თუ იმ სულიერი მდგომარეობის დასახასიათებლად. საგნების რელიეფი დოსტოევსკის პროზაში გაფერმკრთალებულია, თითქმის წაშლილია. იგი რემბრანდტისებური მხატვარია სურათისა, სადაც სინათლე მეტწილად ეცემა მხოლოდ სახეებს, ხოლო ფონი წყვილიადშია ჩანთქმული (რემბრანდტის მსგავსად დოსტოევსკიც სახის ნაწილებს კი არ აჩვენებს ანატომიური სიზუსტით, არამედ სახის შინაგან გაქმობას.)

ტოლსტოი კი მხატვარია არა სურათის (рисунок, Bild), არამედ ვრცელი პანორამისა. საგნების ჰარმონიული წყობა ამ რომანისტის შემოქმედებაში არასოდეს არ არის დარღვეული. პერსონაჟის სულიერი განწყობილება არ ჰხვევს საგნებს მისთვის. შესაფერს ლეჩაქში. დოსტოევსკი კი გარეგან ქვეყანას თავისი ავადმყოფი გმირების თვალთ უცქერის. ეს მან შექმნა რუსულ ლიტერატურაში ირრეალური, მერყევი და ფანტასტიური სურათი პეტერბურგისა, რომლის შესახებ ავტორი ერთს თავის გმირს ალაპარაკებს: „შეიძლება იგი მხოლოდ ვისმეს სიზმარია; შეიძლება ვინმემ გაიღვიძოს და ისიც გაჰქრესო“, ქალაქის, სადაც პროზაული ცხოვრება „ფანტასტიურს ემიჯნება“.

ტოლსტოის პროზა მდიდარია ტერიტორიული სივრცით, დროის ხანგრძლივობით, ყოფის დეტალებით. ავტორს გამოჰყავს სხვადასხვა ფენისა და პროფესიის წარმომადგენლები. მისი რომანი სავსეა ნადირობით, დოლით, გრანდიოზული ბატალური სცენებითა და უინტიმესი წვრილმანებით, — დიდი და მცირე პლანით. დოსტოევსკის არცერთს ნაწარმოებში (შეიძლება ნაწილობრივ გამონაკლისს წარმოადგენდეს „ეშმაკები“) არ არის გადაშლილი ასეთი ვრცელი პანორამა რუსეთის ცხოვრებისა. მისი გმირები — ქალაქის ან დაბის მეშჩანები არიან; ამიტომაც ვიწროა პერსონაჟების სამოქმედო არეც: დოსტოევსკის გმირები პეტერბურგში, ან რომელიმე პროვინციის დაბაში ცხოვრობენ. ბნელი ქუჩები და მოსახვევები, ოთახი, ან ტრაქტირი — აი ადგილი მისი პერსონაჟების ვნებათღელვისა და კოსმოპოლიტური საუბრებისა. „...я всегда переулочки любил, — ამბობს დიმიტრი კარამაზოვი, — глухие и темные закоулочки, за площадью, — там приключения, там неожиданности, там самородки в грязи“. ივანე კარამაზოვი თავის გენიალურ პოემას — „ლეგენდას დიდს ინკვიზიტორზე“ ტრაქტირში უყვება თავის ძმას; მოსახვევში, ფანრიან ბოძთან უმართავს ალექსეი ივანეს თავის ცნობილ დიალოგს: „Нет, ты, не ты“. „ეშმაკებში“ პეტრე ვერხოვენსკი ბნელ ქუჩაში უმხელს თავის

სატანურ გეგმებს სტავროგინს; ასეთი ადგილები უყვართ რასკოლნიკოვსა და სვიდრიგაილოვს („დანაშ. და სასჯ.“), ვერსილოვს („მოზარდი“) და სხვ. და რამდენი მაგალითი შეიძლება მოყვანილ იქნას მწერლის მოთხრობიდან და რომანებიდან... დოსტოვესკი შეგნებულად არ აფართოვებს ტერიტორიულ არეს და შემოფარგლულია — ქუჩით, ოთახით, ტრაქტირით...

მისი რომანების დროც ყოველთვის მცირეა: „იდიოტის“ ნახევარი ერთი დღით განისაზღვრება, მოკლეა „ძმები კარამაზოვების“ დროც. ავტორის მიზანია მკითხველმა უსმინოს მის გმირებს, დააკვირდეს მათს შინაგან ევოლუციას; ეს იწვევს დიალოგური ფორმის სიჭარბეს მის რომანში და საინტერესო ფაბულაც არსებობდა, რომანის შინაგანი მომენტის გასაძლიერებლად აქვს მწერალს შექმნილი. მაგრამ დიდი კოლიზიები გმირებისაგან დამოუკიდებლად კი არ ხდება, არამედ თვითონ მათში: რა გინდ მიმზიდველიც არ იყოს „ძმები კარამაზოვების“ ფაბულა, დაკვირვებული მკითხველისთვის ყურადღების ცენტრი მაინც ისეთს ფსიქოლოგიურს მომენტებზე შეჩერდება, როგორცაა ივანე კარამაზოვისა და სმერდიაკოვის, დიმიტრი კარამაზოვისა და გრუშენკას ან შეილენისა და მამის შინაგანი ურთიერთობანი.

6.

დოსტოვესკი შეუდარებელი მხატვარია ხასიათებისა; რამდენიმე შტრიხით აჩვენებს ოგი პერსონაჟის ბუნებას. მკითხველს, მაგალითად, არასოდეს არ შეუძლია დაივიწყოს ბურბონი-კაპიტანი, რომელიც ათეისტური საუბრების დროს „სულ სდუმდა, არცერთი სიტყვა არ წარმოუთქვამს, უეცრად დგება ოთახის შუა ადგილას“ და ხმამაღლა აცხადებს: „Если бога нет, то какой же я после того капитан?“ აიღებს ქუდს, გაშლის ხელს და ოთახიდან გადის („ეშმაკები“). სტავროგინს, თავდაპირველად, ლამაზსა და იმავე დროს სატანური ბუნების ადამიანს, შესანიშნავად ახასიათებს პეტრე ვერხოვენსკი, რომელსაც სურს მისი გამოცხადება ახალი, ათეისტური მოძრაობის („შიგალევიჩინა“) მეთაურად, რადგან არისტოკრატ სტავროგინს ვერავინ მოეპყრობა ფაბილიარულად, ის კერპად გამოდგება: „Вы ужасный аристократ! Аристократ когда идет в демократию, обоятелен!“ ეს ფრაზა საკმარისია სტავროგინის თუნდაც გარეგნული პორტრეტის წარმოსადგენად.

კიდევ რამდენიმე მაგალითი.

ლაქია სმერდიაკოვს ჩვეულებად ჰქონდა სუპში ან სხვა საჭმელში ხოჭოსა თუ ბუზის აღმოჩენა; იგივე სმერდიაკოვი, რომელიც მოსკოვში რესტორანის გახსნაზე ოცნებობს, გიტარას უკრავს და მღერის, რის გამო მწერალი შენიშნავს: „Лакейский тенор и выверт песни лакейский!“ ასეთი დეტალების შემდეგ შეუძლებელია მკითხველმა დაივიწყოს იგი.

ზოგჯერ მწერალი რამდენიმე სიტყვით ან ინტონაციის ვადმოცემით ახასიათებს თავის პერსონაჟს. ამხროვე შეუდარებელია ფედორ კარამაზოვი, წითურა, გარყვნილი ბებერი, რომელიც სიმთვრალეში უყვება თავის ვაჟებს: „По моему правилу во всякой женщине можно найти чрезвычайно, черт возьми, интересное, чего ни у которой другой не найдешь, — только надобно уметь находить, вот где штука. Это талант! Для меня мовешек не существовало: уж одно то, что она женщина, уж это одно половина всего!.. ეს ნაწყვეტები და განსაკუთრებით სიტყვა „...мовешек...“ ერთბაშად ხატავს ამ თავისებურ ეროტომანს.

მკითხველს შეუძლია გაიხსენოს აგრეთვე ერთი სახასიათო წერილმანი: ფედორ კარამაზოვმა, რომელიც დაიშვებულა, რომ მასთან ოდესმე მივა გრუშენკა, სამი ათასი მანეთი ჩასდო კონვერტში, ხოლო პაკეტს გარედ დააწერა: „Ангелу моему, Грушеньке, коли захочет придти“ და რამდენიმე დღის შემდეგ იქვე განაგრძო: „и циплёнечку“.

ასეთი დეტალებით არის მდიდარი ყოველი მისი რომანი და მოთხრობა.

ფსიქოლოგიური ანალიზის მხრივ გასაოცარია ყველა ადგილი, რომელიც ივანე კარამაზოვისა და სმერდიაკოვის ურთიერთობას ეხება („კარამაზ.“); ჩინური ვაზის გატეხვა მიშკინის მიერ, რომელსაც წინასწარ აკვიატებული ჰქონდა აზრი, რომ ასეთი რამ მას უსათუოდ შეემთხვევოდა; დაუციწყარია სცენა, როდესაც მიშკინი და რაგოჟინი საუბრობენ ოთახში მოკლულ ნასტასია ფილიპოვნას ცხედრის მახლობლად: მკვლელი რაგოჟინი ამშვიდებს მიშკინს — გვამს სუნი არ ასდინდება, რადგან მე ის „ამერიკულ მუშაობაში“ გავხვით და შეგვიძლია აქვე, მის გვერდით გავათიოთ ლამეო („იდიოტი“).

შეუდარებელია სცენა დუნიას მისვლისა სვიდრიგაილოვის ბინაში, რასკოლნიკოვის დაკითხვა გამომძიებლის მიერ („დანაშ. და სასჯ.“) და მრ. სხვ. ფსიქოლოგიური ანალიზი ხშირად უკიდურესობამდე გამახვილებული ავტორის მიერ: რომელიმე პერსონაჟის ესათუის დამახასიათებელი ფიზიოლოგიური ნიშანი განზრახ არის გამოყოფილი და მისდამია მიმართული მეორე პერსონაჟის ყურადღება. ასე, მაგალითად, დიმიტრი კარამაზოვს განსაკუთრებით აღელვებს ზედმეტი ნეკი გრუშენკას მარცხენა ფეხზე. მიშკინის დაჭიმულ ყურადღებას იპყრობს მკვდარ ნასტასია ფილიპოვნას „თითქოს მარმარილოსაგან ჩამოქნილი“, „საშინლად უმოძრაო“ ცერი; შეუძლებელია მსგავსი დეტალების ჩამოთვლა და ჩვენც განზრახ შევჩერდით განსაკუთრებით თვალსაჩინო მაგალითებზე.

და როცა მკითხველი იგონებს ამ დეტალებს, არ შეუძლია არ დაეთანხმოს გორკის, რომელიც 1934 წელს მწერალთა ყრილობაზე ამბობდა: „დოსტოევსკის გენიალობა უდავოა, გამომსახველობის სიძლიერის მხრივ მისი ნიჭი შეიძლება მხოლოდ შექსპირისას შევადაროთ“.

7.

დოსტოევსკის შესახებ ბევრის წერა შეიძლება. მისი ზოგიერთი პერსონაჟები ღირსია ცალკე წერილებისა, მწერლის მხატვრული ტექნიკის საკითხები — მთელი მონოგრაფიისა. რუსულ და ევროპულ კრტიკაში დიდი ლიტერატურა არსებობს ამ საკითხებზე.

თვითონ დოსტოევსკი იქცა ლიტერატურულ გმირად და ცნობილია მისი ბიოგრაფიის მასალაზე დაწერილი რამდენიმე ბელეტრისტული ნაწარმოები.

გ. ჟღენტი

ვახტანგ ორბელიანის წერილები ჩხალთან

საყ. დაო ძალუაჲ! ¹ მოგწერათ მე სრულებით მადლობელი არა ვარო! ნეტავი შენის მეტი ჩემზედ უმადურათ არავინ არ იყოს და შენ კი, თუ ჩემზედ მართლა ჯავრობ, ჩქარა შეგირიდებდი, თუ ღმერთმა ინება და გამოგვიშვეს. მაგრამ ჩემზედ ასეთი ჯავრობენ, რომელთანაც ჩემი შერიგება ძნელი და არის. მაგრამ ამაზედ მერე ვილაპარაკებთ, თუ გამოგვიშვეს. ნეტავი იცოდე რამდენი ჭირი შემიტყვი ამ ჩუენს ტუსალობაში. მგონია იმდენი შენ არ შეგეტყოს, მაგრამ მაშინათვე კი არ გეტყვი, ჯერ ცოტას გაგაჯავრებ და მერე კი იქნება ვითხრა. რა ექნა ბევრის რისმე მოწერა მინდა, მაგრამ არ შეიძლება სხვადასხვა მიზეზით.

ახლა მას მოგწერ, რომ მაკა და ბარბარე მომიკითხე და ჩემ მაგიერათ დეემუქარე მაკას, რაც ადრე ლანძღვა მოუწერია არ შერჩება, მაშინ ავათ ვიყავი და ახლა კარგათა ვარ და თუ გამოგვიშვეს მე ვიცი. —

ლუთის მოწყალობით სრულებით კარგათა ვარ. ბატონიშვილის ამბავი შეგვატყობინეთ. დარიკოს, დათიკოს და მარიკოსა? პირთ ვაკოცებ, მაგრამ პატარა ქალი ჯერ არაფერი საკოცნელი იქნება. —

ვახტანგ

საყვარელო დაო ძალუაჲ!

ვიცი როგორცა გამართებს ჩემზედ დამდურება, ან როგორც გაჯავრებული უნდა იყო, რომ აქნობამდინ წიგნი არ მომიწერია. რა ექნა ძალუაჲ არ ვიცი, რა მიზეზი მოგწერო: ტყუილები თუ მოვიგონო, გაგიგონია ტყუილს მოკლე ფეხები ასხიაო, მაშ რა მოგწერო, შენ ნუ მომიკვდები მეც არ ვიცი; მაგრამ ამას კი ნუ იფიქრებ, რომ მე ჩემი ძალუა ეტაბრინე დამეციწყებოდეს. შენ ნუ მომიკვდები ძალუაჲ. თუნდ ღღემი ერთი წიგნი მოგწერო და თუნდ წელიწადში ერთიც არ მოგწერო, მე შენ ერთ რიგათ მასსოვხარ და ამისთვისაც საჭირო არ არის, რომ ბოდიში მოვიხადო. მხოლოდ ამას მოგწერ, რომ რაკი მოვედით მაშინვე დათიკოს სიკუდილი შევიტყვეთ და აბა იფიქრე რა შეწუხებულედი ვიქნებოდით და ან რალა უნდა მომეწერა, და რა წიგნის წაკითხვა გაამებოდა. — ამას გარდა, მანამ ბატონიშვილს მანდ დაბრუნებას გამოუტყვადებდენ არ ვიცი როგორ მოგწერო ამის შეწუხება. თავის თავს აღარ ასვენებდა, და აღარაფრის თავი არა მქონდა. — ახლა გთხოვ ჩემო საყვარელო ძალუაჲ. წიგნი მომწერო ხოლმე ხშირათ და მანდაური ამბები. მხოლოდ ეგლა მექნება ნუგეშათ. დიმიტრიოჲ დაითხოვეს დროით და მარტო ვრჩები. — ძალიან შეწუხებდომი მარტობით, თუ აქაურს საზოგადოებას ასე მიღებული არ ვყვანდეთ. — მე არა მგონია, რომ საქართველოში რომ მედიკოსს მოსვლა ჩემმა ნათესავეებმა ასრე მიძილენ. ყოველს სახლში ნათესაურათ, მაგრამ ეს რა საჭირო არის, ისე მანდაური ახავი მიჩვენებ. — რამაზის წიგნი მომივიდა. ნეტავი იცოდე რა რიგათ მიაბა. როდესაც სრულებით იმედი არა მქონდა, რომ მე წიგნი ვისიმე მომივიდოდა. იწერება რომ აქ ძალიან მზარულათა ვართო. ძალუაჲ გეთაყვანე წერილათ მომწერე. შენ არ იცი რა სასიამოვნოა ამბების შეტყობა კაცისათვის, რომელშიაც თითონა კოფილა და რომელიც მოშორებულა. — ან ვინ გათხოვდა, ან ცოლი ვინ შეირთო, ან ვინა თხოვდებდა, როგორს თასაკრავებს იკურენ და სხვანი. იქნება შენ შეწუხებული იყო და ამ გვარების მოწერა არ ვიამოს. — ძალუაჲ ღმერთი მოწყალეა. — ნეტავი იცოდე ჩვენ აქ დროს როგორ ვატარებთ. ნეტავი მაჩენა მაკა. მაგრამ აქაური ამბები რომ ყველა მოგწერო რვა თაბახი ქალაქი მომინდებდა. მანც კი მოგწერ იქით ფორტებში. გეთაყვანე მომწერე რასა იქს ძალუა ბარბარე. ² — შენ ნუ მომიკვდები ძალიან ვწუხვარ, რომ წიგნი ვერ მოგწერე. მომიკითხე საყვარელთ და უთხარ რომ ნუ დამემდურება. წიგნს მოგწერე. — რა ექნა, ბევრი რამ მინდა მოგწერო. როგორც ფუტყარი სკაში, ჩემს თავში ისე თრევან სხვადასხვა ფიქრება შენთან მოსაწერათ და ვერცერთი რიგიანათ ვერ მომიწერია. — ჩემი ძმის კლექსანდრეს ³ წიგნები მოგვიდის. ღმერთი მოწყალეა. იმედი მაქვს ხელმოწითისა, რომ ჩქარა მანდ ვიყო ერთათ საქართველოში.

ძალუაჲ! ჩემს საყვარელს პირს აკოცე დარბას და ჩემ ქალს მაიკოს ⁴ რა ღამაში გოგოები იქნებან ახლა — მაქვს იმედი ღმერთით რომ ჩქარა ვნახოთ ვეგნით. —

მაგათ ბრწყინვალებას კნიაზს და კნინას ბარბარეს უმდაბლესათ მოკითხვას მოვასხენიბ და მაგათ მშვიდობას ღმერთს ვთხოვ ვიცი რომ თავიანთ ღოცვაში ხანდახან მომიგონენ ბენ. —

ჩემს საყვარელ ძმას ზალიკოს პირს ვაკოცებ, თუ ჯვარი დაიწერა ჩემ მაგიერ მიუ-
ლოცე. — იმედი მაქვს, რომ ჩქარა ერთადერთის ტბაზედ წავიდეთ. წიგნს მოვწერ იმ ფორ-
ტით.

ქერძობანი მომიკითხე. მშვიდობით, ღმერთს ვთხოვ შენს მშვიდობით ნახვას.
შენი ძმა ვახტანგი

14 თებერვალს 1835-ს წელს

შენიშვნები:

I

ვახტანგ ორბელიანის ლექსთა კრებული პირველად 1894 წელს დაიბეჭდა ილ. ქავჭავაძისა და პ. უმიკაშვილის რედაქციით. ამ გამოცემას ეროვის ილ. ქავჭავაძის კრიტიკული წერილი, სადაც მოკლედ განხილულია ვ. ორბელიანის ცხოვრება და შემოქმედება.

1894 წ. პოეტის ქალიშვილმა მარიამმა ეს წერილები გადასცა პ. უმიკაშვილს. პ. უმიკაშვილმა წერილები გაუგზავნა ილიას, როგორც საბიოგრაფიო მასალა. „ძვირფასო ილია! — წერს პ. უმიკაშვილი ილ. ქავჭავაძეს. — ეს ორი წერილი ვახტანგ ორბელიანისაა, რომელიც გადმომცა ვახტანგის ასულმა... აქამდის დრო ვერ ჩავიგდე შენთვის გამოგეზავნა ეს წერილები. ახლაც ქიათურიდან გიგზავნი ბიოგრაფიის მასალად, თუ გამოგადგა... ნამდვილები მე დავიტოვე; რადგანაც მეფიქრება. ჩვეულებისამებრ არ დაჰკარგოს მეთქი“ (1 აპრილს, 1894 წ. ჭიათურა).

წერილები დაცულია საქ. მუზეუმის წერა-კითხვის საზოგადოების ყოფილ ფონდში. (5275) ისინი მრავალმხრივ არიან საყურადღებონი, ესეზიან ვ. ორბელიანის ცხოვრების გარკვეულ პერიოდს. როგორც ცნობილია ვ. ორბელიანმა, პეტერბურგიდან დაბრუნების შემდეგ, 1830-32 წლები ტფილისში გაატარა. ამდროს ის დაუახლოვდა „საიდუმლო მეგობრობის“ საზოგადოებას, რომელიც აჯანყებას ამზადებდა რუსეთის წინააღმდეგ. პოეტი გახდა ამ ორგანიზაციის აქტიური წევრი. აჯანყების დაწყების წინა დღეებში შეთქმულების მთავარი კომიტეტი გაცემული იქნა. შეთქმულების მთავარი მონაწილენი, მათ შორის ვახტანგ ორბელიანი, მეფის მთავრობამ დააპატიმრა. პოეტი ერთ წელზე მეტი იყო დატყვევებული ავლაბრის ყაზარმებში. 1834 წელს კი გადაასახლეს კალუგაში, სადაც 1837 წლამდე იმყოფებოდა.

პირველი წერილი უთარილია. იგი დაწერილი უნდა იყოს ტფილისში, ავლაბრის ყაზარმებში პატიმრობის დროს (1832-33წ) ორივე წერილის ადრესატია ვახტანგ ორბელიანის ძმის ალექსანდრეს ცოლი ეკატერინე.

1) ეკატერინე — იყო „ლუბერსკი სეკატრის“ დავით ბარათაშვილის ასული. 1932 წლის შეთქმულებაში ეკატერინე იღებდა მონაწილეობას. ალ. ორბელიანის მოგონებაში ვკითხულობთ: „ჩემი კატინაც ერთა ჩვენს საქმეში, სხვანი ქართველნი ქალებიც ბევრი, რომელიცა ჩემს კატინას. ვალათ დასდეს. რეველუციის ბაიარახი შეეკერა...“ (საქ. მუზ. წ. კ. ს. ყ. ფ. № 1159). ალ. ორბელიანმა ეკატერინე შეირთო 1822 წელს.

2. დარიკო, დათიკო, მარიკო — ალექსანდრეს შვილებია.

II.

1. დათიკო — ალ. ორბელიანის შვილი.

2. დიმიტრი — ვახტანგ და ალექსანდრე ორბელიანების უმცროსი ძმა, გრენადერეანს პოლკის პრაპორშჩიკი. სწავლობდა ტფილისის კეთილშობილთა სასწავლებელში, შემდეგ — პეტერბურგის გვარდიის სკოლაში. იღებდა მონაწილეობას პოლონეთის წინააღმდეგ წარმოებულ საომარ კამპანიაში. 1832 წლის შეთქმულებაში მონაწილეობისთვის იგი, ვახტანგთან ერთად გადაასახლეს კალუგაში. (АРХИВ, 8, СТ. 409).

3. ბარბარე — თთარ ჭობულაშვილის ცოლი, ომან მდივანის — ხერხეთლიძის ასული. „დიდით პატივცემული, ლიტერატურის მოყვარე მანდილოსანი“ (პ. უმიკაშვილი), გარდაიცვალა 1832 წ. პლატონ იოსელიანის მონოგრაფიაში „ცხოვრება გიორგი მეცამეტისა“, გიორგიმეცამეტის ასე ბარბარე ჭობულაშვილის მიერ მოწოდებული ცნობები.

4. ალექსანდრე ორბელიანი 1832 წ. შეთქმულებაში მონაწილეობის გამო გადასახლებული იყო ორენბურგს, საიდანაც დაბრუნდა 1841 წ.

5. დარია, მაიკო — ალ. ორბელიანის შვილები.

6. ზალიკო — ზაალ ბარათაშვილი, ვახტანგის ძმის ალექსანდრეს ცოლის ეკატერინეს ძმა.

1939 წ. იანვრიდან „ჩვენი თაობა“ გაგზავნილ
შოკველთვიურად

ხელის მოწერის პირობები:

წლიურად	18 მან.
ნახევარი წლით	9 „
ცალკე ნომერი	1 შ. 50 კ.

ხელის მოწერა მიიღება სახელგამის ყველა მაღაზიაში, სოიუზპეჩატის
რაიბიუროებში და სახელგამის პერიოდ-სექტორში.

რედაქციის მისამართი:

ტფილისი, მაჩაბლის ქ. № 13, მწერალთა კავშირი.

2 553
1939

1. ქვეყნის
"საქართველოს
საზოგადოებრივი
მედიცინის ინსტიტუტი"



2. საქართველოს
"საქართველოს
საზოგადოებრივი
მედიცინის ინსტიტუტი"

3. საქართველოს
"საქართველოს
საზოგადოებრივი
მედიცინის ინსტიტუტი"

Ежемесячный журнал
„ЧВЕНИ ТАОБА“
Сахелгами 1939 г. Тбилиси